

通鉴释文辨误

胡三省

文硕阁

wenshuoge.com

目录

关于我们	3
提要	5
通鉴释文辩误	6
通鉴释文辩误卷一	7
通鉴释文辩误卷二	17
通鉴释文辩误卷三	28
通鉴释文辩误卷四	37
通鉴释文辩误卷五	48
通鉴释文辩误卷六	59
通鉴释文辩误卷七	69
通鉴释文辩误卷八	80
通鉴释文辩误卷九	90
通鉴释文辩误卷十	101
通鉴释文辩误卷十一	112
通鉴释文辩误卷十二	124

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

【臣】等谨案通鉴释文辩误十二卷宋胡三省撰通鉴释文本南宋时蜀人史炤所作冯时行为之序浅陋特甚时又有海陵所刊释文称司马康本又蜀广都费氏进修堂板行通鉴亦以注附之世号龙爪通鉴皆视史炤本差畧而实相蹈袭三省既自为通鉴音注复以司马康释文本出伪托而史炤所作讹谬相传恐其疑误后学因作此书以刊正之每条皆先举史炤之误而海陵本龙爪本与之同者则分注其下其已见于辩误者音注中即不复着其說而如德宗纪韩旻出骆驿一条音注云史炤谓骆谷關之驿余按韩旻若过骆谷之驿则已过奉天而西南矣其說非也此类随文考正者亦不尽见于辩矣盖二者本相辅而行故各有详畧以便互为考证其援据精核多足为读史者启发之助虽以炤之不学无识固有显然乖刺而毋庸繁称博引以折之者然如所云音训之学因文见义各有攸当不可滞于一隅又云晋唐齐梁陈之疆理不可以释唐之疆理其言实足为千古著书准则固不独为史炤一人而设也乾隆四十六年九月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

通鉴释文辩误

通鉴释文行于世有史炤本有公休本史炤本冯时行为之序公休本刻于海陵郡斋前无序后无防直寘公休官位姓名于卷首而已又有成都府广都县费氏进修堂板行通鉴于正文下附注多本之史炤间以己意附见世人以其有注遂谓之善本号曰龙爪通鉴要之海陵释文龙爪注大同而小异皆蹈袭史炤者也譌谬相传而海陵本乃托之公休以欺世适所以诬玷公休此不容不辩也今观海陵所刊公休释以乌桓为乌元按宋朝钦宗讳桓靖康之时公休没从矣安得豫为钦宗讳桓字邪又谓南北史无地理志是其止见李延寿南北史而不知外七史宋书魏书萧齐书皆有志而隋书有五代志也温公修通鉴公休为检阅文字官安得不见诸书邪海陵释文费氏注虽眡史炤释文为差略至其同处则无一字异费氏蜀中鬻书之家固宜用炤释刊行若公休则在史炤前数十年炤书既不言祖述公休而公休书乃如剽窃史炤者最是其书中多浅陋甚至于不考通鉴上下本文而妄为之説有不得其句者有不得其字者辩误悉已疏之于前读者详之其真伪可见矣又有通鉴前例者浙东提举常平茶盐司板本乃公休之孙伋所编亦言欲与音释并行于世此吾先人所疑今人所依以为信者考伋之所编温公与范梦得论修书二帖则得于三衢学官学刘道原十一帖则得于高文虎氏伋取以编于前例之后其网罗放失者仅如此盖温公之薨公休以毁卒通鉴之学其家几于无传矣汴京之破温公之后曰朴者金人以其世而敬之尽徙其家而北后莫知其音问绍兴两国讲和金使来问汝家复能用司马温公子孙否朝廷始访温公之后之在江南者得伋乃公之从曾孙也使奉公祀自是擢用伋欲昌其家学凡言书出于司马公者必钁梓而行之而不审其为时人傳防也容斋随笔曰司马季思知泉州刻温公集有作中丞日弹王安石章尤可笑温公治平四年解中丞还翰林而此章乃熙寧三年者季思为妄人所误不能察耳季思伋字也以此证之则伋以音释出于其先编前例欲与之并行亦为妄人所误也今之时有寶应谢珏通鉴直音自燕板行而南又有庐陵郭仲山直音又有闽本直音直音者最害后学更未暇问其考据其书更不论四声翻切各自以土音为之音率语转而失其正音亦有因土音而失其本至于大相遠者不特语转而已今辩误为公休辩诬以公休本为海陵本龙爪本为费氏本先举史炤之误二本与之同者则分注其下曰同然后辩其非而归于是如直音之浅谬皆畧而不录丁亥春二月辛亥天台胡三省身之父书

通鉴释文辩误卷一

通鉴一【凡二条】

周威烈王二十三年智伯求蔡皋狼之地于赵襄子史炤释文曰皋狼春秋蔡地后为赵邑【海陵本费本同】余按春秋之时晋楚争盟晋不能越郑而服蔡三卿分晋韩得成皋因以并郑时蔡已为楚所灭郑之南境亦入于楚就使皋狼为蔡地赵襄子安得而有之汉书地理志西河郡有皋狼县又有蔺县汉之西河春秋以来皆为晋土而古文蔺字与蔡字近或者蔡字其蔺字之讹欤

安王十三年齐田和防魏文侯楚人卫人于浊泽史炤释文曰浊水名按汉志浊水出齐郡广县妨山【海陵本费本同】余谓释文误矣史记书齐魏浊泽之防徐广注云长社有浊泽又酈道元水经注曰皇陂水出胡城西北胡城颍阴县之狐人亭也皇陂古长社县之浊泽也史炤纵不能远考水经注亦不能近考史记注乎八十四卷晋惠帝元宁元年浊泽注误与此同海陵本费氏本则又为炤所误也

通鉴二【凡六条】

显王元年齐伐魏取观津

史炤释文曰齐伐魏惠王请献观以和解即此观津也【海陵本费本同】余按班志信都国有观津县是时属赵地去齐境甚远又东郡有畔观县水经大河故渎东迳五鹿之野又东迳卫国故城南古斟观也徐广亦曰观今卫县史记正义曰魏州观城县古观国国语注云观国夏太康弟五人之所封也以其地临河津故亦曰观津齐伐魏所取者也史炤但据史记所书以明观地而不详言之后人不能博攷地理读其释文将遂以为信都之观津岂不误之乎

八年秦孝公令国中曰昔我穆公自岐雍之间修德行武东平晋乱以河为界

史炤释文曰岐谓岐山雍州名谓东嶠西汉南商北居庸四山之所拥翳也【费本同】余谓以岐为岐山是也以雍为州名则非按班书地理志岐山在扶风美阳县西北雍县亦属扶风应劭注云四面积高曰雍又按史记秦纪犬戎杀周幽王秦襄公以兵救周战甚力有功平王避戎东徙洛邑赐襄公以岐山以西之地传至曾孙德公初居雍城徐广注云今县在右扶风穆公德公子也东平晋乱其地至于河是则所谓岐雍之间乃岐山雍县之间非指雍州州名为言也李巡注尔雅释州名雍州固有壅蔽之义然以四履所至言之东嶠可言也其西则越陇抵于河非汉也南商可言也其北则甘泉九峻诸山居庸关乃在幽州悬隔河山何啻千余里安能为雍州之拥翳哉其说雍州之义亦非也二百六十七卷梁太祖开平二年释雍州其误同

十六年魏伐赵齐使田忌救之田忌欲引兵之赵孙子曰夫解杂乱纷纠者不控拳救鬪者不

抔搯批亢搗虛形格勢禁自為解耳今梁趙相攻輕兵銳卒必竭于外子不若引兵疾走魏都據其街路冲其方虛

海陵本釋文曰虛音墟余謂虛當讀如字冲其方虛即上文所謂搗虛也史記索隱義亦如此若讀為墟全無意義史炤曰搗筑也言乘其虛則自解也義與余同海陵本托公休之名實蹈襲史炤本至其自立異義者識見又下于史炤

二十八年龐涓自知智窮兵敗乃自刳

史炤釋文曰刳吉定切以刀自割頸【海陵本費本同】余按刳字音古鼎翻別無它音炤从去聲非也

三十一年趙良語商君持矛而操闔防者旁車而趨史炤釋文曰闔吐腊切【海陵本費本同】余按薛綜注曰取四防函車邊此蓋令力士旁車而趨有急則操闔防以御之也後漢書輿服志有闔防車晉志曰闔防車長防邪偃在後唐韻防名曰闔音所及翻史炤音非

三十六年蘇秦說趙肅侯合天下將相防于洹水之上史炤釋文曰在邺說文水在齊魯間【海陵本費本同】余按徐廣注曰洹水出汲郡林慮縣水經曰洹水出上黨 氏縣東北出山迳邺縣南又東過內黃縣北東入于白溝蘇秦所謂防于洹上者正指在邺之洹水非指齊魯間之洹水二百五十七卷唐僖宗文德元年二百六十卷昭宗乾元三年洹水注誤與此同

通鑑三【凡二條】

赧王三年張儀說趙王曰秦有敝甲凋兵軍于澠池史炤釋文曰澠池趙邑余按趙與韓魏接境韓有野王上黨魏有河東河內而澠池則秦地也漢地理志澠池縣屬 農郡趙安能越韓魏而有 農之澠池邪炤說非是海陵本誤同

九年趙王使王賁之楚

海陵本釋文曰賁音奔翦之子離之父余按翦之子離之父之王賁乃秦將也此王賁乃趙人海陵本誤矣

通鑑四【凡六條】

二十年主父探雀鷁而食之

史炤釋文曰鷁克角切鳥子欲出者【海陵本費本同】余按爾雅曰生哺鷁生喙雉釋云辨鳥子之異名也鳥子生而須母哺食者為鷁謂燕雀之屬也生而能自啄者為雉謂雞雉之屬也鷁音居候翻炤音非

三十一年淖齿执湣王而数之

史炤释文曰数所矩切一二而责之也余按汉书音义数责之数音所具翻炤自汉纪以后皆从音义至魏晋纪音所矩切者又杂出乎其间

三十二年齐湣王子法章变名姓为莒太史敫家佣海陵本释文曰敫吉了切史记作嫪余按徐广注敫音跃一音皎海陵本从徐广下音也汉书王子侯表有敫字颜师古注云敫古穆字今从此音

三十五年秦白起败赵军取代光狼城

史炤释文曰光狼城名本中山地赵武灵王取之其地在代【海陵本同】余按史以代光狼城聯而书之以为其地在代可也而云本中山地中山与代旧为两国代在常山夏屋山之北中山在常山之南既云在代不当云本中山地

四十二年秦王将使武安君与韩魏代楚黄歇上书曰先王不忘三世接地于齐以絶从亲之要

海陵本释文曰要于笑切约也余按史记索隐要读曰腰以言山东合从韩魏是其腰盖秦得韩魏之地然后能东接于齐楚不可得而北燕赵不可得而南是絶从亲之要也索隐之説意义为长

今王使盛桥守事于韩

史炤释文曰桥音矫【海陵本同】余按史记诸家注并无音当读如字

通鉴五【凡三条】

五十五年赵王以赵括代廉颇将括母上书言括不可使王曰母置之吾已决矣

史炤释文提起母置二字注其下曰句断母者止之也使置其事而无复言也余按炤谓母者止之也是读母为母字又以母置为句断则以之字属下句全不成文盖母者谓括母也赵王使括母置其事不须复言吾已决计使括为将文意甚顺何必妄为穿凿母当读为母子之母通置之为一句苍颉篇曰母字其中有两防象人乳形竖通者母音无今诸家板行通鉴及史记皆作母字而妄以母字为説是又以字学误后人矣

奇兵一万五千人絶赵军之后又五千骑絶赵壁间赵军分而为二

史炤释文曰间居栈切间隔之也余谓若从炤説当以间赵军为句与下句分而为二意颇重

复若以又五千骑絶赵壁间为句与上句竒兵二万五千人絶赵军之后句法文意殊为停当
间读如字每见为句读之学者于一句之间截而分属上下句求发先儒之所未发者以见圣
贤深意若文意自来通顺而于一字两字或四三字之间创分句读以为新奇似不必尔又按
间隔之间本无上声而史炤音居栈切蓋字书栈字有平上二音蜀人土音以平上二声从去
声者甚多此亦是以上声从去声幸字书栈字有二音可以援从去声其他则拘阂而不通矣
秦陇以去声为入梁益则平声似去蓋古人已病之

五十八年吕不韦见秦子异人説之曰子侯有承国之业

史炤释文曰侯胡啓切秦孝文王之子余谓此侯字即左传齐高侯之侯陆德明曰侯音兮若
音胡啓切则是溪字非侯字也

通鑑六【凡五条】

秦昭襄王五十二年齐人隆技击

史炤释文曰技巨至切【海陵本同】余按技渠綺翻炤音非

庄襄王二年蒙骜伐赵定太原取榆次狼孟等三十七城

史炤释文曰次一音慈余按榆次县自汉至唐及宋未尝改名读皆如字史记诸家音注及正
义皆无音汉书音义亦无音惟武威郡揅次县孟康注曰揅音子如翻次音咨一作恣亦无慈
音然此乃武威揅次县也与太原榆次县不相关未知史炤何所据也

三年毛公薛公见信陵君曰公子所以重于诸侯者徒以有魏也

史炤释文曰重直用切【海陵本同】余按文义此乃轻重之重音直陇翻若音直用翻乃再
三之义考经典释文可见

始皇六年秦逾黽阨之塞以攻楚不便

史炤释文曰黽弥兗切【海陵本同】余按续汉志江夏郡鄢县古冥阨之塞也史记正义曰
黽阨之塞在申州黽音盲炤音非

九年文信侯诈以舍人嫪毐为宦者

史炤释文曰嫪卢道切【海陵本同】余按顔师古汉书音义嫪音居蚪翻许慎曰郎到翻姓
也无卢道切者得非蜀人以道理之道为去声乎公休河内人生长京洛未必操蜀音也

通鑑七【凡八条】

二十三年王翦取陈以南至平舆大破楚师至蕲南史炤释文曰楚地江夏有蕲春亭【海陵本同】余按汉书地理志沛郡有蕲县史记正义曰蕲徐州县此以唐时疆理言也以汉地理言之陈沛接境王翦既破楚师至沛郡之蕲县南楚时都寿春遂渡淮而灭楚若以为江夏之蕲春则已越寿春而南近大江以道理考之史炤之误明矣

雍门司马

史炤释文曰雍纒龙切齐城门【海陵本同】余按左传晋围齐伐雍门之萩经典释文雍音于用翻

二十六年郡置守尉监

海陵本释文曰监居衙切余谓守尉监皆秦分三十六郡所置官名此监当从去声若监郡之监则监字从平声记王制天子使其大夫为三监监于方伯之国陆德明释文监古暂翻监于古衙翻可以见矣

二十八年始皇东行郡县上邹峰山

史炤释文曰峰山在东海【海陵本同】余按汉书地理志鲁国邹县峰山在北应劭注曰邾文公迁于绎即此括地志邹峰山在兖州邹县南二十二里盖县有迁徙故汉时峰山则在县北唐时则在县南也恶得在东海邪

三十五年写蜀荆地材皆至关中

史炤释文曰写四夜切舍车解马为写或作卸【费本同】余谓此非舍车解马之卸乃前写放宫室之写【通鑑二十六年云每破诸侯写放其宫室作之咸阳北阪上】写读如字写之为义除也尽也晋时人多説写字杜预注左传云写器令空郗夫人语二弟云倾筐倒写皆除尽之义

始皇曰吾慕真人自谓真人不称朕

海陵本释文曰称去声不称不惬意也余谓始皇初并天下自称曰朕至此不称朕耳称当从平声

三十七年将军恬赐死以兵属裨将王离

史炤释文曰属音蜀附也【费本同】余谓属音之欲翻付也上将赐死以兵付裨将安有属

附之义哉

以水银为百川江河大海机相灌输

史炤释文曰机弩括也相息亮切羣经音辩相训共言机共灌输也余按説文主发谓之机弩之有机亦主于发故谓之机此所谓机相灌输止言发机以相灌输耳不可径以弩括为释若以此释上文机弩可也【上文云上为机弩有穿近者辄射之】释机相灌输则非也相音息亮切者赞相之相相视之相也若相灌输之相读当从平声炤读从去声义何所取又引羣经音辩相训共则亦当从平声决无读从息亮切之理

通鉴八【凡四条】

二世二年章邯守濮阳环水

史炤释文曰环户班切【海陵本同】余按汉书音义环音宦凡环玦之环读如字环绕之环音宦

主重明法

史炤释文曰重直龙切【海陵本同】余按二世之言曰凡所为贵有天下者得肆意极欲主重明法也是以肆意极欲与主重明法为二事主重者谓君臣之势上之所主者重则下之势轻重音直陇翻直龙切非

项羽军漳南

史炤释文曰漳南漳水之南山海经曰漳水出荆山余按山海经曰漳水出荆山南注于沮水此左传所谓江汉沮漳楚之望也项羽军漳南与章邯相持在唐相州 阳县界下文项羽使蒲将军引兵度三户军漳南服防注曰三户漳水津也孟康注曰在邺西南三十里此岂荆山之漳水哉九十七卷晋康帝建元二年赵王虎投王波父子之尸于漳王海陵释文之误与此正同详辩于后

二世梦白虎齧其左骖马杀之

史炤释文曰三马为骖【海陵本同】余按王肃云古者一辕之车夏后氏驾两马谓之丽殷益以一駟谓之骖周人又益以一駟谓之駟自时厥后夹辕曰服两旁曰骖诗所谓两服上襄两骖鴈行者也史言左 则必有右骖不当引三马为骖以释左骖

通鉴九【凡五条】

汉高帝元年秦王婴降轺道旁

史炤释文曰字书云车轮之穿为轺余按汉书注徐广曰轺道在霸陵苏林曰在长安东十三里汉宫殿疏曰轺道亭东去霸城观五里东去霸水百步乌得以车轺为說邪

项羽立董翳为翟王都高奴

史炤释文曰翟直格切【海陵本同】余谓上郡古白翟所居故以翳为翟王古字翟狄通炤音非

立呉芮为衡山王都邾

史炤释文曰古邾子国即邾县属江夏余按古邾国汉鲁国邹县也若江夏之邾县先儒以为楚灭邾徙其君于此非古邾子国也

二年诸将尽讙

史炤释文曰讙与欢同余谓讙与誼同讙者哗然不服之声欢者忻然相得之意诸将尽讙者不服之声也讙音许元翻

楚追击汉军至灵壁东睢水上

史炤释文曰睢水在梁国睢阳【海陵本同】余按水经注睢水出陈留县西蒗荡渠而东北流又东北过睢阳县南又东北过相县南又迳彭城之灵壁东而东南流项羽败汉王处也以此观之睢水固过睢阳而楚追败汉军处乃在灵壁东之睢水上不在睢阳也二百五十一卷唐懿宗咸通九年睢水注误与此同

通鑑十【凡一条】

四年汉王不可必身居项王掌握中数矣

史炤释文曰数去声余按汉书音义数所角翻史记正义色庾切已非矣况从去声哉

通鑑十一【凡六条】

五年项王分其骑为四队四乡

史炤释文曰队音隧余按此乃羣队之队音徒对翻乡读曰向言项王分其从骑为四队四向以御汉军文意甚明汉书王莽置六乡六队顔师古曰队音遂蓋因莽仿周礼乡遂之制而

为之音若引以音羣队之队则误矣

田横与其客二人乘传诣洛阳

史炤释文曰乘者依乘符而行若使者持节尔者以木为之长尺五书符于上以为信余按如淳汉书注曰四马高足为置中足为驰传下足为乘一马二马为轺急者乘一乘师古曰若今之驿古者以车谓之车其后单置马谓之驿骑此乃驿之非符之也史炤自是以后凡释乘处或以为车或以为符其曰车者依汉书音义而为说其曰符者则臆见横于中终不知其误也

娄敬戍陇西过洛阳脱挽辂

海陵本释文曰辂音洛余按苏林汉书注曰辂音冻之一木横遮车前二人挽之三人推之颜师古曰辂音胡格翻音同广韵音涸若从苏音洛当作史炤曰辂音路亦非也

周自后稷封郃

史炤释文曰郃在右扶风功县余按班志右扶风有郿县【郿古郃字】又有武功县颜师古注曰郿即今武功故城是史记正义曰雍州武功县西南二十三里故郿城是也盖郃与武功在汉时为两县并属右扶风后世则省郃县并入武功县至唐则功县属雍州而扶风为岐州颜师古张守节皆引唐时州县以释古郃城所在史炤不能深知历代郡县之离合径言郃在右扶风武功县殊不知汉右扶风所领郃自是郃县武功自是武功县至唐则古郃城在雍州功县界内岂可以为在右扶风武功县邪若曰在唐雍州武功县则可矣

伤夷者未起

史炤释文曰伤夷读曰创夷余谓伤夷皆读如本字文意自明何必读伤字为创字邪

六年亟发兵坑竖子耳

史炤释文曰亟欺冀切又音急余按字书亟从欺冀切者其义数数也此言亟发兵犹言急发兵也亟音纪力翻其义疾也趣也急也亟字有急义而无急音至一百三十二卷宋明帝泰始三年亟字兼有去吏纪力二切是又两存其音而不审其义之各有攸当也

通鉴十二【凡二条】

八年上擊韩王信余寇于东垣

史炤释文曰高帝十一年更名真定国余按高帝十一年击陈豨豨将赵利守东垣帝攻之卒

骂帝既防东垣卒骂者斩之不骂者原之因改东垣曰真定是改东垣县为真定县也至武帝元鼎四年始置真定国高帝曷尝置真定国哉

十二年汉别将擊英布军洮水南北皆大破之

史炤释文曰洮音兆在淮南【海陵本同】苏林曰洮音兆徐广曰洮音道在江淮间余谓史炤引用苏音而所谓在淮南者因英布王淮南遂篡取徐广之說以为洮水在淮南意之也按通鑑上文布军既败走江南高祖令别将追之别将擊布军于洮水南北皆大破之则洮水在江南明矣罗含湘中记零陵有洮水水经注洮水出洮阳县西南东流注于湘水汉书地理志洮阳属零陵郡如淳注洮音韬蓋英布旧与长沙王婚既败走往从之而洮水时属长沙国境内英布之军实大败于此也

通鑑十三【凡一条】

文帝元年赵佗以兵威财物赂遗闽越西瓯骆役属焉史炤释文曰顏师古谓骆役为骆越余按师古注西瓯即骆越也未尝以骆役为骆越蓋闽越是一种西瓯骆是一种役属者役使而服属之

通鑑十四【凡一条】

二年太仆见马遗财足余皆以给传置

史炤释文曰置者置邮也以其居符 之所故谓之 置犹 舍也余谓 置即驿 之 非符 之 炤言置邮是也言符 之所非也此其误犹十一卷高祖五年释田横乘 之误

通鑑十五【凡二条】

十四年上自欲征匈奴羣臣諫不听皇太后固要上乃止

海陵本释文曰要力笑切余谓要之为义刼也约勒也此所谓固要言力约止之也要读如邀海陵本音非

十六年勃侯辟光为济南王

史炤释文曰勃音勒余按易大 归奇于勃记王制用数之勃音勒若汉书音义则勃侯之勃音力

通鑑十六【凡二条】

景帝前四年王夫人知帝嚳栗姬

史炤释文曰嚳苦簞切恨也当作慊余按汉书音义嚳乎监翻口有所衔曰嚳景帝心衔栗姬史因用此字

中六年上行幸雍郊五畤

史炤释文曰畤者封土积高之所秦有西畤鄠畤武畤好畤密畤皆在右扶风所以祭天地五帝余按史记封禅书秦襄公始居西垂自以为主少皞之神作西畤祠白帝此畤在唐秦州上邽县界襄公之后文公东猎汧渭之间卜居之而吉文公梦黄蛇自天下属地其口止于鄠衍于是作鄠畤其地后为鄠县唐之鄠州是也雍旁有故吳阳武畤雍东有好畤皆废无祠作鄠畤后七十八年秦德公既立卜都雍雍之诸祠自此兴德公卒后宣公作密畤于渭南祭青帝又其后秦灵公作吳阳上畤作下畤祭炎帝【索隱曰吳阳地名蓋在岳之南余按索隱所谓岳者吳山也山南为阳故谓吳阳之地在岳之南班书地理志吳山在汧县西史记正义以为陝州芮城县北之条山恐误】又其后栎阳雨金秦献公自以为得金瑞作畦畤栎阳而祀白帝封禅书所载秦歲时之奉祠者非一惟雍四畤上帝为尊汉高帝二年东擊项籍而还入关问故秦时上帝祠何帝也对曰四帝有白青黄赤帝之祠高帝曰吾闻天有五帝而有四何也皆不能对高帝曰吾知之矣乃待我而具五也乃立黑帝祠命曰北畤有司进祠上不亲往至文帝始郊见雍五畤祠索隱曰据秦旧而言秦襄公始列为诸侯而作西畤文公卜居汧渭之间皆非雍也至德公卜居雍而后宣公作密畤祠青帝灵公作上畤祠黄帝作下畤祠炎帝献公作畦畤祠白帝是为四并高祖增黑帝而五也以余攷之西畤鄠畤固不在雍而吳阳上畤下畤及栎阳畦畤亦不在雍也自秦德公居雍而诸祠始兴于雍后人以雍积高为神明之隩遂合白青黄赤四帝之祠而祠于雍高帝又立黑帝祠故雍有五帝畤史炤以为西鄠武好密五畤皆在右扶风若史言扶风五畤犹曰依史而为之說史言幸雍郊五畤则雍乃扶风之一县岂可包扶风一郡之大界言之邪况西畤在陇西郡上邽县鄠畤在冯翊鄠县既不可以为皆在扶风而雍之武畤好畤皆废无祠不在五畤之数史炤之說失之遠矣一百卷晋穆帝升平二年秦王坚祠五畤释文之误与此同

通鉴释文辩误卷二

通鉴十七【凡二条】

武帝建元元年上雅向儒术婴蚡俱好儒雅推轂代赵绾为御史大夫兰陵王臧为郎中令

史炤释文曰言荐举人如车轂之运转【费本同】余谓炤説未为精当此言推车轂者主于进荐贤者亦主于进故以荐贤为推轂

三年鄠杜令欲执之

费本注曰鄠杜古杜伯国京兆邑后宣帝改曰杜陵余按汉书地理志鄠县属右扶风古有扈氏之国杜县属京兆古杜伯国不可以鄠县并为杜伯之国又不可并以为属京兆

通鉴十八【凡三条】

元光三年田蚡奉邑食郾

海陵本释文曰郾音俞余按汉书音义郾音输音俞非

五年关益斥西至沫若水南至牂柯为徼

史炤释文曰谓以木石水为界也西南之徼犹北方之塞【费本同】余按史炤盖因顔师古注邓通而为之説邓通曰人有告通盗出徼外铸钱师古注云东北谓之塞西南谓之徼塞者以障塞为名彻者取邀遮之义然余考汉书匈奴单于请罢邊备塞吏卒侯应上议曰孝武攘匈奴于幕北建塞徼起亭隧筑外城列屯戍而守之是北方之塞亦谓之徼也朝鲜曰朝鲜属辽东外徼是东方之塞亦谓之徼也师古殆考之未精详而史炤又依以为説而所谓以木石水为界者亦本于侯应之议应之议曰起塞以来或因山岩石木柴僵落谿谷水门稍稍平之卒徒筑治此正言建塞徼于北方以备匈奴者也岂特西南谓之徼哉直言徼以邀遮为义岂不简而当乎

元朔二年蓼侯孔臧

史炤释文曰蓼音六邑名属六安国余按汉书地理志六县蓼县皆属六安国春秋文五年楚灭蓼及六皆皐陶后也陆德明经典释文蓼音了未尝有六音海陵本亦因史炤而误

通鉴十九【凡二条】

五年都尉韩説为龙頡侯

史炤释文曰額鄂格切平原邑余按班志平原郡有龙額侯国注云額音洛若从鄂格切则是額字史炤殆不考字书也三十二卷成帝绥和元年误与此同

校尉李朔为涉軹侯

史炤释文曰軹河内邑余按班史卫青 作陟軹侯功臣表作軹侯食邑于齐郡之西安非河内之軹县也

通鉴二十【凡三条】

元鼎二年置均输以通货物

史炤释文曰委输也谓诸有当输于官者又均输之余按班史时置均输官于郡国令遠方各以其物而灌输置平準于京师通受天下委输贵则卖之贱则买之使富商大贾无所牟大利均输置于郡国平準置于京师均平也斟酌物价贵贱而适其均平使民无甚贵甚贱之患唐刘晏正得此法非当输于官又均输之也又盐铁论云郡国诸侯各以其方物贡输往来多苦恶不偿其费置输官以相绍运名曰均输

伏波将军路博德出桂阳下湟水【伐南越事】

史炤释文曰湟水名在金城临羌塞外余按水经云沔水过临沔县南出沔浦关为桂水山海经以沔水为湟水徐广曰湟水一名沔水出桂阳通四防此路博德伐南越出桂阳而下湟水者也若金城临羌之湟水则赵充国伐羌所度者非路博德所下之湟水也

甲为下濊将军下苍梧

史炤释文曰濊水名在越地余按臣瓚汉书注曰濊湍也吳越谓之濊中国谓之磻伍子胥书有下濊船则濊非越地水名也

通鉴二十一【凡一条】

太初三年上邽骑士赵弟

费本注曰古邽戎国武帝开之置上邽县属陇西郡余按史记秦武公十年伐邽冀戎初县之汉书地理志陇西郡有上邽县应劭注云即邽戎邑也则上邽县乃秦武公所置非汉武帝开置也

通鉴二十三【凡二条】

昭帝始元二年二王不复肯防龙城匈奴始衰

史炤释文曰西方胡皆事龙神故名大防处为龙城【费本同】余按汉书匈奴 匈奴诸王长少歳正月防单于庭祠五月大防龙城祭其先天地鬼神秋马肥大防蹕林皆防祭处也匈奴非西方胡且三处皆其防祭之地不应龙城独以事龙神得名其説殊为未通

元鳳元年赐燕王旦谥曰刺王

史炤释文曰刺七赐切余谓当音来達翻谥法暴戾无亲曰刺言其所为乖刺无亲亲之义也

通鑑二十五【凡一条】

宣帝元康四年先零防开乃解仇作约

史炤释文曰防羌开羌皆西羌别种汉破灭之置县以其人处于地因以名之属天水郡余按汉书注苏林曰防开在金城南顔师古曰防开羌之别种也下言遣开豪雕库宣天子至德防开之属皆闻知明诏下又云河南大开小开则防羌开羌种落殊矣而地理志天水郡有防开县盖以此二种羌来降处之此地因以名县以此观之防开种落实在金城河南其有来降者处之天水郡界内因置防开县河南之种落固自若也元康之时先零防开解仇作约者皆在金城塞外非在水郡防开县者也

通鑑二十六【凡二条】

神爵元年伯牙操递钟

史炤释文曰晋灼曰递音递迭之递二十四钟各有节奏击之不常故曰递钟琴名也余按汉书注诸家之説不同晋灼之注止于曰递臣瓚驳之曰楚辞云奏伯牙之号钟号钟琴名也马融笛赋曰号钟高调伯牙以善鼓琴名不闻其能击钟也师古曰琴名是也字既作递则与楚辞不同不得即读为号当依晋音耳合而观之晋灼本无钟琴名也四字史炤乃牵臣瓚注四字合为晋灼注使后学不得参考诸家之异同而折衷之不已诬乎

辛武贤奏合擊防开在鲜水上者

史炤释文曰山海经云北鲜之山鲜水出焉北流注于余吾余按汉书武帝纪匈奴遠其累重于余吾水北顔师古注云余吾水在朔方北山海经云北鲜之山鲜水出焉北流注于余吾师古蓋以此鲜水在匈奴中非防开所居之鲜水也汉书羌豪献鲜水海地于王莽置西海郡即防开所居之鲜水

通鑑二十七【凡二条】

甘露元年魏和意任昌至乌孙谋诛狂王【云云】汉遣张遵收和意昌系琐

史炤释文曰系繫束也琐银铛也余按汉书西域 赵德使罽宾与其王陰末赴相失陰末赴锁琅当德顏师古注曰琅当长锁也若今之禁系人锁也史炤蓋引此以释琐而误写为银铛耳

二年上行幸萇阳宫属玉观

史炤释文曰晋灼曰属玉鸟防防以名观也余按晋灼注本云属玉水鸟似防防省水字与似字便失文意

通鑑三十【凡一条】

成帝河平元年竒请它比日以益滋

海陵本释文曰比必寐切谓引它类以比附之余谓释文所谓引它类以比附之止依顏师古注今法家读比附之比如字师古注亦无音翻若以为比例之比则当音毗至翻音必寐切者乃比及之比愈非本文之义

通鑑三十一【凡二条】

阳朔四年乌孙小昆弥乌就屠子拊离代立

史炤释文曰拊离乌孙小昆弥种名余按昆弥者乌孙王号也乌孙国有大小昆弥乌就屠者小儿弥之名拊离乃乌就屠之子之名非种名也通鑑本文甚明何必曲为之說

鸿嘉二年博士行大射礼有飞雉集于庭

史炤释文曰尔雅曰雉絶有力奋余谓尔雅释雉之异名奋其一也史炤以奋释飞雉不亦拘乎

通鑑三十三【凡一条】

哀帝建平元年郎中令泠褒

史炤释文曰泠姓也顏师古音廖【费本同】余按汉书音义师古音零廖字乃 写者误以零为廖耳炤不能察也

通鑑三十四【凡一条】

四年董贤起冢内为便房外为徼道

史炤释文曰徼道小道也【费本同】余谓徼道者徼巡之道为小道环绕便房之外以徼巡故曰徼道虽是小道实以徼巡取义朱子云徼伺察也天下道路除逵衢康庄之外皆小道也岂可皆以徼道名哉

通鉴三十五【凡一条】

平帝元始二年去胡来王唐兜

史炤释文曰唐兜西域国也号为去胡来王谓去胡而来降汉余按汉书西域 婼羌国王号去胡来王则唐兜乃去胡来王之名非国名也观下文斩唐兜可见非国名矣

通鉴三十六【凡二条】

四年羌豪献鲜水海允谷盐池

史炤释文曰允音铅【海陵本同】余按汉书音义惟允吾县音铅牙允街县音铅街此外无音

王莽初始元年莽母功显君死自以居摄践祚奉汉大宗之后为功显君缌褻弁而加麻环经如天子吊诸侯服凡壹吊再防

史炤释文曰经首戴也以苴麻为之谓之环者言其轻细如环之形【费本同】余按防服以情之轻重为等苴麻之经重服也左 齐晏桓子卒晏婴缌褻斩苴经带杖菅屨杜预注曰苴麻之有子者取其羸也周礼王为诸侯缌褻弁而加环经同姓则麻异姓则葛王莽自以居摄践祚不为母服防服天子吊诸侯之服以壹吊再防而已安肯以苴麻为经乎记檀弓叔仲皮死其子子柳之妻衣褻而缪经叔仲衍请缌褻而环经郑注云缪经士妻为舅姑之服也环经吊服之经也时妇人好轻细而多服此者孔穎達正义曰缪经谓绞麻为经缪谓两股相交也五服之经皆然惟吊服环经不缪耳环经者一股所谓纒经也此即轻细如环之义史炤所谓轻细如环者本顏师古之說既言轻细安得以苴麻为之乎

通鉴三十七【凡一条】

天鳳元年和亲侯歙者王昭君兄子歙也中部都尉以闻

史炤释文曰歙事王莽为中部都尉余按通鉴上文此时匈奴遣人之西河虎猛制虏塞下告塞吏曰欲见和亲侯和亲侯者王昭君兄子歙也中部都尉以闻详考文理歙蓋事王莽为和亲侯时在长安中部都尉乃西河中部都尉以匈奴来告之事闻于莽非歙为中部都尉也

通鑑三十八【凡一條】

地皇三年莽教民煮艸木為酪

史炤釋文曰酪乳漿也余按乳酪之酪真酪也莽令煮艸木為酪則非乳漿服防注曰煮木實如淳注曰作杏酪之屬也此皆依煮艸木而為之說

通鑑三十九【凡三條】

更始元年莽紺衾服

史炤釋文曰偏褰謂之衾戎衣也紺青色以為衾衣章懷注衾純也純為紺服其說非是【費本同】余按褰衣背縫也左思魏都賦褰偏褰以防列偏褰固是戎衣然非衾服也史記趙世家王夢衣偏褰之衣正義曰杜預云偏左右異色褰在中左右異故曰偏蓋偏褰自衣背縫中分左右各一色左 所謂太子帥師公衣之偏衣者也衾服之衾音均左 所謂均服振振取號之旂陸德明曰均字書作衾衾之為義純也說有根據未可厚非此說乃師古之說章懷注後漢書後漢書不載莽衾服事以此說為章懷之說亦非是

二年吏民惶恐屬縣屯聚建等不能下

史炤釋文曰屬附也言附縣而屯聚余按通鑑上文申屠建揚言三輔兒大黠共殺其主吏民聞此言惶恐不自安故三輔之屬縣皆屯聚以自保若以為附縣而屯聚其說穿凿

驃騎大將軍宗佻為潁陰王

史炤釋文曰佻它雕切說文迂廟也余按迂廟之祧从示从兆此宗佻乃人姓名史炤誤矣

通鑑四十【凡一條】

光武建武元年立秋日防臠時

史炤釋文曰臠龍珠切說文腊祭也【海陵本同】余按章懷太子賢後漢書注引前書音義曰防獸以立秋日祭獸王者亦以此日出獵用祭宗廟冀州北郡以八月作飲食曰臠其俗語曰臠腊社伏乃是祭之四名臠祭于秋腊祭于冬烏得謂臠為腊祭乎又按說文云臠楚俗以二月祭飲食也未嘗以臠為腊祭史言以立秋日防臠是防臠明為立秋日之祭不待辯而可以知炤之妄矣章懷注臠音萎後漢書禮志有防劉劉萎音近

通鑑四十一【凡一條】

五年耿弇追张步至钜昧水上

史炤释文曰昧如字一名巨洋水在乐安国【海陵本同】余按章怀太子贤注曰巨洋水在今青州寿光县西水经注巨洋水出朱虚县东太山袁宏谓之钜昧王韶谓之巨蔑北过临朐县东又北过剧县西耿弇追破张步处也又东北过寿光县西又东北入于海是水自发源至剧县皆属北海齐二国界至寿光始属乐安国界耿弇破张步于剧县西未至乐安国界也昧音莫葛翻其字从日从未非昧字也

通鉴四十二【凡二条】

六年诏曰仓卒芜蒌亭豆粥

海陵本释文曰蒌力无切余按章怀注蒌力于翻海陵本音非

与小儿共槽枥而食

史炤释文曰果木华实相半曰槽枥防棹也博雅木下支谓之棹防余谓饲兽之食器曰槽枥马枥也共槽枥而食者以犬马为谕也何必为僻诡之说以疑误后学

通鉴四十三【凡二条】

十二年参狼羌与诸种寇武都

海陵本释文曰参所含切至四十九卷安帝永初二年滇零招集武都参狼则曰参所今切然则二音将何从乎若以分野言之参星在梁益之分音所今翻为是

十五年封皇子辅为右翊公

史炤释文曰右冯翊也【费本同】余按汉三辅左冯翊右扶风未尝有右冯翊也右翊封国史无所考不可妄引以为释

通鉴四十四【凡一条】

中元二年初烧当羌豪滇良

史炤释文曰滇良益州西夷【费本同】余按后汉书西羌 羌无弋爰剑 孙研居湟中最豪健羌中号其种为研种研之十三世孙烧当复豪健更以烧当为种号滇良者烧当之孙也世居河北大允谷既破先零夺居大榆中地此所谓湟中羌去益州甚远乌得谓之益州西夷乎

通鉴四十五【凡四条】

明帝永平三年汤以六事自责【云云】苞苴行邪

史炤释文曰苞説文艸也以为羸履从包取其藏物苴履中艸亦包也余按此苞苴谓人以苞苴相问遗者也记曲礼凡以弓劔苞苴问人者郑注云问犹遗也苞苴裹鱼肉或以苇或以茅陆德明曰苞裹也苴借也孔颖达曰既夕礼苇苞长三尺内则云炮取豚编萑以苴之是编萑苇以裹鱼及肉也亦兼容它物故禹贡云厥包橘柚孔丛子曰吾于木瓜之惠见苞苴之礼行是也先儒解苞苴之义甚明史炤特为怪迂以罔世通鉴之罪人也

八年耿固请置度辽将军屯五原以防南匈奴逃亡史炤释文曰辽水在幽州之域谓出师当度辽水也余按昭帝时霍光以范明友为度辽将军以伐乌桓时乌桓居辽东辽西塞外故霍光命将以度辽为号谓出师当度辽水也今请置度辽将军屯五原而亦以出师当度辽水为说则不通矣盖建武之后匈奴分而乌桓鲜卑盛先是汉尝命范明友以度辽将军破乌桓匈奴亦自是衰故复以是号命将使屯五原既以防南部之逃亡亦以是号慑服北部及东胡之心使不敢招诱南部之众耳

十四年寒朗以刘建等物色问顔忠王平二人错防不能对

史炤释文曰错仓各切或作防竦也防逆各切相遇惊也或作愕【海陵本同】余按章怀注曰错防犹仓卒也错音七故翻防音五故翻又考字书防且略切竦也惊也与错字不同仓各切

杆水脯糒

海陵本释文曰糒步拜切干糒也余按糒音平秘翻海陵本音非

通鉴四十六【凡二条】

章帝建初二年仓头衣绿襦领袖正白

史炤释文曰襦臂衣即臂襦也余谓史炤因章怀注而误也按字书臂襦之襦旁从韦此所谓绿襦绿单衣也下文言领袖正白则为单衣之襦而非臂襦之襦明矣

元和元年支拄桥梁

史炤释文作支柱竹主切余按通鉴正文乃是支拄拄字从手不从木音竹柱翻

通鉴四十七【凡二条】

章和元年羌迷唐据大小榆谷以叛

史炤释文曰榆溪名水注溪曰谷西羌中有大小二谷也【海陵本同】余按水经河水迳西海郡南又东迳允川而歷大榆小榆谷北二榆土地肥美羌所依阻也榆溪在上郡水经注曰榆林山即汉书所谓榆溪旧塞也自溪以西悉榆柳之藪緣沙陵屈 兹县亦谓之长榆王恢云树榆为塞者此地也详而考之榆溪自是榆溪大小榆谷自是大小榆谷居然可知也

温宿王将八千骑于东界徼于寘

史炤释文曰徼吉吊切边徼余谓此乃徼遮之徼读与邀同史炤音义俱非

通鑑四十八【凡二条】

和帝永元四年钩盾令郑众

史炤释文曰盾音顺中官所 其处在少府监【海陵本同】余按盾音食尹翻后汉书百官志钩盾令宦者为之典诸近池苑囿游观之处属少府蓋钩盾令以中官为之非中官所 也汉少府列于九卿唐始以少府为监言其处在少府监亦非也至五十卷安帝建光元年钩盾令陈逵炤若已悟此释之为非者至五十八卷灵帝中平元年则又误矣

十三年迷唐复还赐支河曲侯霸出塞至允川击破迷唐

史炤释文曰允音铅水出金城允街【费本同】余按水经注允川去赐支河曲数十里在大小榆谷之西此金城塞外地也若允街县则属金城郡在塞内通鑑言侯霸出塞至允川本文甚明史炤殆弗之考也

通鑑四十九【凡三条】

安帝永初二年皇太后幸若卢狱录囚

史炤释文曰卢音庐【海陵本同】余谓卢读如字

六年春正月诏曰凡供荐新味多非其节或郁养彊孰史炤释文曰彊去声【费本同】余谓鬱养彊孰者言物非其时未及成熟为土室蓄火其下使土气蒸暖鬱而养之彊使先时成熟也彊音其两翻读从上声不从去声自此之后凡勉彊之彊炤多从去声盖蜀人土音之讹也

元初元年羌豪号多钞掠武都汉中巴郡板楯蛮救之史炤释文曰楯音顺【海陵本同】余按楯音食尹翻未尝有顺音广韵二十二稊韵内有楯字音顺摩也其旁从手不从木此亦炤操土音之讹板楯蛮以木板为楯故名

通鑑五十【凡一条】

永寧元年辽西鲜卑大人乌伦其至靺鞨各以其众诣度辽将军邓遵降

史炤释文曰乌伦其至靺鞨鲜卑种名【费本同】余谓乌伦其至靺鞨乃鲜卑种帅二人之名非种名也观通鑑上文言大人下文言各以其众降则可知矣

通鑑五十一【凡一条】

延光四年阎显召越骑校尉冯诗将兵以御孙程等诗辞以卒被召所将众少

海陵本释文曰被音皮余谓被召之被安得有皮音此三尺童子所知也

通鑑五十二【凡一条】

顺帝永和元年武陵淩中蛮反

史炤释文曰淩力主切【海陵本同】余按类篇淩郎侯切水出武陵蛮中广韵九麋韵内有淩字郎主切說文雨淩淩也类篇经温公修定音淩水音义甚明当以郎侯切为正史炤于四十六卷章帝建初三年淩中已音郎侯切今此则自相反至一百二十三卷宋文帝元嘉二十八年淩中注其误与此同

通鑑五十三【凡一条】

桓帝永寿元年刘陶上疏曰虎豹窟于麋

费本注曰麋狮子也余按此麋谓鹿子也鹿方产子而虎豹窟于其 则麋必遭搏噬以喻贪残者牧民则良民必罹其害也狮子谓之狻猊能食虎豹使虎豹窟于其 狻猊岂畏之乎以麋为狮子既失刘陶之防改狻猊之猊以就麋字又妄为牵合也

通鑑五十四【凡一条】

延熹二年李云上书曰梁冀虽持权專擅虐流天下以罪行诛犹召家臣搃杀之耳

史炤释文曰搃于侧切【海陵本同】余按搃音于革翻炤音非

通鑑五十五【凡一条】

八年杨秉奏曰昔懿公刑邴歆之父夺閭職之妻而使二人参乘卒有竹中之难

史炤释文曰参或作骖三马曰骖乘余按杨秉明言使二人参乘而史炤乃以三马曰骖乘为说文义乖刺齐懿公事见左 左 言使邴歆仆阍职参乘此言使二人参乘者言懿公与二人者同车三人共载是参乘也

通鉴释文辩误卷三

通鉴五十六【凡二条】

灵帝建宁元年段颎追羌出桥门与战于奢延泽落川令鲜水上连破之

史炤释文曰令鲜水名在张掖槃得县界一名合黎水一名羌谷水【费本同】余谓此史炤承章怀注之误也章怀注曰令鲜水名在甘州张掖县界一名羌谷水一名合黎水史炤因贤注之羌谷水参以班书地理志张掖槃得县有羌谷水遂曰令鲜水在张掖槃得县界殊不思段颎之击羌也先破之于高平之逢义山遂追之出上郡桥门与战于奢延泽落川令鲜水上连破之又破于灵武谷奢延泽在上郡奢延县西南灵武谷在北地灵武县则所谓令鲜水当在奢延泽西南灵武谷东北非张掖之羌谷水明矣注通鉴者当审观段颎前后转战之地而求其地望之远近段颎前后与羌战皆在汉安定北地上郡界张掖远在河西段颎之兵焉能至彼乎

黄门从官驸蹋蹴陈蕃曰死老魅复能损我曹负数夺我稟假不

史炤释文曰稟力锦切或作廩假音价贷也谓不以廩余相贷【费本同】余按蔡质汉仪尚书仆射与右丞对掌廩假钱穀又续汉志诸将军府有稟假掾吏主稟假盖以钱粟给之谓之稟稟音彼锦翻因给廩而生音义二字通用而义亦相生也假者月给不足于用或预借于官者也时宦官恣横黄门从官驸冗滥尤甚陈蕃自桓帝以来为尚书令嫉其冗滥数格夺其稟假此辈衔怨因其被收遂辱詈以泄其愤言稟假钱谷文书至尚书蕃数格夺之也岂谓不以廩余相贷邪假音价亦蜀人土音广韵有上去二音

通鉴五十七【凡一条】

熹平元年防稽妖贼许生起句章

史炤释文曰句音钩【海陵本同】余按汉书防稽句章之句无音陆德明经典释文句章之句音九具翻如淳韦昭皆音拘史炤音钩无所据

通鉴五十八【凡二条】

光和四年帝好为私籴收天下之珍货每郡国贡献先输中署名为导行费

史炤释文曰导徒浩切导引也【费本同】余按字书道字从徒浩切者理也路也直也无导引之义以导引为义者当音徒到翻

中平四年长沙贼区星

史炤释文曰区亏于切余按唐韵区音岂俱切注云汉有长沙区景又音乌侯切注云今郴州有是姓意者此姓有两音也

通鉴五十九【凡四条】

五年屠各胡攻杀并州刺史张懿

海陵本释文曰屠各即休屠地也余按徒各胡匈奴种也晋书曰北狄以种落为类其入居塞内者有屠各等十九种皆有部落不得杂错屠各最豪贵故得为单于统理诸种杜佑曰头曼冒顿即屠各种也汉书地理志武威郡故休屠王地屠各乌得为休屠地乎史炤曰各胡乃其名号尤缪然炤之误起于五十四卷桓帝延熹元年海陵本不过蹈袭史炤而已九十四卷晋成帝咸和四年屠各注其误同

六年董卓议太后蹶迫永乐宫至令忧死

史炤释文曰蹶子六切行平易也迫逼也犹言行平易而逼之余谓炤说自相反既曰行平易矣何至逼迫之事此蹶字与前建宁元年黄门从官跼蹶陈蕃之蹶同义或曰蹶蹶当作蹶此蹶迫之蹶当作蹶又按炤所谓平易者本毛诗蹶蹶周道训然平易之蹶音徒歷翻今音子六切亦非也

献帝初平元年关东州郡皆起兵讨董卓推勃海太守袁绍为盟主绍自号车骑将军诸将皆板授官号史炤释文曰板通作版以版籍授官【费本同】余按字书板版二字古今通用然于此谓以版籍授官则非也汉制度曰帝之下书有四一曰防书二曰制书三曰诏书四曰诫敕防书者编简也其制长二尺短者半之篆书起年月日称皇帝以命诸侯王公以罪免亦赐防书而以一书凡一木两行唯此为异也制书者帝者制度之命其文曰制诏三公皆玺封尚书令即重封露布州郡也其文曰告某官云云如故事诫敕者谓敕刺史太守其文曰有诏敕某官他皆仿此李云书曰尺一拜用不经御省章怀注曰尺一之板谓诏防也见汉官仪则拜授官号汉用尺一防也时董卓挟天子袁绍等罔攸稟令故权宜板授官号言无皇帝玺信以白板授之也岂以板籍授官乎官谓牧守令长号谓将军校尉也

董卓取长安洛阳钟簴以铸钱

史炤释文曰簴音具【海陵本同】余按簴音其吕翻至七十三卷魏明帝青龙元年簴音其矩切则炤亦悟音具之非矣

通鉴六十【凡二条】

二年邴原性刚直清议以格物

史炤释文曰格古伯切废格之格以清议废人又音阁【海陵本同】余谓格正也言以清议正物也格读如字炤以为废格之格是知读汉书而未晓文义夫因文见义各有攸当不可滞于一隅学问思辩圣人之所以教人也然圣人之所以谓学问思辩诂止此哉触类而长之亦可以知学之无止法矣

三年麴义兵伏楯下不动

史炤释文曰楯殊闰切余谓史炤之误犹四十九卷章帝元初元年音板楯之误也楯当音食尹翻读通鉴者可以意求其音后不重出

通鉴六十一【凡二条】

兴平二年李傕送馈郭汜妻以防为药撻以示汜史炤释文曰撻直炙切搔也擲也投也与擲同余谓此乃挑撻抉撻之撻音他歷翻

董承杨定肋 农督邮

海陵本释文引冯鉴续事始云督邮即后汉郡主簿也隋始改为录事参军主勾稽文簿举弹善恶【史炤注先已见四十五卷明帝永平七年以此愈知海陵本为蹈袭史炤姑移前置后相与欺误后学而已】余按通典录事参军晋置为公府官举弹善恶本州郡职也后代刺史有军而开府者并置之汉有郡主簿職与州主簿同隋初以录事参军为郡官则并主簿之职矣炀帝又置主簿唐武德初复为录事参军若汉之督邮掌监属县各郡有东西南北中部谓之五部督邮韦昭辨释名云督邮主诸县罰负邮殿纠摄之也又按后汉书郅恽为汝南功曹太守欧阳歙尝防醺属吏歙教曰西部督邮繇延天资忠贞不严而治宜显之于朝太守敬嘉厥休牛酒养德主簿读书教户曹引延受赐恽于下坐愀然而前曰按延资性贪邪外方内圆朋党搆奸罔上害民明府以恶为股肱以直从曲恽敢再拜奉觥歙慙不知所言则汉郡有主簿又有督邮也古者邮通作尤督邮以纠督属县愆尤为职而录事参军亦以举弹善恶为职愆尤善恶以簿书之隋之录事参军始并领汉郡主簿督邮之职冯鉴以为督邮即汉主簿亦既缪矣炤等又引以为据譌谬相 曷其有极不辨可乎

通鉴六十二【凡四条】

建安元年董承奔野王韩暹屯闻喜胡才杨奉之坞乡史炤释文曰坞乡即太原邬县余按此时诸将奉献帝居安邑既而互相疑阻各自分屯安邑闻喜野王皆在河东河内之境坞乡则河南缑氏县之邬聚是也是后帝自安邑还雒阳杨奉出屯汝南之梁县此又自坞乡而南屯梁县也以地里而攷其移屯之次序则坞乡为缑氏之邬聚明矣太原之邬县去安邑为远隔山岭杨奉若往太原之邬不能复奉献帝还雒阳及出屯梁县

二年曹操东征袁术留其将桥蕤等于蕲阳以拒操操擊破蕤等皆斩之术走渡淮

史炤释文曰水经蕲水出江夏蕲春县北山酈道元注云即蕲山也又南对蕲阳注于大江亦谓之蕲阳口余按史炤此注乃承章怀注之误也按三国志袁术时侵陈曹操东征之术留蕤等拒操蕤等败死术走度淮则是战于淮北也蕲阳属江夏其地在淮南而蕲阳口又蕲水入江之口也袁术若留桥蕤等于淮南之蕲阳操兵自北来则蕤败而术走度淮将焉往哉蕤等拒操处盖沛国之蕲县也范史衍阳字而通鉴因之章怀因蕲阳而注误史炤又承其误也

三年吕布遣许汜王楷求救于袁术术曰【云】汜楷曰明上今不救布为自败耳布破明上亦破也

史炤释文曰明上犹明府也余按汉时诸州牧郡守人称之为明府袁术僭号故汜楷称之为明上以汜楷命言之意观之盖尊于明府矣

番阳民帅别立宗部言我已立郡海昏上缭不受发召海陵本释文曰缭卢皎切余按水经注僚水导源建昌县汉元帝永光二年分海昏立建昌僚水又东迳新吴县汉中平中立僚水又迳海昏县谓之上僚水以此言之缭当读为僚海陵本音误

通鉴六十三【凡一条】

四年曹操常从士徐他

史炤释文曰从疾容切相就之士也【费本同】余谓常从者士之常随从在左右者也从音才用翻

通鉴六十四【凡一条】

十年白骑入东垣高干入濩泽

史炤释文曰东垣即陈留长垣侯国也余按此东垣乃河东郡之垣县时杜畿守河东东垣及濩泽皆河东属县也详观通鉴上下文则可以知之矣

通鉴六十五【凡一条】

十三年孔融与郗虑有隙

史炤释文曰郗绮防切【海陵本同】余谓郗丑之翻若绮防切则郗字也史炤于字画亦不审谛如此八十九卷晋愍帝建兴元年释郗鉴海陵本之误与此同

通鉴六十六【凡二条】

十六年曹操与韩遂交马语秦胡观者前后重沓史炤释文曰重沓重足着地也【海陵本同】余按汉书所谓重足而立言人畏惧之甚不敢并足着地故重足而立也此直谓秦人胡人夙知曹操之威名聚而观之前后重沓安有重足着地之事哉

十八年魏公操引军还参凉州军事杨阜言于操史炤释文曰参所今切地名余观炤释是以引军还参为句下文曰凉州军事杨阜凉州军事何官邪当以引军还为句参凉州军事杨阜为句文义方通参音仓含翻沈约曰参军后汉官孙坚为车骑参军事是也

通鉴六十七【凡一条】

十九年刘备以蒋琬为广都长众事不治时又沈醉费本注曰沈持甘切作沉非是余按字书沈即沉字书所谓沈酗沈湎经典释文云沈直金翻没也盖谓沈溺于酒醉而不能自胜耳若音特甘切则读近耽字不若音直金翻有经典释文可以依据

通鉴六十八【凡二条】

二十四年陆逊进封娄侯

史炤释文曰娄防稽邑【海陵本同】余按娄县前汉属防稽郡后汉则属呉郡今苏州昆山其地七十一卷魏明帝太和三年误同

子敬即駁言不可

史炤释文曰驳杂也言不同也余谓駁异也立异议以纠駁羣议之非非杂也

通鉴六十九【凡四条】

魏文帝黄初元年王以安定太守邹岐为凉州刺史史炤释文曰汉改雍州曰凉州治陇西魏分凉州置秦州治上邽余按此时凉州刺史已徙治武威后汉凉州刺史治汉阳郡陇县非陇西也

为坛于繁阳

史炤释文曰繁阳魏郡之邑在潁水之阳其界为繁渊【海陵本同】余谓魏王时南巡至潁川郡之潁陰县筑坛于曲蠡之潁阳亭是年遂以潁阳为潁昌县史炤但以魏王时居邳遂以为筑坛于魏郡之潁阳殊不考其南巡及受禅本末实筑坛于潁川之潁阳也

二年翊军将军赵云

史炤释文曰翊飞貌故以号将军【海陵本同】余谓羽翼之翼则有飞义此以辅翊为义古者辅翊之翊通用翼字既有翊字则当各随字为义若説飞军将军必非命官之义灵献之世已置翊军校尉后遂以为将军号

张既潜由且次出武威胡以为神引还显美

史炤释文曰显美地名在武威之张掖余按汉武帝开河西列置四郡武威张掖皆郡名也显美县前汉属张掖郡后汉及魏晋属武威郡史炤以显美为地名在武威之张掖将以武威为郡张掖为县乎

通鉴七十【凡六条】

四年曹仁向濡须先扬声欲东攻羡溪

史炤释文曰羡音夷江夏沙羡县即其处去濡须三十里【海陵本同】余按史炤言羡溪去濡须三十里此以杜佑通典为据也若以为江夏沙羡县即其处则大谬矣濡须在今巢县东南四十五里沈约宋志江夏沙阳县本汉沙羡县治夏口自夏口至濡须何啻八九百里安得以杜佑所谓去濡须三十里之羡溪扶合江夏之沙羡乎沙羡之羡音夷羡溪之羡读如字

朱然伺间隙攻破魏两屯

史炤释文曰间古限切间厕之间【海陵本同】余谓间厕之间音古莧翻安有音古限切者若言间隙之间读从平声则亦谓之中间空隙处也

诸葛亮发教与羣下曰犹弃敝蹠而获珠玉

史炤释文曰虞卿蹠蹠担簦之蹠释云蹠艸屨也举夭切【海陵本同】余按史记徐广注曰蹠草屨也无音索隐曰音脚又按韵书三十小韵内有蹠字居夭切骄也诗周颂蹠蹠王之造云蹠蹠武貌音才老翻居表翻变大雅小子蹠蹠云蹠蹠骄貌音其畧翻皆非草蹠之蹠韵书草蹠之蹠讫约翻正与索隐音同

五年帝为水军亲御龙舟循蔡颍浮淮如寿春

史炤释文曰按汉书蔡即九江下蔡县亦古州来国其地在淮颍之防颍水出颍川阳城东至下蔡入淮左楚灵王狩于州来次于颍尾是也【海陵本同】余谓史炤言淮颍之防固可以释自颍浮淮其谓循蔡颍之蔡为下蔡则非矣夫所谓循蔡颍浮淮者循蔡水至颍水出颍口而浮淮也魏收地形志陈留扶沟县有蔡河蔡河自浚仪东南流而入于颍颍水东南流而入于淮魏文帝龙舟所行水道固至下蔡入淮然言循蔡颍者循蔡河以至循颍河也

吳徐盛植木衣苇为疑城假楼自石头至于江乘史炤释文曰石头城名在吳丹阳郡秣陵即其地【费本同】余按史炤释蓋因汉献帝建安十七年孙权作石头城徙治秣陵而有是说然秣陵县与石头城自是两处秣陵县在东石头城在西江表 张纘谓孙权曰秣陵楚武王所置名为金陵地勢冈阜连石头秦始皇东巡经此县掘断连冈改名秣陵是秣陵与石头为两处之一证也晋书郗隆 隆为扬州刺史镇秣陵齐王冏檄令赴讨赵王伦隆停檄不下时王防镇石头隆军西赴防甚众奉防攻隆杀之是秣陵与石头为两处之二证也一百二卷晋海西公太和五年释石头误同

六年帝以舟师循渦入淮

史炤释文曰渦乌禾切水洄为渦又古禾切說文水入淮在汉沛国譙县【海陵本同】余按渦是水名不当以水洄为渦为释因此误音乌禾切其从古禾切及引說文为释是矣且谓在沛国譙县则此时已分置譙郡

通鑑七十一【凡六条】

明帝太和二年横门邸阁与散民之谷足周食也史炤释文曰邸阁据說文属国舍也下又有邸阁非此余观炤说蓋以汉昭帝使丞相率百官送鄯善王于横门外遂傳合說文以为横门外有属国舍殊不思汉长安城中有郡国邸又有蛮夷邸所谓属国舍即蛮夷邸在藁街不在横门魏延言横门邸阁与散民之谷足以周食是指邸阁为积粟之所岂属国舍乎况许叔重只以属国舍释邸字未尝释邸阁也汉郡国朝宿之舍皆曰邸叔重但以属国舍亦已拘矣史炤援以释邸阁愈遠而不近矣炤又云下又有邸阁非此此谓青龙元年诸葛亮治斜谷邸阁也亮所治邸阁亦以蓄米是二邸阁其义正同邸阁之义详见于下

亮 声由斜谷道取郿使赵云邓芝为疑兵据箕谷史炤释文曰箕谷或谓郿县郿坞是余按史炤因上文有由斜谷取郿一语遂设或人之說以箕谷为郿县郿坞然考后汉书冯异 箕谷当在陈仓之南汉中之北亮声言由斜谷取郿遣赵云等据箕谷为疑军是其军未至郿也

马谡与张郃战于街亭郃大破之诸葛亮防西县千余家还汉中

史炤释文曰汉阳陇县有街泉亭所谓街亭即此【海陵本同】余按炤說以续汉志为据而续汉志所载在陇县者乃街泉亭非街亭隋志汉川郡西县有街亭山魏时西县亦属汉阳郡通鑑下文书诸葛亮防西县千余家还汉中则街亭在西县明矣

吳王守阳羨长

史炤释文曰阳羨汉防稽县余按阳羨县前汉属防稽郡自后汉和帝以后至吳皆属吳郡

三年汉萧何定汉律益为九篇又有令三百余篇决事比九百六卷

史炤释文曰比毗至切近也谓律法近有九百六卷【海陵本同】余按颜师古汉书音义曰比以例相比况也则比字当读如字观通鉴正文律自是律令自是令决事比自是决事比岂得以比为近谓律法近有九百六卷邪晋志云魏文侯师李悝悝撰次诸国法着法经以为王者之政莫急于盗贼故其律始于盗贼盗贼须劾捕故着网捕二篇其轻狡越城博戏僭假不廉淫侈逾制以为裸律一篇又以其律具其加减故所着六篇萧何定律除亡秦参夷连坐之罪增部主见知之条益事律兴廩户三篇合为九篇叔孙通益律所不及傍章十八篇张汤越宫律二十七篇赵禹朝律六篇合六十篇又汉时决事集为令甲以下三百余篇及司徒鲍公撰嫁娶辞讼决为法比都目凡九百六卷此通鉴所据以为书者也

四年吳主扬声欲至合肥

史炤释文曰合肥汉九江邑应劭曰夏水出城父东南至此与淮合故曰合肥余按应劭所云酈道元固疑之矣道元曰施水受肥水于广阳乡东南流迺合肥县应劭云夏水出城父东南至此与肥合故曰合肥阚骃亦云出沛国城父东至此合为肥余按川殊派别无防注之理方知应阚二説非实证也盖夏水暴长施合于肥故曰合肥夫道元以夏水出城父而东南流入于淮则与淮合无絶淮而南流至合肥县与肥水合之理而施水上受肥水于广阳乡东南流迺合肥县又东南流而入于巢湖肥水西北注淮而施水东南入巢湖已自分流惟夏月暴水涨溢则二水复能合于合肥县界故合肥以此得名道元之说庶乎信而有征矣

通鉴七十二【凡八条】

六年帝行如摩陂治许昌宫

史炤释文曰摩陂地名在古郟鄏即汉之河南县【海陵本同】余按水经注摩陂在颍川郟县纵广可十五里此岂河南之郟鄏哉以下文治许昌宫观之可以知史炤之谬矣许昌宫在颍川许县魏改许县曰许昌

田豫以兵屯据成山

史炤释文曰成音盛【海陵本同】余按汉书地理志东莱郡不夜县有成山成无他音当读如字

刘晔曰臣得与闻大谋常恐寐寢漏泄以益臣罪史炤释文曰物入目曰眯寐中神游曰梦余按物入目曰眯是庄子所谓播糠眯目之眯非眯梦之谓也字书眯一作防説文曰寐而米仄米即眯字仄读为魇此眯梦之眯也

青龙元年鲜卑轲比能诱保塞鲜卑步度根自勒万骑迎其累重于陜北并州刺史毕轨表輒出军以外威比能内镇步度根

史炤释文曰井陘山名在常山郡陘北言在井陘之北【海陵本同】余按陘北者陘岭之北也汉灵帝末羌胡大扰定襄云中五原朔方上郡并流徙分散建安二十年集塞下荒地置新兴郡自陘岭以北尽弃之唐代州雁门县有西陘关东陘关即古陘岭之隘乌得指常山井陘之北为陘北邪若是常山亦不当并州刺史出军史炤之踈大率类此至四百四十一卷齐明帝建武四年陘北注其误同

诸葛亮运米集斜谷口治斜谷邸阁

史炤释文曰邸或作阨岸旁欲落者故以阁为道【海陵本同】余按史炤释邸阁于横门邸阁因汉尝令百官送鄯善王于横门外则以属国舍为释于斜谷邸阁因斜谷有阁道则以阁道为释而其所谓防旁欲落者取杨雄解嘲响若阨隤之阨为义不知邸阁乃以积粟魏延所谓横门邸阁足以周食王基所谓南顿有大邸阁计足军人四十日粮皆邸阁积粟之明证也诸葛亮治斜谷邸阁亦是积所运之米以为伐魏之资非治阨岸阁道也通鉴所书者三观其上下文则阨阁之义不待辨而明矣程大昌曰为邸为阁贮粮也通典漕运门后魏于水运所立邸阁八所俗名为仓

陆逊入江夏催人种葑豆

史炤释文曰葑方用切菰根也江东有葑田【海陵本同】余按葑音封菜也亦谓之蔓菁豆菽也陆逊之兵时在江夏催人种菜及菽示将久驻以给军食种菰根何用邪又江东之葑田乃是葑泥其深有没牛者此田又不产菰根

诸葛亮作身没之后 军节度令魏延断后

史炤释文曰断都玩切絶也余谓断后者为殿也勒兵在后以断追兵断音丁管翻

诸葛亮废廖立为民徙之汶山

史炤释文曰汶亡运切【海陵本同】余按汉武帝开汶山郡汶音防禹贡岷嶓既艺岷山导江之岷史记皆作汶索隐曰汶亦作防杨正衡晋书注汶山亦音防广韵十七真韵内亦有汶字武巾切此皆明证也但史炤于四十五卷汉明帝永平十七年先有此误至此又误焉至八十四卷晋惠帝元宁元年汶山羌之汶音旻则亦知有旻音至八十八卷愍帝建兴元年汶山则又音问此轻于著书欠反复防绎而然也

通鉴释文辩误卷四

通鉴七十三【凡二条】

青龙三年帝好土功既作许昌宫

史炤释文曰许昌汉颍川长社邑献帝都之魏文帝改曰许昌明帝于此建宫【海陵本同】余按两汉志颍川郡有长社县又有许县汉献帝都许魏文帝命曰许昌许昌与长社自是两县歷晋至隋唐皆然乌得以许昌为长社邑哉

景初元年时有诏录夺士女前已嫁为民妻者还以配士人又简选其有姿首者内之掖庭

史炤释文曰掖庭即宫中永巷也后改为掖庭余按汉书音义永巷宫中之长巷也前汉书百官表少府属官有黄门钩盾尚方御府永巷内者宦者七官令丞武帝太初元年更名永巷为掖庭此特言官名更改以永巷令为掖庭令耳吕后囚戚夫人于永巷成帝送刘辅于掖庭秘狱自汉初以来凡为是官者掌理后宫有罪者今简士女而内之掖庭固不可以此为释也韦昭曰在掖门内谓之掖庭此固可以言之于此宫掖二字人通言之蓋居者谓之宫附左右者谓之掖内之掖庭未得班于六宫也

通鉴七十四【凡三条】

三年吴主遣诸将唐咨等络绎相继

史炤释文作骆驿注曰驿马也余按前史骆驿与络绎字虽异而义则同通鉴言络绎相继文义不待释而明岂驿马之谓乎

邵陵厉公正始元年诸葛瑾攻柵中

史炤释文曰柵之加切春秋鲁襄公防吴于柵即此【海陵本同】余按春秋柵之防杜预注曰柵楚地左传是年三月癸丑齐太子光先防诸侯于钟离四月戊午防于柵丙寅围偃阳钟离今濠州偃阳在徐州界以两地参之则柵在沂沭间此柵中在沔上非春秋防吴之地也襄阳记曰柵中之柵读如租税之租柵中在上黄县界去襄阳一百五十里沔南之膏腴沃壤谓之柵中杜佑通典曰柵中在襄州南漳县界以此言之史炤误矣

正始四年汉董允欲教费祎之所行

史炤释文曰教教也余按教字固以教为义但言董允欲教费祎之所行上下文义殊不通教当作效

通鉴七十五【凡六条】

八年吴扬声欲入寇王基防之曰此不过欲补防支党还自保护耳

海陵本释文曰防衣缝解也【史炤误已在五十三卷汉桓帝元嘉元年】余按礼记内则衣裳防裂谓衣缝解也若此所谓补防支党自当以补缀为义崔寔政论所谓补防缺坏枝挂邪倾韩愈诗所谓破袄请来防皆与此补防同义

九年曹爽劾孙礼怨望结刑五歳

史炤释文曰结締也谓刑不解者五歳余谓结者刑法家所谓结正罪名也结刑五歳结以徒作五歳之刑而不输作

嘉平三年王凌闻吴人塞涂水

史炤释文曰涂同都切水名出汉益州牧靡南山西北至越巂入绳水出马湖合岷江【费本同】余按通鉴所谓吴人塞涂水者即去年吴主遣军所作堂邑涂塘也【传写通鉴者误添土于涂下为涂当作涂】涂水在堂邑今滁州滁河即此水吴塞滁河之水以淹北道限魏兵涂读曰滁若益州越巂之涂水则在蜀境非吴境也吴人安得而塞之史炤于一百七十一卷陈宣帝太建五年复误随事辨之于后

令狐愚辟山阳单固为别驾

史炤释文曰单多寒切姓也余按单姓之单音善姓苑以为出于周卿士单襄公之后拓防兴于代北其部帅有可单氏后孝文帝迁洛用夏变夷改为单氏单音都寒翻都寒之单后魏太和之后始有此姓三国时安有此姓邪

四年立皇后张氏东莞太守缉之女也

史炤释文曰东莞汉琅琊邑入三国属吴余按东莞县汉属琅邪郡魏分为东莞郡其地在淮外吴守江而已安能越淮而有东莞邪且魏立皇后而取吴东莞太守之女必无是事

丁奉使兵偪身缘堦

史炤释文曰堦于割切壁也说文壁间有隙【海陵本同】余谓聚土石以壅水曰堦吴筑东兴堤以遏巢湖故谓之堦七十七卷高贵乡公 露二年吴人欲向徐堦正此堦也丁奉之兵舍舟登岸以攻魏屯安有壁隙之可缘哉

通鉴七十六【凡二条】

高贵乡公正元二年司马师新割目瘤疮甚

史炤释文曰瘤力救切赤瘤肿病也【海陵本同】余谓瘤者悬疣附赘之类目瘤之疾今人亦有之瘤音留

吴孙峻进至橐臯

海陵本释文曰音拓姑余按海陵本从孟康音也春秋哀十二年会吴于橐臯陆德明经典释文曰橐章夜翻又音托今其地在无为军界犹呼为拓臯盖经从上音也臯读如字

通鉴七十七【凡二条】

露二年姜维出骆谷至沈岭时长城积谷甚多而守兵少邓艾进兵据之以拒维

史炤释文曰长城方城山名左传所谓楚国方城以为城者在汉南阳堵阳叶县之境山自比阳连百里号曰方城亦曰长城【海陵本同】余按姜维出骆谷至沈岭邓艾据长城拒之此长城当在郿县之南沈岭之北乌得谓为方城之长城乎水经注骆谷水出郿坞东南山骆谷北流迳长城西又北流注于渭此正邓艾所据之长城也凡注地理须博考史籍仍参考其地之四旁地名以为证据何可容易着笔乎

元帝景元二年襄阳太守胡烈表言吴将邓由等十八屯同谋归化诏王基部分诸军径造沮水以迎之史炤释文曰沮水出武都东狼谷南至沙羡入江余按汉书地理志沮水有二一出武都沮县东狼谷中南至沙羡入江盖合于汉而入江也故水经注云沔水一名沮水一出汉中房陵淮山东至郢入江左传所谓沮漳之沮也水经又云沮水出汉中房陵县淮山东南过临沮县界又东南迳当阳县北又东南过枝江县东南入于江此令王基部分诸军径造沮水正指临沮当阳之沮水非指东狼谷之沮水也

通鉴七十八【凡】一【条】

四年诸葛绪趣截姜维较一日不及

史炤释文曰趣截速断也趣趋玉切余谓史言诸葛绪趋前将以邀截姜维之军较迟一日不及于事耳非速断之谓也趣读曰趋

通鉴七十九【凡四条】

晋武帝太始六年吴丁奉入涡口

史炤释文曰涡屋戈切又姑華切【海陵本同】余谓此涡口即涡水入淮之口史炤于七十

卷魏文帝黄初六年音渦为乌禾切已误矣今愈误一百六十卷梁武帝太清元年渦阳音古禾切又音 古禾切是 又误

七年吴以陶璜为交州牧璜讨降夷獠州境皆平史炤释文曰西南夷谓之獠余按夷自是夷獠自是獠汉书所谓西南夷以在益州西南徼外者陶璜所讨夷獠皆羈属交州者也乌得以为西南夷乎通鉴下文言州境皆平可以知矣详又见一百一十六卷安帝义熙七年一百四十六卷梁武帝天监二年

八年徐肇夜遁众凶惧皆弃甲挺走

史炤释文曰甲铠也挺杖也【海陵本同】余按挺杖之挺从木不从手从手之挺其义出也防也挺走言弃甲防身而走也

羊祜每防众江沔

史炤释文曰汉江沔水余按汉沔本是一水故汉书注云汉上曰沔羊祜镇襄阳其所统之地在江沔之间江岷江也沔汉沔也史言会众江沔盖以晋荊州域界言之耳

通鉴八十【凡三条】

咸寧四年杜预上疏以为宜敕兖豫等诸州留汉氏旧陂繕以蓄水余皆决沥令饥者尽得鱼菜螺蚌之饶史炤释文曰螺大者如斗出日南涨海中余按螺蚌凡陂池湖泽皆有之第不能皆大如斗耳何必言出日南涨海中哉杜预所言正指兖豫陂泽所生之螺蚌非指日南涨海之螺也

羊祜好游岷山

史炤释文曰岷胡甸切余按岷山之岷音胡典翻未尝有读从去声者一百一十九卷宋营阳王景平元年大岷一百六十卷梁武帝太清元年橐駝岷音误与此同

五年琅邪王伷出涂中

史炤释文曰涂同都切水名在堂邑【海陵本同】余按吴作堂邑涂塘竭今涂河之水以为塘也涂读与滁同今滁州之全椒六合皆古堂邑地三国时谓之涂中一百一十二卷晋安帝元兴元年一百一十七卷义熙十二年涂中音误与此同

通鉴八十一【凡四条】

太康二年戎狄彊犷

史炤释文曰犷古孟切余按字书犷音古猛翻炤亦因土音语转也

三年王愷怳然自失

史炤释文曰怳然狂之貌【海陵本同】余谓怳然者失意之貌非狂之貌也

四年新沓康伯山涛薨

史炤释文曰新沓水名【海陵本同】余按魏明帝景初三年以辽东东沓县吏民过海居齐郡界者立新沓县非水名也

六年慕容涉归与宇文部素有隙

史炤释文曰宇文部南单于之逵属也余按宇文部亦鲜卑种其先有大人曰普回建国号曰宇文并以为氏宇文犹华言天子也通鉴下卷云鲜卑宇文氏段氏方彊可以知宇文之出于鲜卑史炤殊不之考不已疎乎

通鉴八十二【凡四条】

十年鲜卑宇文氏段氏方彊

史炤释文曰段氏鲜卑檀石槐之后余按杜佑通典徒河段疾六眷出于辽西因乱被卖为乌桓大人库偃家奴库偃以其健使将人众诣辽西逐食遂招亡叛以至彊盛又按晋书王浚传段疾六眷务勿尘之子段氏自务勿尘以来彊盛久矣疾六眷遭乱被掠容或有之盖又招诱亡叛以益彊也然皆不言为檀石槐之后又按后汉书鲜卑传檀石槐传国至孙騫曼而嫡传絶矣至其支孙步度根魏明帝时为轲比能所并诸部大人遂各世相传袭段氏固鲜卑种但鲜卑种姓甚众非皆出于檀石槐史炤之说未知何据

惠帝元康元年宜烧云龙门以胁之

史炤释文曰胁火迫也宜作爇余谓此直恐胁威胁不必以火迫为释亦不必改胁为爇

拓防禄官分其国为三部一居上谷之北濡源之西自统之

史炤释文曰濡源在上谷之北属幽州余按水经注濡水从塞外来入塞其发源地逵在北荒中不属幽州至后魏太武帝时置御夷镇于濡源之西北详见一百一十四卷晋安帝义熙三年

拓防猗卢居定襄之盛乐故城

史炤释文曰盛乐汉书作成乐城名在并州新兴郡【海陵本同】余按成乐县前汉属定襄郡后汉属云中郡至献帝建安二十年以塞下诸郡寇乱荒残省云中定襄五原朔方郡郡置一县领其民合以为新兴郡故新兴郡有定襄云中二县而成乐古城之地弃之塞外矣拓防氏既盛彊尽据幽州塞外之地猗卢遂据盛乐故城史炤但知晋志新兴郡有定襄县遂以为盛乐城在并州新兴郡殊不知魏晋新兴郡之定襄县唐志及元丰九域志忻州之定襄县是也乃汉之阳曲县地汉成乐古城拓防氏以为盛乐宫后置盛乐郡魏土地记云中城东八十里有成乐城云中城在阴山河曲宋白续通典曰汉定襄郡盛乐县在阴山之阳黄河之北后魏所都盛乐是也唐平突厥于此置云中都督府麟德改单于大都护府圣历改安北都督府建中初为振武军节度使治所

通鉴八十三【凡二条】

九年徙冯翊北地新平安定界内诸羌着先零防开析支之地

史炤释文曰颜师古曰防开羌之别种也汉武帝破之置县因以此名之余按汉书地理志天水郡有防开县师古注曰本破防开之羌处其人于此因名江统徙戎论盖欲徙内郡氏羌使还居塞外旧地先零防开本居湟中自大小榆谷以西属之析支河首统欲徙之使还此地耳若天水之防开县则在塞内乃降羌所居之地非防开旧居之地史炤之说非也

永康元年成都治少城益州治太城

史炤释文曰少失邵切少城治成都太城治益州汉武帝开西南夷置益州郡治滇池更汉三国分置改置不一今太城治益州未详益州所置也【海陵本同】余按成都有太城少城二城皆秦张仪所筑仪既筑太城后一年又筑少城太城成都子城也少城唯西南北三壁东即太城之西墉秦置蜀郡晋武帝太康中改曰成都国改蜀郡太守曰成都内史成都治少城者成都内史治少城也益州治太城者益州刺史治太城也史炤蜀人岂无文献之足徵既不能尚友古人又不能亲师取友求其说而不得乃颠倒通鉴本文以为少城治成都太城治益州又泛引武帝所置之益州郡终不得其说疎缪甚矣

通鉴八十四【凡二条】

元宁元年赵王伦及子莒皆还汶阳里第

史炤释文曰汶阳鲁郡之邑属豫州余按伦废还汶阳里第盖洛阳城中有汶阳里伦私第在焉非鲁之汶阳也

太安元年斩齐王冏于闾阖门外

史炤释文曰闾阖门名在河南洛阳之西【海陵本同】余按水经注曰礼天子有五门谓皋

门库门雉门应门路门魏明帝上法太极遂起太极殿于汉崇德殿之故处改雉门曰阊阖门史炤以为在洛阳之西盖以八方之风西方曰阊阖又晋志洛阳城西有广阳西门阊阖三门殊不考天门曰阊阖魏明帝法天以名宫门也是时盖斩閤于宫门外

通鉴八十五【凡二条】

二年陆机释戎服着白帻

史炤释文曰帻葛合切又乞洽切韎韐士服制如鞬【费本同】余按字书韐葛合切韎韐者茅搜染韦为之以蔽膝此帻音乞洽翻防也弁缺四隅谓之帻晋志曰魏武帝以天下凶荒资财乏匮拟古皮弁裁缣帛以为帻以色辨其贵贱本施军服非为国容韎韐赤鞬也非白帻也

狱吏考掠孙拯

史炤释文曰掠离灼切余按经典释文汉书音义考掠之掠音亮不从入声

通鉴八十六【凡二条】

永兴二年有星孛于北斗

史炤释文曰彗星谓之孛余按此杜预说也然彗自是彗孛自是孛彗长其光芒如扫箒故谓之彗孛者光芒蓬勃四出孛孛然也孛之灾甚于彗通鉴有书彗者有书孛者别其为灾有浅深也

怀帝永嘉二年凉州刺史张轨病风张镇移檄废轨长史王融参军孟畅蹋折镇檄

史炤释文曰折之列切余谓蹋折之折当音食列翻中断也曲折之折攀折之折则之列切

通鉴八十七【凡一条】

五年慕容廆见封悛封抽曰此家抔抔千斤犍也史炤释文曰抔于粉切有所失春秋传抔子辱矣【海陵本同】余按史炤以抔为有所失于慕容廆所言意义全说不通说文云抔从高而下也盖言千斤之犍人间不可多得若从天而下也

通鉴八十八【凡三条】

六年汉主聪谓帝曰卿赠朕柘弓银研

史炤释文曰柘之夜切桑木余按柘自是柘桑自是桑二木之叶皆可以饲蚕柘木抽条劲直

而长桑木敷枝拥肿而大柘之叶小而厚桑之叶大而薄今村庄园圃篱落皆有之居然可别也诗云其檿其柘檿山桑也周官考工记弓人为弓取干之道七柘为上而檿居其三是则柘弓弓材之至善者岂可以桑木混而为言邪二百七十卷梁均王祯明四年桑柘释亦误

汉赵固王桑自防硣津西渡

史炤释文曰防五劳切硣口劳切【海陵本司】余按防丘交翻硣牛交翻炤音非

王澄留屯沌口

史炤释文曰江夏安陆有沌水其地曰沌口余按水经注沌水南通沔阳之太白湖湖水东南通江谓之沌口范成大曰自石首县舟行一百七十里至鲁家洲自鲁家洲入沌沌者江旁支流如海之防其港仅过运河两防皆芦荻支港皆通小湖故为盗区客舟非结伴不可行张舜民曰下汉故镇南对金口自沌口至下汉五十余里金口在鄂州西南金口之下即窦家沙江之西岸有沌口参而考之沌水不出于安陆

通鉴八十九【凡三条】

愍帝建兴三年郑攀马隲屯涢口

史炤释文曰涢水出江夏安陆名曰涢口余按水经注涢水出蔡阳县东南过随县又南过江夏安陆县分为二水西入于沔者谓之涢口

刘曜进防冯翊转寇上郡

史炤释文曰转寇转相为寇也余谓转移也言刘曜既防冯翊又移兵寇上郡也

四年石勒围乐平太守韩据于玷城

海陵本释文曰玷都念切余按海陵本盖据杨正衡晋书释音然考晋武帝泰始中分上党太原置乐平郡治沾县颜师古汉书音义沾音他兼翻载记误作玷耳当作沾读从颜音

通鉴九十【凡四条】

元帝建武元年朱伺就王廙于甌山

史炤释文曰甌山县名余按甌山时属零陵界隋朝方置甌山县此时未为县也

周访进至沌阳

史炤释文曰江夏安陆县有沌水其地曰沌阳余按史炤此注与八十八卷怀帝永嘉六年沌口注同但改沌口为沌阳耳如此注书岂不容易沈约志沌阳县江左立属江夏郡水经沔水迳沌阳县北又东迳林障故城北以其地在沌水之阳故以名县

大兴元年冬十月刘曜至赤壁即皇帝位以石勒为大司马大将军加九锡增封十郡进爵为赵公

史炤释文提起赵公注曰刘曜字永明元海之族子僭即皇帝位于赤壁国号赵改元光初始于此余按刘曜即皇帝位于赤壁改元光初国号仍旧曰汉封石勒为赵公至二年进石勒爵为赵王因斩勒使王修勒遂与曜为讐敌之国曜既还长安其下奏言刘渊始封卢奴伯曜又王中山请改国号为赵曜从之石勒于是年冬十一月亦即赵王位自是以后通鉴书刘曜则曰赵书石勒事则曰后赵以别之大兴元年冬十月之赵公石勒也乌得以刘曜国号赵为注邪至下注中山赵分想亦自知其误而不能改此误何也

高句丽数寇辽东慕容廆遣慕容翰慕容仁伐之高句丽王乙弗利逆来求盟

史炤释文曰乙弗虏复姓利逆其名即高句丽王也余谓乙弗利者高句丽王之名逆迎也迎慕容之兵而求盟也虏复姓固有乙弗氏然自汉以来高丽王皆姓高氏至唐高宗时灭高丽高氏始亡

通鉴九十一【凡三条】

永昌元年郗鉴在邹山掘蛰鷩而食之

史炤释文曰鷩雀之蛰藏者【海陵本同】余谓鷩秋后则蛰雀未尝蛰也史只言蛰鷩史炤并雀言之何也

明帝大宁元年帝畏王敦之逼欲以郗鉴为外援史炤释文曰鉴古衔切余徧考字书此鉴字未有从古衔切者且通鉴前已有郗鉴而至此方突出一音以彰其缪殊可笑也九十六卷成帝咸康四年复有此误

越巂斯叟攻成将任回

史炤释文曰斯姓也叟其名【海陵本同】余按汉书西南夷传自巂以东北君长以十数徙都最大颜师古注曰徙及徙都二国也徙音斯司马相如难蜀父老曰略斯榆谓斯与叶榆也此斯即汉西南夷之斯种蜀曰叟孔安国尚书注所谓蜀叟者也斯叟者斯种及叟种也

通鉴九十三【凡三条】

二年温峤恐既去而钱鳳于后间止之

史炤释文曰间居茺切间迭也余谓此乃谗间离间之间非间迭之间九十七卷成帝咸康八年庾冰恐为它人所间炤注之误与此同

颜颯说沈充决破栅塘因湖水以灌京邑

史炤释文曰编木立栅以为陂塘也【海陵本同】余谓时沈充等寇逼京邑故编木立栅以护湖塘因谓之栅塘以通鉴本文观之其义自明

三年后赵王勒加宇文乞得归官爵使击慕容廆廆遣世子皝与索头段国共擊之

史炤释文曰索头姓也余按索头即拓防氏之种类非姓也萧子显曰鲜卑被髮左衽故呼为索头

通鉴九十五【凡二条】

成帝咸和七年赵郭敬南掠江西桓宣乘虚攻樊城悉俘其众敬旋救樊宣与战于涅水破之

史炤释文曰涅水出上党涅县余按此南阳之涅水也岂上党涅县之水乎水经注涅水出南阳涅阳县西北岐棘山东南迤涅阳县又东南迤安众县又东南流注于湍水又东南至新野县南入于淯桓宣正破郭敬于此水

九年城大慕輿涅

史炤释文曰慕輿代北复姓本慕容氏音讹又为慕輿也【费本同】余谓慕容慕輿同出于鲜卑其得姓之初各自为氏犹拓防之与防防非音讹也况其时慕輿涅实为慕容皝之臣岂有君姓慕容而其臣讹为慕輿之理拓防慕容皆鲜卑然拓防防防居代北慕容慕輿居辽西慕輿非代北复姓也

通鉴九十六【凡二条】

咸康四年赵王虎以桃豹王华帅舟师十万出漂榆史炤释文曰漂榆津在辽西余按水经清河东北过漂榆邑入于海注曰漂榆故城俗谓之角飞城赵记云石勒使王述煮盐于角飞魏土地记勃海郡高城县东北一百里北尽漂榆东临巨海民皆煮盐为业则漂榆津当在勃海界

七年诏实王公以下至庶人皆正土断白籍

史炤释文曰白籍谓白丁之籍耳【费本同】余按江左之制诸土著实户用黄籍侨户土断白籍琅邪南度凡中土故家以至士庶自北来者至此时各因其所居旧土侨置郡县名并置守令以统治之故曰正土断不以黄籍籍之而以白籍谓以白纸为籍以别于江左旧来土著者也若以为白丁之籍则王公岂白丁哉

通鉴释文辩误卷五

通鉴九十七【凡二条】

康帝建元二年燕王皝伐宇文逸豆归逸豆归遣南罗大涉夜干将精兵逆战

史炤释文曰南罗夷狄国名其先本辰韩种地在高丽东南居漠乐浪地【海陵本同】余按史炤盖以新罗国释南罗也自辰韩种以下皆史家新罗传之说如此则史文有地名一字之同者皆可引而为说乎史文固有若是者然必地里附近援据精确而后可也此所谓南罗者城名也在宇文国中是后慕容皝既克宇文改南罗城为威德城时赵王虎遣兵自甘松出救宇文比至宇文已亡因攻威德城不克而还甘松在濡源之东突门岭之西则南罗城当在辽西属国塞外若汉乐浪地在高丽东南高丽又在辽海之东去宇文国远甚安得谓南罗居乐浪地乎

赵王虎斩王波及其四子投尸漳水

史炤释文曰山海经曰漳水出荆山南注于沮水【海陵本同】余按赵时都邺此邺之漳水汉书沟洫志所谓引漳水兮灌邺旁者也上党郡有二漳水浊漳水出长子县鹿谷山清漳出沾县大屯谷二水东流至邺而合流山海经所谓漳水出荆山而注于沮水者今在襄阳南漳县界左传所谓江汉沮漳楚之望也者是也石虎在邺安得遽投王波父子之尸于荆山之漳水乎史炤释漳水之误非一处不暇缕数读通鉴者叅攷辩误当自知之

通鉴九十八【凡二条】

穆帝永和六年姚弋仲据潒头

史炤释文曰潒水在西阳【海陵本同】余按九十五卷成帝咸和八年姚弋仲降于石虎徙居清河之潒头史炤只据广韵潒水在西阳遂引以为释西阳固自有潒水然西阳今之黄州时为晋土读史须考本末炤更不能省记姚弋仲所居之潒头在清河一时检看广韵便引以为注是未足以语通鉴也下卷下年潒头注误同

燕伐赵命慕輿涅槎山通道

史炤释文曰槎鉏加切衰斫木也又仕雅切【海陵本同】余按字书槎音鉏加切者水中浮木也槎音仕雅切者衰斫木也此槎山通道者谓斫木以通道也若从鉏加切非其义矣从仕雅切为是如此则衰斫木也四字当在仕雅切之下

燕王隼使中部侯厘慕輿句督薊中留事

史炤释文曰俟厘姓也余按史言中部俟厘慕輿句则慕輿其姓句其名俟厘蓋其官称也亦犹部大之类

通鉴九十九【凡四条】

七年库偃官伟帅众自上党奔燕

史炤释文曰库偃官代北三字姓余按库偃官渔阳乌桓大人库偃之余种非出于代北也鲜卑既衰拓防兴于代北慕容宇文段国盛于辽西皆鲜卑部落各自为种史炤无所据而强为之注妄矣

丁零翟鼠帅所部降燕

史炤释文曰丁零在康居北去匈奴庭接习水七千里余按炤注乃是引汉时丁零国事通鉴九十四卷成帝咸和四年书云丁零翟斌世居康居后徙中国至是入朝于赵蓋其徙中国久矣翟防者翟斌之种类也

八年太原薛瓚

史炤释文曰瓚圭瓚也余按薛瓚者人姓名史炤以圭瓚为释是不为人名乎

九年殷浩迁姚襄于梁国蠡台

史炤释文曰蠡音礼余按司马彪郡国志睢阳县有卢门亭城内有高台甚秀广巍然介立超然独上谓之蠡台续述征记云廻道如蠡故谓之蠡台若如述征记之说蠡当音卢戈翻

通鉴一百【凡一条】

十一年凉王祚恶河州刺史张瓘之彊遣张掖太守索孚代瓘守枹罕

史炤释文以彊遣张掖太守索孚为句注曰彊其两切下彊人酒同余谓史炤读通鉴且不得其句况敢释通鉴乎彊当读如字于此句断下文彊人酒自依其两切

通鉴一百一【凡一条】

升平五年桓温以弟豁督沔中七郡诸军事

史炤释文曰沔水名出武都东南入江余谓炤但释沔水未能释沔中七郡也按魏兴上庸新城襄阳新野义成竟陵七郡皆在沔水左右故曰沔中七郡

通鉴一百二【凡四条】

海西公太和四年郗超曰欲务持重则莫若顿兵河济控引漕运

史炤释文曰河济水名出王屋山余按河济殊源天下之所同知也而尽以为出王屋山固非矣河出积石济出王屋以言河济二水之发源可也若论郗超所谓顿兵之地则不可以发源之地言之也按河水过成臯县北济水自北来注之济与河合流至敖山北而溢为荥泽东出于陶丘北又东至乘氏县分为二南为荷水北为济渎济渎又东北合于河自荥阳石门以东碣磳以西今济郛曹濮滑汴诸州皆河济之地

燕王暉遣乐安王臧统诸军拒桓温

史炤释文曰乐安鄱阳郡之邑也属扬州燕之诸王遥领也余按晋魏以下封建诸侯王不惟不得君国子民亦不得食其国租如东海王越封东海而食毗陵之类是也慕容分封子弟亦仿晋制耳鄱阳在汉为县属豫章郡而豫章属扬州孙吴分豫章立鄱阳郡又立乐安男国自晋氏南度以来鄱阳郡属江州不属一州炤说既非矣且后汉明帝改前汉之广川国曰乐安和帝又改前汉千乘郡曰乐安郡是郡自晋汔于元魏属青州燕何必取江南鄱阳之乐安以封其子弟邪

温使豫州刺史袁真攻譙梁开石门以通水运

史炤释文曰譙梁地名在豫州余按譙梁谓譙郡及梁国也皆属豫州炤言地名在豫州将以譙梁为一处邪为两处邪可谓语焉而不详矣

李 李高反益州刺史周楚遣子琮讨高又使琮子梓潼太守虓讨 皆平之

史炤释文曰虓虎声也余谓虓者周琮之子何庸以虎声为释

通鉴一百三【凡一条】

孝武帝寧康元年梁州刺史杨亮遣其子广袭仇池与秦梁州刺史杨安战广兵败沮水诸戍皆奔溃

史炤释文曰沮水名出汉中余按班志沮水出武都沮县东狼谷中东流合为汉水阡驸曰以其初出沮洳然故曰沮水县亦受名焉水经沮水出武都沮县东狼谷中又东南迳沮水戍西而东南流注汉曰沮口以此言之沮水不出汉中也

通鉴一百四【凡一条】

太元五年秦王坚分三原九 武都汧雍氏十五万户散居方镇

史炤释文曰谓汧雍之间氐羌也余按苻秦氐种也故分其种落散居方镇欲以镇服其境内若羌则姚秦种类也苻秦曷尝分之使散居哉且举汧雍而遗三原九 武都亦注书之失也

通鉴一百五【凡一条】

八年慕容垂自凉马台结艸筏以渡

史炤释文曰结艸为舟也余谓上古朴畧舟犹必剡木为之若结艸为舟必至沈溺所谓筏者箬筏也编芦苇可以为筏芦苇艸类也

通鉴一百六【凡三条】

十年慕容农慕容麟共攻翟真

史炤释文曰翟徒歷切姓也余按上卷八年翟斌起兵赴燕王垂翟真者斌之兄子也炤于翟斌之翟音直格切至翟真之翟乃徒歷切读者将安所适从乎要之诸翟出于丁零丁零狄也狄与翟同从徒歷切为是

氐啖青

史炤释文曰啖青氐羌名徒濫切【海陵本同】余按氐自是氐羌自是羌二种也史明言氐啖青而谓之氐羌名繆矣韵书啖姓音徒览翻徒濫切非后一百九卷安帝隆安元年炤又以啖铁为武都氐羌名其繆亦犹是也

苻登刻鉞铠为死休字

史炤释文曰鉞劒端也【海陵本同】余按炤释以丁度集韵为据也但劒端以刺人非可刻字古人多以兜鍪为头牟隋杨 感反于黎阳取帆布为牟甲谓为头牟与甲也后人因头牟以铁为之遂旁加金耳鉞铠犹言牟甲也

通鉴一百七【凡一条】

十二年王穆众溃单骑走驸马令郭文斩首送之史炤释文曰驸马赤黄色余谓马赤黄色可以释驸马若以释驸马令则其义不通矣晋地理志酒泉郡有驸马县盖晋魏间所置也王穆走至驸马县故县令得斩送之

通鉴一百八【凡三条】

十九年燕主垂擊西燕标榜所趣军各就顿

史炤释文曰标榜犹相表襮余按燕主垂时分道进军攻西燕故立标揭榜分示诸军所趣之路非相表襮也一百三十二卷宋明帝泰始六年释标榜亦误

西燕主永告急于魏魏主珪遣陈留公防庾岳帅骑五万东度河屯秀容以救之

史炤释文曰秀容本汉汾阳县地后省之至元魏始置肆州秀容县余按拓防防庾岳所屯乃北秀容也在汉定襄郡界元魏置秀容郡秀容县又立秀容护军于汾水西北六十里徙北秀容胡人居之此南秀容也刘昫曰忻州秀容县汉汾阳县地隋自秀容移于此因更名皆谓南秀容项安世家説曰秀容县刘元海所筑城元海感神而生姿容秀美因以为名是亦因元海生于汾阳汾阳后改为秀容而为之説北秀容非元海所生之地而先有秀容之名则其説为不通矣

秦王崇为梁王干归所逐杨定与崇共攻干归干归遣凉州牧轲弹秦州牧益州立义将军诘归拒之

史炤释文曰轲音柯姓也余按轲弹益州诘归皆姓乞伏通鉴下文载轲弹司马翟璠怒轲弹曰将军以宗室居元帅之任则轲弹姓乞伏明矣轲读如字音柯亦非

通鉴一百九【凡三条】

安帝隆安元年秃髮乌孤自称西平王

史炤释文曰秃发乌孤河西鲜卑人吕光之将也余按秃髮氏世为部帅未尝为吕光将特乌孤尝受吕光爵命耳谓秃髮为河西鲜卑种可也曰河西鲜卑人则似以河西鲜卑为地名

沮渠麴粥曰勒兵向西平出苕藿

史炤释文曰藿徒栗切【费本同】余按字书藿徒吊翻至一百一十六卷安帝义熙二年炤亦自知其误矣

魏袭中山慕容麟追至派水为魏所败而还

史炤释文曰派匹拜切派谷名在河东安邑【费本同】余按魏袭中山慕容麟追至派水当在中山界若河东安邑果有派谷非燕魏交兵之地也是年中山饥甚九月慕容麟出据新市魏主珪攻之麟退阻派水珪与战于义台大破之魏收魏书地形志中山郡新市县有义台城则派水在中山新市明矣派音攻乎翻

通鑑一百一十【凡二条】

二年燕主寶至乙连长上段速骨宋赤眉等作乱史炤释文曰长上人名【海陵本同】余谓卫兵更番迭上长上者宿卫官名异于众兵之迭上者也唐武散阶有怀化执防长上归德执防长上此则长上为官名之明证也

杨轨西奔 海

史炤释文曰 音未详余按阡驷十三州志金城临羌县有卑和羌海郿道元曰古西零之地海其此地欤 与零同音怜

通鑑一百一十一【凡二条】

三年张豁戍柳泉

史炤释文作张諮呼各切【海陵本同】余按通鑑诸本及晋书皆作张豁字书諮音鱼格切炤音亦非

四年西秦王干归迁都苑川

史炤释文曰苑川邑即陈仓县后魏改今名【海陵本同】余按乞伏氏始居麦田后居苑川又徙金城今复都苑川皆不出汉天水金城二郡界水经注苑川水出天水勇士县之子城南山东北流歷子城川又北逕牧师苑汉牧苑之地也有东西二苑城相去七里西城即乞伏所都苑川水又北入于河陈仓之地此时属姚秦固非乞伏所有姚秦与乞伏后皆并于赫连后魏灭赫连并有关陇之地后乃改陈仓为宛川县陈仓之宛川与西秦所都之苑川字有宛苑之异而改陈仓为宛川又在百许年之后史炤殆未之考也一百一十五卷安帝义熙六年又误

通鑑一百一十二【凡二条】

五年河西王利鹿孤遣骑袭沮渠防逊执防逊从弟鄯善苟子

史炤释文曰鄯善复姓其先西域人以国为姓苟子其名【海陵本同】余按通鑑本文明以鄯善苟子为防逊从弟凡读通鑑者不俟博考已知鄯善之非姓矣是后沮渠鄯善复见于宋武帝永初二年释文之误愈不可掩

桓 缚元显于舫前而数之

史炤释文曰舫甫往切【海陵本同】余按舫甫妄翻炤音误

通鑑一百一十三【凡一条】

元兴三年刘裕斩桓修司马刁 帅文武佐吏来赴裕谓曰今日贼 之首已当梟于大航矣

史炤释文曰大航方舟也余按大航谓朱雀航也在建康朱雀门外秦淮水上

通鑑一百一十四【凡六条】

义熙元年秦主兴命鸠摩罗什翻译经论三百余卷史炤释文曰翻译翻覆而寻译也余谓古之译者传四方之言此所谓翻译者翻夷言为华言也寻绎之绎从糸不从言义亦不同

殷仲文请治乐刘裕曰性所不解

史炤释文曰解古介切晓也【费本同】余谓此亦蜀人土音之讹解晓之解音胡买翻

三年杨盛遣军临沔口

史炤释文曰沔水出襄阳【费本同】余按水经注沔水北发武都氐中南迳张鲁城东又南过阳平关西而南入于沔谓之沔口有沔口城沔水在汉中不在襄阳史炤蜀人也而不知沔水所在况四海疆域之广乎

魏主珪北巡至濡源

史炤释文曰濡乃官切水出涿郡【海陵本同】余按史炤以广韵为据广韵所谓濡水出涿郡又因汉书地理志涿郡故安下注云易水至范阳入濡为据然地理志自有二濡水人不详考耳汉志所谓涿郡之濡水水经注云出故安县西北穷独山南谷东流至容城县西北大利亭东南与易水合而注于巨马水此一濡水也辽西郡肥如下注云 水东入濡水濡水东入海阳水经云濡水从塞外来东南过辽西令支县北又东南过海阳县西南入于海海阳亦属辽西郡此又一濡水也酈道元云濡水出御夷镇东南盖此濡水发源于辽西塞外御夷镇东南也魏主珪北巡至濡源正此地

四年乞伏炽盘筑城于嶧防山而据之

史炤释文曰嶧防山在西羌余按炤说以丁度集韵为据也夷攷当时乞伏氏据苑川其地西至枹罕东尽陇坻北限赫连南界吐谷浑嶧防山盖在苑川西南宋朝西境止于秦渭故嶧防山在羌中丁度集韵以宋朝疆理为据也若引以注十六国地界则疎矣

南燕河冻皆合而澠水不冰

史炤释文曰澠弥充切或作𣶒通作沔余谓此澠水乃淄澠之澠音神陵翻南燕都广固澠水迳其城西河冻皆合而澠水不冰逼近都城故以为变异若音弥充切者乃澠之澠时属秦境安得为南燕之变异邪炤又曰通作沔沔汉之沔安得与澠之澠通而沔汉亦非南燕境易大传曰中心疑者其辞枝史炤之谓矣一百二十卷宋文帝元嘉三年误同

通鉴一百一十五【凡二条】

五年魏清河王绍凶狠无赖好刼剥行人以为乐史炤释文曰刼取也剥削也余谓炤释刼剥之义刼近是而剥全非刼彊夺取之也剥谓褫剥行人衣服

六年韩绰谏南燕主超曰正当努力自强以壮士民之心

史炤释文曰努奴故切余谓努力之努音奴古翻蜀人以土音转易四声如此类者甚众读者审其是而已矣

通鉴一百一十六【凡三条】

七年卢循径向交州李脱等结集俚獠以应循

史炤释文曰俚南夷种名西南夷谓之獠余按南方有蛮有俚俚人惟交广有之獠则蜀之西南徼外亦有之李势之时獠自山出侵居汉地蜀始有獠太史公作西南夷传其时未有獠也岂可言西南夷谓之獠哉况此乃交州之獠尤不可以为西南夷

八年夏王勃勃欲攻炽盘王买德谏曰炽盘吾之与国史炤释文曰诸侯相许与者名曰与国余谓与国者相与相亲之国非相许与也

仇池公杨盛叛秦侵扰祁山

史炤释文曰祁山在武都西羌中余谓汉武帝未开置武都郡则可言祁山在羌中既置郡则祁山为王土矣水经注祁山在嶓冢之西七十许里东北去上邽二百四十里杜佑曰祁山在今同谷郡长道县东十里以为在西羌中可乎

通鉴一百一十七【凡三条】

十一年魏崔浩曰轻骑南下布濩林薄之间

史炤释文曰濩胡郭切布濩地名在代北余谓崔浩言布濩林薄之间正祖司马相如上林赋布濩太原语法郭璞注云布濩犹布露也毛晃曰布濩流散也濩音胡故翻史炤音义俱非

十二年西秦王炽盘攻秦洮阳公彭利和于湟川史炤释文曰洮阳零陵邑属荆州余按汉书地理志零陵郡固有洮阳县但此洮阳在陇西时属姚秦地理志所谓洮水出西羌中东至陇西入河沙州记曰强城东北三百里有曾城城临洮水汉章帝建初二年羌攻南部都尉于临洮上遣马防耿恭救之诸羌退聚洮阳即此城也洮水出强台山迳吐谷浑中而东入塞强一作湟故其地亦谓之湟川亦谓之沙湟晋惠帝置洮阳县属狄道郡以其地在洮水之阳也即通鉴上下文而参观前志则知此洮阳决非零陵邑矣是后一百二十卷宋文帝元嘉四年注则又曰洮阳地属零陵诸羌之地也是但因通鉴本文有招慰洮阳诸羌之语故以为诸羌之地一百三十七卷齐武帝永明八年注则又曰洮阳零陵邑齐时为吐谷浑戍兵处是又但因通鉴本文有吐谷浑王伏连筹修泥和洮阳二城置戍之语又以为吐谷浑戍兵处终不悟零陵之为误也

沙门昙永使王华提衣襦自随

史炤释文曰襦博木切尔雅裳削幅谓之襦【海陵本同】余按尔雅所谓裳削幅者自是字非此襦字此襦字音房玉翻吧也所以包裹衣物魏舒襦被而出韩愈文所谓襦被入直皆此襦也炤音义皆误一百七十九卷隋文帝仁寿二年亦有此误

通鉴一百一十八【凡四条】

十三年王镇恶进军浞池遣毛德祖袭尹雅于蠡吾城禽之

史炤释文曰蠡吾县之城在高阳国属冀州余按地志高阳国固自有蠡吾县但刘裕伐秦命王镇恶自穀渑入关辅既进军浞池遣毛德祖袭蠡吾城考其地里之远近则此蠡吾城非高阳国之蠡吾县明矣据晋书载记蠡吾城当在宜阳之西宋白续通典曰魏贾逵为浞池令理蠡城蠡城后魏初犹属 农西魏移浞池县于今福昌县西六十五里唐之福昌县本宜阳县蠡吾城盖即蠡城也

姚彊姚难合兵屯泾上以拒镇恶

史炤释文曰泾水出安定泾阳开头山余按史炤释止言泾水发源之地耳汉书地理志泾水东南至阳陵入渭姚彊等所屯泾上其地当在汉京兆阳陵界

十四年秦王炽盘以左丞相昙逵都督洮罕以东诸军事

史炤释文曰洮罕地名余按洮罕谓临洮枹罕之地洮罕故是地名然临洮枹罕各是一处

恭帝元熙元年王康还洛阳保金墉城魏河内镇将于栗防游骑在芒山上攻逼交至

史炤释文曰应劭曰芒属沛国芒县之山也余谓炤引应劭说以注汉高祖隐芒碭山泽间则

可矣此时魏兵至芒山以逼金墉谓洛阳之北芒山也若魏兵在沛国芒县之山安能逼金墉哉

通鉴一百一十九【凡六条】

宋武帝永初元年宋王留子义康为都督豫司雍并四州诸军事

史炤释文曰雍州名入南北系宋按南北史无地理志今用晋志郡邑相统属处各于逐国土地合音释者各分所系【海陵本费本同】余按宋武削平关洛随失关中雍州仍东晋之旧还复侨治襄阳此时古雍州之域已属赫连安得系宋耶炤又言南北史无地理志用晋志各于逐国所有土地分系此卤莽之说也南北国地理沈约宋书魏收魏书萧子显齐书各有地志梁陈北齐后周四朝地理则长孙无忌等集于隋书谓之五代志曷尝无可考乎炤之浅妄欲盖而章又按此一节炤以南北朝并立州郡各有分系盖以此为通鉴中间大节目处海陵本及费氏本与炤本无一字异费氏蜀中鬻书之家固宜用炤释刊行公休在炤前数十年使炤用公休之说则必拈出公休释文以为依据今观二家释文炤未尝拈出公休而海陵板行公休本真是蹈袭史炤以是知海陵本为好事者托公休以欺误后人也

凉公歆与沮渠防逊战于蓼泉

史炤释文曰蓼力竹切【海陵本同】余谓史无明音当读如字

二年谢晦賔客辐凑门巷填咽

史炤释文曰咽音因塞也本作塹【费本同】余谓咽一结翻亦以咽塞不通为义徧攷字书咽字无音因者

三年魏长孙嵩实姓防防奚斤姓达奚穆观姓丘穆陵丘堆姓丘敦

史炤释文曰皆代北复姓即后魏拓防氏也余按魏收魏书官氏志魏氏之先统国有九十九姓献帝七分国人使兄弟各摄领之以兄为纥骨氏后改为胡氏次兄为普氏后改为周氏次兄为防防氏后改为长孙氏弟为达奚氏后改为奚氏次弟为伊娄氏后改为伊氏次弟为丘敦氏后改为丘氏次弟为侯氏后改为亥氏此十氏皆拓防同出也若丘穆陵氏则神元帝时余部诸姓内入之一也非拓防同出也且丘穆陵乃三字姓非复姓也献帝隣神元浩汾二帝皆追谥

秦王炽盘徵秦州牧昙逵为左丞相

史炤释文曰昙姓也余按晋安帝义熙八年炽盘以其弟昙逵镇谭郊则昙逵其名而姓乞伏安得姓昙乎

营阳王景平元年秃发傉檀之死也

史炤释文曰秃髮烏孤以後魏元興元年僭号西平王及国灭其弟傉檀入魏賜姓元氏【海陵本同】余按通鑑烏孤称西平王乃后魏皇始二年明年魏改元天兴无元興年号晋安帝义熙十年秃髮氏为乞伏炽盘所并傉檀遂归于炽盘傉檀之子贺奔魏魏主嗣爱贺之才谓曰卿之先与朕同源賜姓源氏蓋归魏者傉檀之子非傉檀也賜姓源氏非元氏也傉檀为炽盘所鸩其死非命故其子欲为复讐通鑑书其死以先事炤不能详观通鑑攷其本末而谓傉檀入魏差繆甚矣

通鉴释文辩误卷六

通鉴一百二十【凡五条】

文帝元嘉元年骁骑

史炤释文曰骁牵么切行轻貌【海陵本同】余按通鉴本文是年即无骁字史炤于骁骑之上注貂渠是秦王焜盘遣太子暮末出貂渠谷攻河西事下注僊俘是尊帝母胡僊俘事二事之间有王华领骁骑将军事是误以骁骑为骁骑而曲为之说也

魏主命长孙翰尉眷北击柔然魏主自将屯柞山史炤释文曰柞山其地在柔然国余按魏收魏书帝纪魏未迁洛以前诸帝多幸柞山其山在大河之西世祖始光三年度君子津袭统万至其城下徙万余家而还至柞山班所虏获于将士神防二年十一月西巡狩田于河西至柞山而还以此征之可以见矣且魏主遣将击柔然自将大军为后继以壮声势耳岂必至柔然国中而屯兵乎

三年谢晦弟黄门侍郎防

史炤释文曰防疾雀切余按字书疾雀切皤字埤苍曰白色也防音子肖翻释小明也晦防兄弟也其命名之字旁皆从日音子肖翻为是

湟河

史炤释文曰湟胡光切说文细缯也余按炤释湟河而引说文细缯全不可晓详考通鉴是年有秦夏战于嶮防山又攻湟河事至于年末有魏令漏户输缯帛事盖音胡光切者注湟河之湟字也引说文者注缯帛也此又传写之误

四年魏奚斤上疏言赫连昌亡保上邽鳩合余焜史炤释文曰鳩鵲也鳩合犹乌合之称【费本同】余按左传郯子言少皞以鸟名官五鳩鳩民者也五鳩指言祝鳩氏睢鳩氏鸛鳩氏爽鳩氏鵲鳩氏至于鳩民之鳩则以聚民为义此言鳩合亦谓聚合耳安得以鵲鵲为注其言犹乌合之称尤非鳩合之义

通鉴一百二十一【凡一条】

五年秦王暮末以叔父光禄大夫沃陵为凉州牧史炤释文曰沃陵姓也【海陵本同】余按通鉴本文既言沃陵为暮末叔父则乞伏者其姓而沃陵者其名此不难见也史炤之昏缪乃如此

通鉴一百二十二【凡二条】

十年魏平凉休屠征西将军金嵯

史炤释文曰休屠武威邑属北凉【费本同】余谓金嵯者本匈奴休屠种居于平凉魏以为征西将军通鉴文意甚明若因地志武威郡有休屠县引以为注则通鉴本文休屠之上有平凉二字便说不行史炤缪矣

杨难当攻葭萌获晋寿太守范延朗

海陵本释文曰葭萌县名属梓潼余按葭萌县汉属梓潼郡刘蜀改为汉寿县晋改为晋寿县孝武帝太元十五年梁州刺史周馥表分梓潼北界立晋寿郡治古葭萌之地

通鉴一百二十三【凡二条】

十五年太子率更何承天立史学

史炤释文曰率更令官名也犹秦中更也【海陵本同】余按汉书百官表即有太子率更令续汉志本注曰主庶子舍人更直晋志率更令主宫殿门户及赏罚事职如光禄勳卫尉中更秦爵级非官也

十六年老父被苫而耕

史炤释文曰苫草覆屋余按被苫而耕盖被苫于身以蔽雨非覆屋也

通鉴一百二十四【凡三条】

十九年雍州刺史刘道产善为政民安其业小大丰赡由是民间有襄阳乐歌山蛮不可制者皆出沿沔为村落

史炤释文曰乐歌山蛮其地在雍州襄阳【海陵本同】余谓襄阳之民安其业大小丰赡故有襄阳乐之歌凡昔日山蛮之不可制者慕王民之丰乐故皆出山缘沔而居因通鉴本文而求其义居然可见乐歌句断炤乃以乐歌山蛮为句是不求其义也

二十年魏皮豹子镇仇池杨文德来求援诏以为武都王屯葭芦城

史炤释文曰葭芦城度赤河经岐山三百四十里即其地【海陵本同】余按今阶州福津县东南七里有葭芦城世传魏将邓艾与蜀将姜维相持于此后魏置葭芦县后周并入盘堤县仇池山在成州之西百里阶成二州皆古武都郡地岐山在凤翔府东去葭芦道里甚远史炤之言未可信也

二十三年魏主军至东雍州临薛永宗垒永宗出战大败与家人皆赴汾水死

史炤释文曰汾水出汾阳北山余按史炤止能言汾水发源之地不知薛永宗举家赴汾水而死其地不在太原汾阳界水经汾水出太原汾阳北山东南过晋阳梗阳大陵平陶等县南入河东界过永安杨平阳等县又南过临汾县东又屈从县南西流经絳县故城北左传所谓晋都新田有汾浍以流其恶者也又西迳魏正平郡南东雍州治所也太和中罢州立郡东雍州南之汾水乃薛永宗举家赴水处汉书地理志曰汾水出汾阳北山过郡二行千三百四十里而入于河千三百四十里之汾水或源或委当随地注释而后能有别

通鉴一百二十五【凡二条】

二十七年魏主围悬瓠施大钩于冲车之端以钩楼堞史炤释文曰钩劒属【费本同】余谓如古者吴钩之钩可以言劒属此所谓大钩者乃诗以尔钩援之钩言施大钩于冲车之端以钩楼堞则非劒明矣

芮芮亦遣使逡输诚款

史炤释文曰芮芮国名余按芮芮即蠕蠕魏呼柔然为蠕蠕南人语转为芮芮沈约宋书李延寿南史皆以蠕蠕为芮芮从南人语音也

通鉴一百二十六【凡二条】

二十八年魏人乃肉薄登城

史炤释文曰谓相背负而上城也余谓薄迫也不用梯冲以身迫城缘之而上谓之肉薄登城

魏宗爱杀秦王翰于永巷

史炤释文曰永巷宫中所直名汉官仪曰令一人宦者为之秩六百石掌宫婢侍史余按永巷者宫中之长巷史直言宗爱杀翰于长巷耳宫中所直名五字既不可晓又不必引汉书永巷令为释一百六十六卷梁敬帝绍泰元年一百七十卷陈宣帝太建元年皆有永巷事炤释愈缪

通鉴一百二十七【凡三条】

三十年武陵王军于溧洲

费本注曰溧水名出丹阳溧阳县余谓溧水固出溧阳溧洲则在大江中

鲁秀等攻大航克之王罗汉闻官军已度即放仗降缘渚幢队以次奔散

海陵本释文曰幢队执幡幢之队者余按是时南北朝用兵各置幢主队主皆有副非执幡幢之队也史炤误同而注在上文幢队主副之下海陵本移寘于此盖亦疑上文有幢队主副四字而不得其说耳

卒散民尽可蹻足而待也

史炤释文曰蹻纒约切举足行高也又丘妖切举足谓之蹻余谓炤上音义俱非当从下音义

通鉴一百二十八【凡三条】

孝武帝孝建元年鲁爽引兵直趣历阳薛安都宗越等戍历阳与爽前锋杨胡兴等战斩之爽不能进留军大岷使鲁瑜屯小岷

史炤释文曰大岷山名在寿州六安县有五岷山是以分大小岷桐城亦有五岷非此余按史炤但以鲁爽自寿阳趣历阳而留军大岷遂谓大小岷皆在寿州六安县殊不知六安县在寿阳西大小岷在寿阳东不特在寿阳东也又在合肥之东自寿阳东过合肥而后至小岷又自小岷而东乃至大岷六朝都建康自历阳而西趣寿阳自寿阳而东向建康大小岷乃兵马来往之要路通鉴书大小岷不一审谛考之可以防见余又于一百五十四卷梁武帝天监元年辨海陵本释大小岷之误参取而观之则知地理未易言也

臧质进计于南郡王义宣曰下官中流鼓棹直趣石头史炤释文曰鼓棹歌鼓而行舟也【海陵本同】余按鼓之为义擊也扇也动荡之也擊棹以行舟汉书所谓楼船卒水居击棹者今人谓之打棹打亦与擊同义鼓棹之义夫人能知之炤乃谓歌鼓以行舟浅缪甚矣

何尚之曰夏口在荆江之中正对沔口

史炤释文曰沔水出武都东南入江过江夏谓之夏水余按史炤释用应劭汉书注劭注江夏郡曰沔水自江别至南郡华容为夏水过郡入江故曰江夏水经曰夏水出江流于江陵县东南又东过华容县南又东过江夏云杜县入于沔沔水又东过江夏沙羡县北南入于江酈道元注云江津豫章口东有中夏口是夏水之首江之汜也原夫夏之为名始于分江冬竭夏流故纳厥称既有中夏之目亦苞大夏之名其决水之所出谓之堵口自堵口下沔水通兼夏目而防于江谓之夏汭故春秋左传沈尹射犇命夏汭杜预注曰汉水曲入江即夏口矣庾仲雍亦曰夏口一曰沔口酈道元又曰黄鹄山东北对夏口城孙权所筑也对防则入沔津故城以夏口为名亦沙羡县治沈约志曰江夏郡本治安陆是年徙治夏口夏口本沙羡土沈约所云正何尚之所谓夏口在荆江之中正对沔口者也章怀太子贤亦谓夏口戍在鄂州故唐以来皆指鄂州为夏口歷考诸家之说自应劭至庾仲雍皆以为沔口即夏口自孙权筑夏口城至唐置鄂州则夏口之名移于江南而沔水入江之口止谓之沔口或谓之汉口夏口之名遂与

沔口对立分在江之南北以此释何尚之之言乃为明白史炤止引应劭注而不能防其地名之离合余故备论之

通鉴一百二十九【凡一条】

大明三年岂可三緘

史炤释文曰家语鲁人三緘其口余按孔子家语孔子观周入后稷之庙有金人三緘其口铭其背曰古之慎言也岂鲁人哉

通鉴一百三十【凡二条】

明帝泰始元年魏侍中司徒平原王陆丽

史炤释文曰陆姓也古帝号有陆终其后因以为氏【海陵本同】余按陆丽者陆侯之子陆突之孙本步六孤氏与拓防氏皆起于代北世领部落魏孝文帝变胡俗凡代北三字姓及姓皆改为单姓作史者从简便因以后所改姓书之陆丽安得为陆终之后乎

緌环钱

史炤释文曰緌夷然切【费本同】余谓夷然切者乃左传所谓衡紃紃緌之緌注云冠上覆也緌环之緌音私箭翻盖当时鹅眼钱薄小一千之长不盈三寸而緌环钱又劣于鹅眼贯之以緌其状如环故曰緌环若以为冠上覆之緌非其义矣丁度集韵线线緌皆同音同义近世学者弗之考耳

通鉴一百三十一【凡三条】

二年汝南新蔡二郡太守周矜起兵于悬瓠

史炤释文曰矜居陵切说文矛柄也【海陵本同】余按周矜人姓名也安得以矛柄为义且矛柄之矜音其巾翻若居陵切则为矜怜之矜稍识文理者岂不知周矜为人姓名史炤乖缪如此类者甚众

东军据防结寨

史炤释文曰寨篱落也余按此乃营寨寨栅之寨非篱落也

萧道成世子贇为南康贇令

史炤释文曰顓古送切【费本同】余按汉书地理志顓县属豫章郡如淳音感颜师古音古暗翻刘昫音古濫翻独广韵音古送切史炤释文多以广韵为据致此误也顓县当章贡二水之防故合章贡二字为顓字若音古送切则是指贡水为县名而遗章水矣二百九卷唐睿宗景云元年二百一十二卷 宗开元十一年顓注亦误

通鑑一百三十二【凡一条】

三年魏尉元上言贼向彭城必由清泗过宿豫歷下邳趋青州亦由下邳沂水经东安

史炤释文曰沂水出东海费县东西入海余按汉书地理志沂水出泰山盖县南至下邳入泗过郡五行六百里水经沂水出泰山盖县艾山南迳开阳襄贲郯良城等县又南过下邳县西南入于泗尉元言南国进兵向青州水路必由泗入沂沂沂而经东安乃可至青州沂水未尝出于费县亦未尝入海史炤妄矣

通鑑一百三十三【凡一条】

七年分交广置越州治临漳

史炤释文曰临漳本汉邺县地【海陵本同】余按晋愍帝讳邺改邺县为临漳寻沦没于石勒复为邺县东魏天平初始复分邺立临漳县宋分交广置越州安能遠北界治魏郡之临漳刘昫曰廉州合浦县宋分置临漳郡则越州之所治者合浦之临漳也

通鑑一百三十四【凡三条】

顺帝升明元年苍梧王鍼椎凿锯不离左右

史炤释文曰锯居御切枪唐也通作鑿余考史炤枪唐之說既未知其所据而以锯通作鑿之說征之子史则亦妄矣按锯字先秦古书未之有也字书引古史考云孟庄子作锯音居底切解截器也若鑿字则庄子所谓削木为鑿读与据同史记秦始皇销锋镝以为钟鑿读与虞同后汉书羌人以金鑿八枚遗张奐鑿戎夷贯耳也音求于翻鑿字曷尝与刀锯之锯通哉

王敬则以刀鑲塞窬孔呼門甚急

史炤释文曰窬音圭甌空也【海陵本同】余按字书窬字固以甌下孔为释但呼門而塞甌孔事不相關且甌孔甚大非刀鑲所能塞盖門旁有孔三角如圭头以窺外人因谓之圭孔后人遂于圭上加穴耳

二年王僧防奏大明中即以宮縣合和鞞拂

史炤释文曰释名鞞褱也褱助鼓节也吕氏春秋帝尝令人作鞞鼓之乐余按鞞拂皆舞名也晋志曰鞞舞未详所起然汉代已施于宴享矣拂舞出自江左旧云吴舞捡其歌非吴舞也亦陈于殿庭以此观之史炤误矣

通鉴一百三十五【凡四条】

齐高帝建元元年宋顺帝下诏禅位于齐帝逃于佛盖之下太后自帅阍人索得之

史炤释文曰阍人宫中守门者【费本同】余按阍即周礼之奄郑氏注云奄精气闭藏者今谓之宦人陆德明音义奄于检翻刘于验翻徐于劒翻今于奄字加门则音淹释者因其加门也遂以宦者守门为义殊不思前史凡阍人给事宫中者皆曰阍宦初不以守门为义史炤说拘矣

二年魏师攻钟离崔文仲遣军主崔孝伯度淮攻魏荏戍主龙得侯等杀之

史炤释文曰泰山郡有山荏县荏山在其东北【海陵本同】余按齐徐州治钟离自钟离渡淮攻荏盖浅攻也荏山自是淮北地名魏于此置戍非泰山之山荏县也

北上黄蛮文勉德寇汝阳汝阳太守戴元宾弃城奔江陵

史炤释文曰汝音问鲁郡之邑余按沈约宋书云汝阳太守何承天志新立去江陵陆行四百里水行七百里上黄县宋初属襄阳后属长宁郡郡去江陵陆行六十里水经注晋武帝割临沮之北乡中庐之南乡立上黄县治軫乡在宜城西义熙初分新城郡立汝阳郡治锡城县春秋时楚伐庸至于锡穴者也其地在临沮县西北若如史炤说以为鲁郡之汝阳则非襄阳上黄蛮所得而攻而郡守亦无从而奔江陵也自南北分据建置郡县多与古郡县之名错出其所建置之非深考不能知也一百四十三卷东昏侯永元二年释汝阳误同

四年南康公褚渊卒世子贲耻其父失节以爵让其弟秦

史炤释文曰贲耻符非切姓也耻其名【海陵本同】余按褚贲渊子也通鉴之文甚明贲耻其父失节者以渊奉宋氏社稷输之于齐也不当以贲为姓耻为名史炤之误多类此贲读曰贲音符分翻

通鉴一百三十六【凡三条】

武帝永明三年李叔献献十二队纯银兜鍪乃孔雀毵史炤释文曰孔雀鸟名毵者毛羽饰也博雅曰防毵罽也一曰积羽为衣一曰兜鍪上饰余谓毵者以孔雀毛为兜鍪饰耳不必引防毵及积羽为衣以杂其说

五年魏主诏七庙亲子孙及外戚缌麻已上亲赋役无所与

史炤释文曰缌两麻一丝之布也余按礼记杂记曰朝服十五升去其半而缌加灰锡也注曰缌精麤与朝服同去其半则六百缕而疏也又无事其布而不灰焉正义曰朝服精细全用十五升布为之去其半而缌者缌麻于朝服十五升之内抽去其半以七升半用为缌麻服之衰服也郑注云防服去其半而缌如丝是也加灰锡也者取缌以为布又加灰治之则曰锡锡言滑易也注云又无事其布而不灰焉者经云去其半而缌始云加灰锡明此缌衰不加灰不治布故也详攷杂记注疏则朝服之布十五升去其半者为缌麻服之衰其加灰治布者则为锡衰史炤以缌为两麻一丝之布其说不经见

六年魏筑城于醴阳陈显逵攻防之进攻泚阳

史炤释文作澧阳注曰天门邑余按天门郡之澧阳今之澧州泚阳县今之唐州唐州与澧州相去甚远复隔江汉陈显逵既防醴阳遂攻泚阳是泚阳与醴阳相近非天门之澧阳明矣水经注泚水出泚阳西北太湖山东南流过泚阳县南又南流而与澧水防澧水源出桐柏山与淮同源而别流西注又西北流迳平氏故城东又西注泚水魏盖于此水之隄筑城又水经于淮水注曰淮水与澧水同源俱导西流为醴东流为淮正作此醴字

通鉴一百三十七【凡一条】

八年魏太皇太后冯氏徂高祖勺饮不入口者五日史炤释文曰勺臈略切挹取也余按诗洞酌彼行潦挹彼注兹此酌字音臈略翻以挹取为說周官考工记梓人为饮器勺一升勺音上酌翻勺饮之义取此非挹取之酌也

通鉴一百三十八【凡二条】

十一年王融行逢朱雀桁开喧湫不得进

史炤释文曰湫即由切本作啾谓喧哗啾唧也【费本同】余谓此湫即左传湫隘之湫顾野王云湫子小翻隘也以喧哗湫隘为說文义自通何必改为啾唧之啾乎

车前无八驂何得称丈夫

史炤释文曰驂廐御也余按晋志诸公诸从公车前给驂八人王融望为公辅故云然驂者在车前传呼辟开道止行人者今人所谓驂哄

徐勉曰王君名高望促难可并 衣裾

史炤释文曰 帛也【费本同】余谓于此以帛为释其义殊为不通按字书弊字亦有从敝

从衣者以弊为說其义乃通

通鑑一百三十九【凡一条】

明帝建武元年魏安定靖王休卒自卒至殯魏主三临其第

史炤释文曰临力禁切哭也余谓此君临臣防之临读如字君临臣防固哭之但史言三临其第当以临幸临视之临为义汉书贾山所谓赐衰麻经而三临其防正古者待大臣之礼魏主用斯礼也

通鑑一百四十【凡三条】

二年魏主曰代人迁洛者宜悉 邨山其先有夫死于代者听妻还 夫死于洛者不得还代就妻其余州之人自听从便

史炤释文提起妻其二字注曰妻七计切以女嫁人曰妻余谓若如炤释当以妻其余州之人 为句读之便使上下文皆失其指义童而习者不为也按通鑑上文时广川王谐卒其妻先死于代而谐从魏主南迁死于洛有司于其 地审以新尊从旧卑之义故魏主因是定制以为夫尊妻卑夫 于代而妻死于洛则妻当还 于代以从夫若妻 于代而夫死于洛不得还 于代以就妻除代人之外余州之人不用此制各从其便妻字句断其字当属下句文理晓然妻读如字

沮水氏杨馥之为齐击武典氏杨集始破之

史炤释文曰沮水出房陵东至郢入江余谓沮水有二辩已见七十七卷魏元帝景元二年此沮水乃武都沮县之沮水非出房陵之沮水也元和郡县志曰今兴州城古之武兴城也武兴及沮县之沮水皆属汉武都郡界房陵则属汉中郡唐之房州是也杨氏诸氏皆居武都不居房陵也一百四十八卷梁武帝天监十四年释沮水误同其曰新城房陵则以曹魏分汉中置新城郡欲以新异观者之目耳

三年魏寇司州栢城戍主魏僧岷拒破之

史炤释文曰栢城在司州属后魏余按此时魏寇齐之司州为栢城戍主所破则栢城属齐不属魏明矣齐之司州镇义阳

通鑑一百四十一【凡四条】

四年魏发冀定瀛相济五州兵

海陵本释文曰瀛州即河内郡余按瀛州河间郡地非河内也

李崇搓山分道

史炤释文曰搓山与氏羌相近搓锄加切亦作查【海陵本同】余按搓音仕雅翻袞斫木也此与晋穆帝永和六年燕命慕容廆搓山通道同义史炤于此以搓山为山名又愈误矣

聚礪石临崖下之

史炤释文曰礪落罪切推石自高而下也余谓释是而音非音洛罪切者礪砾之礪推石自高而下之礪当音卢对翻汉书李陵传乘隅下垒石垒音卢对翻音义正与此礪同特古字借用不同耳

徐州刺史裴叔业引兵攻虹城

史炤释文曰虹戸工切后魏之地余谓此虹城即汉虹县也今泗州犹有虹县汉书音义虹音贡今人读如绛南齐徐州刺史镇钟离裴叔业自钟离引兵度淮攻魏之虹城以挠魏南寇之兵正今泗州之虹县也史炤音戸工切特随字自为之音非有所据也

通鉴释文辩误卷七

通鉴一百四十二【凡二条】

东昏侯永元元年魏邀齐兵归路陈显逵引兵度水西人情沮恐

史炤释文曰沮将豫切沮防而恐患也【费同】本余按沮防之沮音在吕翻从将豫切者乃沮洳之沮也史炤以沮止之沮沮防之沮读为去声者甚多不欲枚举读通鉴者自决择可也

显逵之北伐军入沟均口冯道根説显逵曰沟均水迅急难进易退

史炤释文曰沟均皆水名余谓沟均一水也按水经注均水有三名均水发源 农郡卢氏县之熊耳山南迳顺阳县当涉都邑之北南入于沔地理志言熊耳之山防水出焉东南至顺阳入于沔者也又曰顺阳县西有石山南临沟水沟水又南流注于沔水谓之沟口又曰沔水自武当县东南流迳涉都城东北均水入焉谓之均口则防沟均虽有三名实一水也孙愐曰沟水名出析县北山入沔今作均盖沟均同音或曰沟口或曰均口后人遂连沟均二字言之谓为沟均口

通鉴一百四十四【凡三条】

和帝中兴元年魏主召禧懿详入见曰比纒疔疹苟延视息

史炤释文曰疹章忍切癰疹也一曰唇疡【费本同】余按字书癰疹之疹章忍切疔疹之疹丑刃翻疔弱也疹疾也自言弱疾苟延视息若患癰疹何至言苟延视息哉史炤释疹字一百七十二卷陈宣帝太建八年二百三十六卷唐顺宗永贞元年皆误而三变其说各辩于后

陈伯之收兵退保湖口留陈虎牙守湓城

史炤释文曰湓水之城在庐江寻阳余按汉书地理志寻阳固属庐江郡然汉之寻阳在江北至晋以后寻阳在江南沈约宋志曰寻阳本县名因水名县水南注江二汉属庐江吴立鄣春郡寻阳县属焉晋武帝太康元年省鄣春郡以寻阳属武昌二年以武昌之寻阳复属庐江郡是时寻阳县犹在江北惠帝永兴元年分庐江武昌立寻阳郡治江南之柴桑自时厥后江北寻阳之名移于江南而湓浦柴桑皆在寻阳郡管下史炤若言湓城在寻阳犹可言在庐江之寻阳则不可

新亭城主江道林引兵出战

史炤释文作道怵音敕律切谓之非误可乎

通鑑一百四十五【凡一条】

梁武帝天監元年魏小岨戍主党灋宗襲大岨戍破之海陵本釋文曰小岨山名在襄陽大岨山名在琅邪陽都縣史炤釋一百二十八卷宋孝武帝孝建元年同余觀海陵本不從史炤之說以襄陽之岨山為小岨琅邪之大岨關為大岨自以為得其說矣殊不知自襄陽至琅邪防千百里豈輕兵掩襲之所能制勝乎況是時襄陽之岨山屬梁境琅邪之大岨關屬魏境黨灋宗魏將也乃戍梁境之岨山而襲魏境之大岨關其說又為不通按小岨大岨在歷陽合肥之間小岨在合肥之東大岨又在小岨之東是後韋叡克小岨進攻合肥是小岨在合肥之東明矣宋孝武帝孝建元年魯爽自壽陽舉兵進屯大岨食少而退薛安都自歷陽進兵追及爽于小岨斬之是大岨在小岨之東又明矣二岨相去蓋不甚遠也費本注曰黨丁浪切余按黨音底朗翻無從去聲者此亦蜀人土音之訛

通鑑一百四十六【凡三條】

二年魏邢昺表云在南之日曾立巴州鎮靜夷獠史炤釋文曰西南夷謂之獠【海陵本同】余按史炤以獠為西南夷至是三矣已辯之于前今復申言之蜀主李勢之時獠始自山出从巴西至犍為梓潼布滿山谷李延壽北史曰獠蓋南蠻之別種邛笮川洞之間散居山谷種類甚多略無氏族之別又無名字所生男女惟以長幼次第呼之二十四十五卷唐僖宗中和二年炤又以獠為戎夷別名是又略變前說而其誤終身不能改也

五年魏涇州陳瞻亦聚眾稱王

史炤釋文曰涇宣城邑余謂此魏所置涇州也按魏收地形志魏置涇州于安定臨涇城若宣城郡之涇縣則在江南屬梁非魏土也且通鑑書魏涇州而以梁宣城郡之涇縣為釋曾是可以欺後學乎

將軍藍懷恭與魏邢昺戰于睢口敗績昺進圍宿豫史炤釋文曰睢水之口在元魏梁郡余按水經注睢水首受陳留浪蕩渠東過梁國睢陽縣南又東過相縣故城南又東迳彭城之靈壁東又東迳睢陵縣故城北又東南迳下相縣故城南又東南流入于泗謂之睢口睢口不在梁郡也

通鑑一百四十七【凡五條】

七年馬仙琕籤求應赴

史炤釋文曰籤郵籤【海陵本同】余按李延壽南史故事府州部論事皆籤前直叙所論之事後云謹籤月日下又云某官某籤馬仙琕籤求應赴正此籤也以為郵籤何所據乎

魏邢昺乘勝長驅至懸瓠因度汝水圍其城

史炤释文曰汝水出上洛卢氏还归山东入淮余按汝出卢氏过梁县又东南过颍川郟县又东南过定陵鄢又东南过汝南上蔡县西又东迳悬瓠城北汝水枝别左出西北流又屈西东转又西南会汝形若悬瓠城因名焉故邢昺之兵度汝水而围悬瓠史炤但能言汝水所出及所入处耳

八年许惔议孙皓尝遣董朝至阳羨禅国山

史炤释文曰阳羨防稽邑【海陵本同】余按阳羨县前汉属防稽郡后汉属吴郡东晋以后属义兴郡又分阳羨为国山县

九年吴承伯反奄至吴兴吏民恒抗

史炤释文作恒抗注曰音巨恐扰也【海陵本同】余按恒字乃恒字之误也炤从而为之音释缪矣字书亦无恒字恒音去王翻

十年魏汾州山胡刘龙驹聚众反

史炤释文曰汾水出太原晋阳山西南入河后魏置汾州余按汾水所出所经所入已辩于一百二十四卷宋文帝元嘉二十三年但史炤今之注较之前注愈误汾水出太原汾阳北山非晋阳山也且魏太和十二年置汾州治蒲子城孝昌之乱沦陷又移治西河领西河吐京五城定阳等郡此时汾州犹治蒲子刘龙驹盖山胡种居汾州部内者也炤以汾水出入处释汾州失之远矣

通鉴一百四十八【凡一条】

十五年淮堰成或谓康绚凿黎东注又纵反间于魏萧宝寅信之凿山深五丈开黎北注

史炤释文曰黎即由切水名或普焦切余按黎字惟丁度集韵有之无普焦切一音以通鉴本文观之黎者沟渎之类非水名也

通鉴一百四十九【凡】一【条】

普通二年琬琰殿火

史炤释文曰琬琰璧名余按周礼有琬圭琰圭郑氏注曰琬犹圆也琰剡上如是则琬圭圆其上琰圭剡其上琬琰皆圭名非璧名然此以琬琰名殿耳而致辩于圭璧之间正以分别字义不得不尔

通鉴一百五十【凡五条】

五年魏凉州幢帅于菩提等

史炤释文曰幢帅犹连率也余按礼记王制三十国为连连有率魏安能行古制哉柔然之法百人为幢幢有帅

秀容人乞伏莫干聚众攻郡杀太守南秀容牧子万干乞真反秀容酋长尔朱荣讨平之

史炤释文曰秀容本汉汾阳县地后省之至元魏置肆州秀容县按史炤之误余已辩之于一百八卷晋孝武帝太元十九年而尔朱居秀容之本末则未之及也按尔朱氏世居秀容川尔朱荣高祖羽健从魏主珪攻燕主宝有功环其所居割地三百里以封之尔朱氏自此彊盛此北秀容也又有南秀容则汉汾阳县地也魏置秀容郡及秀容防军于此其地在汾水之北北秀容又在汾阳之北史家虑北秀容南秀容之无以别也故乞伏莫干则曰秀容人万干乞真则曰南秀容牧子此其分别甚明史炤不能详考混而言之非深于通鉴者也

魏郢州刺史裴询与蛮酋西郢州刺史田朴特相表里史炤释文曰郢州名属后魏余谓若如炤释则凡欲注书以求自见于后世者岂不甚易按是时南北分王各有郢州魏置郢州于义阳梁郢州则治夏口

六年崔延伯别造大盾内为鎖柱使壮士负而趋史炤释文曰盾食尹切本作輶车转者【海陵本同】余谓盾即干盾之盾所以捍锋矢者輶者载枢之车音勅伦翻史炤缪矣

邵陵王编问卖防者令吞防而死

史炤释文曰防七演切鱼名皮可为鼓一曰蛇防黄质黑文【海陵本同】余按皮可为鼓者鼉也陆玕草木防云鼉似蜥蜴四足长丈余甲如铠皮坚厚宜冒鼓诗所云鼉鼓逢逢者盖鼉皮所冒之鼓也字书鼉字亦作鰐音徒何切既皮可冒鼓岂人所能吞哉曰蛇防者近之防亦作鰐音七演翻二字同而音异故炤释莫知所决择

通鉴一百五十一【凡二条】

七年魏安州三戍兵反杜洛周自松岍赴之

史炤释文曰岍苦坚切地名【海陵本同】余按岍字当读与 陁同音戸经翻唐志营州西北百里曰松陁 魏安州治广阳郡之方城县唐檀州是也

大通元年魏源子邕裴衍行至阳平漳水曲

史炤释文曰漳水在阳平东北山海经云漳水出荆山南注于沮水余按炤因通鉴本文知漳水在阳平东北而又引沮漳之漳水杂以为释习之而不察甚矣魏文帝分魏郡置阳平郡治

馆陶

通鉴一百五十二【凡五条】

二年魏北道行台杨津守定州城居鲜于脩礼杜洛周之间迭来攻围

史炤释文提起间迭二字注云间居菟切代也厠也余按史炤之說则以间迭来攻围为句殊不顾上句读不成文其繆甚矣当以居鲜于脩礼杜洛周之间为一句迭来攻围为一句间读如字

郡民续灵珍攻蕃城以应梁

史炤释文曰蕃蒲何切余按蕃县汉属鲁国晋惠帝元康中废属彭城郡魏收地形志曰孝昌三年置蕃郡治蕃城元象二年并彭城武定五年复置蕃郡汉书音义番阳县之番音蒲何翻鲁国蕃县之蕃音皮或云皮反字之误反读如字是时梁将王弁侵魏徐州蕃郡民续灵珍攻蕃城以应梁此蕃郡蕃城即汉鲁国之蕃县传写通鉴者番上缺艸遂为番郡番城史炤又从而音蒲何切误矣

葛荣列陈数十里箕张而进

史炤释文曰箕张犹春秋鱼丽之陈余按左传鱼丽之陈先偏后伍伍承弥缝箕张之陈与鱼丽之陈固当不同列宿之象箕张翼舒箕四星下二星翕而相近上二星开张列陈前濶而后狭故曰箕张即今军中言杷头陈也

葛荣至洛魏主御阊阖门引见

史炤释文曰阊阖天门也【海陵本同】余按阊阖门洛阳宫城门辩已见八十四卷晋惠帝太安元年史炤前說已误此又以阊阖为天门宫城门固取天门以为名然径以为天门则不可一百六十卷太清元年阊阖门注亦误

羊侃自瑕丘溃围出魏境至渣口

史炤释文曰渣侧加切水名出义阳一作滎【海陵本同】余按水经注偃阳有柎水南乱沂而注于洧谓之柎口柎音侧加翻即此渣口也但字异耳杜预曰滎水出义阳颍川西义阳唐之申州瑕丘唐之兖州治所偃阳在唐徐州界羊侃南奔自瑕丘至徐州之渣口道里甚径若自兖州至申州道里甚远观者可以知所决择矣

通鉴一百五十三【凡二条】

中大通元年魏杨昱据荥阳陈庆之攻之将士相帅蚁附而入

史炤释文曰蚁蚍蜉也附者谓其能屯聚也余谓蚁能附着木石墙壁而行緣而登高史言陈庆之将士緣荥阳城而登若蚁之附木石墙壁而登高然非以蚁能屯聚为喻也

初魏以梁益二州境土荒遠更立巴州以统诸獠又立隆城镇

史炤释文曰巴春秋时巴地晋宋间为夷獠所居至后魏得其地立巴州余按汉书地理志巴郡十一县皆春秋时巴国之地汉献帝时刘焉刘璋父子分巴为三郡其后分置郡县寢以益多自阆渝至于防涪皆巴地也未尝尽为夷獠所居三国之时蜀都护李严尝请以五郡为巴州诸葛亮不许至萧齐卒置之萧子显齐志曰三峡险隘山蛮寇贼宋末置三巴校尉以镇之既省复置齐高帝建元二年置巴州分巴东建平涪陵巴郡属焉武帝永明元年省巴州故天监二年邢峦表魏主曰在南之日尝立巴州镇静夷獠谓此也由此观之巴州之立尚矣特废置不常耳非魏立也

通鑑一百五十四【凡二条】

二年魏尔朱荣曰拥生蛮北填六镇

史炤释文曰填读曰镇余谓此乃补填之填音停年翻言欲驱生蛮以补填六镇叛亡之户

陈庆之引兵围悬瓠破魏颍州刺史娄起等于溱水史炤释文曰溱侧洗切水名在河南余按此史炤据广韵以为释也广韵所谓溱水在河南者以周宣王弟郑桓公邑于新郑而食溱洧新郑县汉属河南郡故云然时陈庆之围悬瓠悬瓠城在汝南安能北至新郑之溱与娄起等战也水经注溱水出汝南平舆县浮石岭北青衣山东南迳朗陵县故城西东北迳宜春县故城北又东北入于汝陈庆之破娄起等实于此水也

通鑑一百五十六【凡四条】

五年贺防胜遣军攻冯翊安定涇阳鄯城皆防之于是涇北荡为丘墟矣

史炤释文曰涇阳汉中郡余按汉中郡自汉以来固有涇阳县然以歷代地志考之宋立冯翊安定等侨郡于涇北梁置涇阳郡于汉竟陵县之地后周以为复州置鄯城郡于汉陰县之地亦皆涇北北属梁雍州刺史以通鑑下文观之可以知矣汉中之涇阳县属梁州时梁州之地已为魏有史炤释非

魏主西奔至稠桑潼关大都督毛鸿宾迎献酒食史炤释文曰稠桑地名在荥阳西余按魏主自洛西奔至稠桑而毛鸿宾自潼关迎献酒食则稠桑在洛阳之西潼关之东明矣恒农郡胡城县有稠桑驿通鑑书魏主先至胡城而后至稠桑稠桑在胡城之西不在荥阳之西荥阳在

洛阳东去稠桑远矣一百八十四卷隋恭帝义宁元年窦琮等追及屈突通于稠桑史炤释亦误但两事有自东徂西自西徂东之异耳辩见于后

贺防胜自南阳帅所部西赴关中至淅阳

史炤释文曰淅防热切淅阳郡名淅水所出余按魏淅阳郡汉 农郡析县之地也有析水后魏置析阳郡魏收地形志只从汉书作析字隋书五代志乃作淅字宋朝邓州淅川内乡二县即其地炤以为淅水所出是矣若音防热切则淅字非淅字也

魏孝武帝闺门无礼

史炤释文作闾门注云闾胡猎切闭也今按通鉴诸本皆作闺门下文书闺门无礼事甚详史炤误矣

通鉴一百五十七【凡三条】

大同三年东魏丞相欢游汾阳之天池

史炤释文曰汾水之阳河东邑余按汾阳县自汉至后魏皆属太原郡魏自正光以后北边盗起恒朔陷没乃置秀容郡于汉汾阳县地唐忻州之秀容县是也若隋地理志太原郡之汾阳县则汉之阳曲县地汉之汾阳县与隋之汾阳县皆非河东邑而高欢所游者乃秀容之汾阳也隋炀帝建汾阳宫即此地

魏大都督宇文贵进据颍川东魏行台任祥 保宛陵史炤释文曰宛陵宣城邑彭泽聚在西余按史炤参取汉书地理志及晋书地理志以为释殊不知地理志汉河南郡又有宛陵县晋属荥阳郡后魏属陈留郡天平以后属广武郡任祥所退保者也详考诸志宣城之宛陵与任祥所保之宛陵字有宛宛之异传写者误以宛为宛史炤遂误释为宣城之宛陵所谓差之毫厘缪以千里也

魏行台杨白驹与东魏阳州刺史段粲战于蓼坞史炤释文曰蓼即安丰之邑【费本同】余按汉书地理志蓼六二县皆属六安国蓼六春秋时犹为列国皐陶之后也俱为楚所灭晋地理志蓼县始属安丰郡然考魏收地形志此时东魏置阳州于宜阳西魏以杨白驹为行台使之东略其交兵正在河潼间安得战于安丰之蓼邑邪水经注蓼水出河北县襄山蓼谷盖当时之人于此谷筑坞因谓之蓼坞汉书音义曰襄山在潼关北十余里

通鉴一百五十八【凡二条】

四年魏广州守将骆超

史炤释文作骆越注曰骆姓也越其名余按骆越乃汉时南方蛮之种名此魏将也通鉴诸本皆作骆超参考通鉴前后所书亦超字为是炤于一百五十四卷中大通二年亦以为骆超

九年宇文泰登邙山以袭高欢黎明泰军与欢军遇史炤释文曰黎音离黎犹比也谓比至天明也【海陵本同】余按史记黎明之黎作邈说文曰邈徐也读与黎同音力兮翻程大昌曰徐广云黎犹比也将明之时也此说非也黎黎字通黎黑色也黑与明相杂欲晓未晓之交也犹曰昧爽也昧暗也爽明也亦明暗相杂也迟明即未及乎明也厥明质明则已晓也读黎如离恐骇俗且当从说文音此音亦有黑义字书黎字亦有从力兮翻者

通鉴一百五十九【凡一条】

十一年柔然头兵可汗使其弟秃突佳来送女且报聘史炤释文以聘为娉注曰说文娉问也谓昏礼问名余按古礼有交聘之聘有聘女之聘说文始以聘女之聘为娉字与交聘之聘分为二字然古之聘字虽同而时聘之礼与聘女之礼异周礼时聘曰问以结诸侯之好又曰谷圭以聘女此聘字之同也春秋左氏传宣九年孟献子聘于周十年刘康公来报聘交聘之聘也文四年贵聘而贱逆君子是以知出姜之不允于鲁七年穆伯又聘于莒莒人以声已辞则为襄仲聘焉聘女之聘也聘字皆同而为礼则异凡读经传者居然可知也左传书报聘之事非一柔然固不可以古礼律之然其使弟来送女则犹古人致女之礼也报聘则是报高欢之使聘亦古者列国来聘报聘之意史言且者谓送女且报聘也当是时高欢未尝许以女女柔然何昏礼问名之有若问名不当言报娉字只当作聘字以交聘之聘为释且者不专为一事并有余事之谓

通鉴一百六十【凡二条】

太清元年荀济知上有大志然负气不服常谓人曰防于盾鼻上磨墨檄之

史炤释文曰矛盾之鼻也余按荀济只言盾鼻史炤乃泛引矛为说以杂之盾之有鼻盖盾背有隆起处故谓之鼻记朱干设 郑 注曰干盾也 傅其背如龟也正义曰诗云鏐 谓以金饰之用金琢傅其盾背盾背外高龟形亦外高故云如龟盖见汉礼然也或谓 即盾鼻矛若有鼻当施于何所

二年西丰公大春守石头

史炤释文曰石头在丹阳秣陵建业中孙权城之余按江左置丹阳尹秣陵建业二县皆治京邑建业改为建康自避晋愍帝讳始当时二县分治以秦淮水为界炤以为在秣陵建业中者抑以为在二县中间邪既不能指定实处而其文质俚亦甚矣且汉建安中孙权筑石头城至此三百余年通鉴书石头事凡几史炤于魏文帝黄初五年晋海西公太和五年释已误此释又添一误也张舜民曰石头去台城九里天生城壁在清凉寺北覆舟山上江行自北来者循石头城转入秦淮

通鑑一百六十二【凡二条】

李迁仕樊文皎帅锐卒五千深入至菰首桥东

史炤释文曰菰首桥在淮地【海陵本同】余按淮者秦淮水也李迁仕等先将兵度淮攻东府前栅焚之侯景众军营于青溪之东迁仕又进至菰首桥东则此桥当在青溪上曰在淮地何邪

御甘露厨有干苔味酸咸分给战士

史炤释文曰苔藓也【海陵本同】余谓苔生于海其形如髮春二三月海人采取之纳土窖中出而晒之成片今南人多食之若苔藓者生于阶墙及阴湿之地安可食邪

通鑑一百六十三【凡二条】

简文帝大宝元年陈霸先修崎头古城徙居之

史炤释文曰崎头城名在梁地余谓侯景虽专梁命未改江淮以南皆梁地崎头为梁地一语不注可也按陈霸先自始兴出兵度大庾岭既破蔡路养于南野遂居崎头古城崎头之地今不可知必在南康郡界南康今赣州

侯景遣侯瑱随于庆徇蠡南诸郡

史炤释文曰蠡南地名蠡力兮切又力防切余谓蠡南诸郡指彭蠡湖以南诸郡如豫章庐陵安成临川南康是也蠡音礼力兮切非

通鑑一百六十四【凡二条】

二年任约追胡僧祐及于芋口

海陵本释文作芋口芋羽俱切又王遇切地名余按芋字本芋字之误姚思廉梁书曰芋口在南平郡安南县界不能博考而妄为音切可乎芋音千

元帝承圣元年侯子鉴以舩千艘载战士

海陵本释文曰舩上止遥切又陟交切下力鸟切余按丁度集韵舩丁了翻朗鸟翻类篇曰舩船长貌海陵本音释殊无所据

通鑑一百六十五【凡一条】

三年严超達自秦郡进围泾州

费本注曰泾州盖以泾水为名余按五代志江都郡永福县梁置泾州领泾城东阳二郡李延寿北史曰梁泾州在石梁此乃因泾城以名州非泾水也

通鑑一百六十六【凡三条】

敬帝绍泰元年齐平秦王归彦譖清河王岳曰清河僭拟宫禁制为永巷

史炤释文曰永巷列宫名有长巷故名之也余按宫中长巷曰永巷自应劭已有此說未尝以永巷为列宫名高归彦譖高岳谓其私第僭拟宫中为永巷耳观通鑑本文可见炤說之僻繆一百七十卷陈宣帝太建元年永巷史炤复有此繆说

晋安民陈羽世为闽中豪姓

史炤释文曰闽中郡名即南越地余按闽中乃汉闽越地非南越地梁亦未尝置闽中郡下卷陈武帝永定元年误同

太平元年魏以岐阳之地封安定世子觉为周公史炤释文曰岐阳本元魏秦平郡至西魏改余按西魏改秦平郡为岐山郡未尝改为岐阳魏以岐阳之地封宇文觉盖指岐山之阳汉雍郿二县地后魏真君六年于汉郿县地置周城县岐山之下周自古公亶父至文王居之故谓之岐周拓防之县名字文之国号皆本诸此

通鑑一百六十七【凡五条】

陈武帝永定元年齐以长广王湛为尚书令

史炤释文曰湛市林切又持林切丈减切余谓上两音皆非也当从下音

周晋公防与李植相质植辞穷

史炤释文曰质臧利切质当以为信余谓质臧日翻对面相辨正为质礼记曲礼夫人之讳虽质君之前臣不讳也郑注云质犹对也是质有对之义通鑑下文言李植辞穷可以知非质当之质也至一百七十三卷宣帝太建十年齐王宪与于智相质炤则曰质臧日切正也谓正自相当释相质之义虽未为明切而亦知臧利切之为非矣

置删定郎治律令

史炤释文曰陈置此官以治律令余谓注书如此何所发明按曹魏之世置尚书曹二十三郎

有定科郎刘宋置十九曹郎文帝元嘉十八年增置删定曹郎盖魏世之定科郎也至于齐梁亦皆置之以删定律令陈受梁禅政事皆由中书省置二十一局各当尚书诸曹摠国机要尚书惟听受而已特置删定郎以治律令

帝裸裎为乐

史炤释文曰裎袒也古裎衣赵魏之间无裎者谓任余按朱氏孟子解裸裎露身也义甚简明裎衣之說本之广韵无裎谓任此语全不可晓或者任字其裎字之误乎若服裎衣则非裸裎矣炤不过欲艰深其辞以防后学

二年惶怖且悲不觉声颤

史炤释文曰防注云防善切揺也通作颤余按通鉴释文正作颤字当音之膳翻防音防善切者孙愐云裸形无可蔽也非声颤之义

通鉴释文辩误卷八

通鉴一百六十八【凡一条】

文帝天嘉三年和士开善握槊

史炤释文曰槊通作稍矛长丈八者为槊【海陵本同】余按握槊局戏也李延寿曰握槊盖胡戏近入中国刘禹锡观博曰握槊之器其制用骨觚棱四均镂以朱墨耦而合数取应日月视其转止依以争道史炤乃以为握丈八之槊是但知槊之为兵器而未知握槊之为局戏也

通鉴一百六十九【凡二条】

五年陈宝应逃至莆口

史炤释文曰莆音甫【海陵本同】余按莆口在唐泉州莆田县界今兴化军之地莆音蒲音甫非

天康元年周信州蛮冉令贤等反逵结涪阳蛮为声援史炤释文曰涪阳渚之蛮在郢中余按后周置信州于永安唐之防州也酈道元曰江陵西北有纪南城楚文王自丹阳徙此平王城之班固言楚之郢都也楚辞曰遭吾道兮洞庭望涪阳兮极浦屈原楚人也至洞庭然后可以望涪阳则涪阳之不在郢中亦明矣道元又曰涪水出作唐县西北天门郡界南流迳涪评屯屯竭涪水溉田数千顷又东南流注于澧水涪阳盖居是水之阳也二百六十六卷梁太祖开平元年雷彦恭攻涪阳公安正此涪阳史炤释亦误九域志江陵府公安县有涪阳镇

通鉴一百七十【凡八条】

临海王光大元年巴山太守黄法慧从宜阳出醴陵共袭华皎

史炤释文作澧阳注曰天门邑余按地理志醴陵澧阳自是两县醴陵县后汉置属长沙郡澧阳县晋武帝太康中立天门郡治焉时华皎据长沙安成王瑱使吴明彻等帅舟师泝江攻之又使黄法慧从宜阳出醴陵以袭其不备宜阳汉之宜春县也晋孝武帝避其母郑太后讳改为宜阳今袁州宜春郡也自宜春至醴陵不及二百里澧阳则在洞庭太湖之北自宜春袭长沙不出澧阳也

齐主封弟仁约为乐浪王

史炤释文曰乐浪郡名古朝鲜之国其地系北齐余按齐主以古郡名爵诸弟为王耳未尝使之君国子民乐浪古朝鲜之地自晋至于慕容氏之末世已不能有其地北齐安能系属之哉

宣帝太建三年周遣右武伯谷防琨等聘于齐

史炤释文作琨注曰其字未详余按通鉴诸本皆作琨炤所见本于昆旁王偶缺上一画耳

五年齐人于秦郡置秦州州前江浦通涂水

史炤释文曰涂同都切水出益州牧靡南山西北入绳【海陵本同】余按晋惠帝置堂邑郡于汉堂邑县至安帝改堂邑郡为秦郡以秦之侨人居其地故也北齐取淮南就以秦郡置秦州唐滁州六合县即其地因滁水以名州涂读为滁辩已见七十五卷魏邵陵厉公嘉平三年八十卷晋武帝咸宁五年汉益州郡牧靡之地自宇文併蜀弃之荒外宇文且不能有其地齐人境土西限于宇文其能有牧靡之地乎是时陈师伐齐以复淮南岂攻益州哉此乃汉堂邑之滁水非汉牧靡之涂水也

七年周主伐齐鲍宏曰进兵汾潞直掩晋阳

史炤释文曰汾潞二州名系后周余按周齐敌国疆场之间各置州郡齐置汾州于西河周置汾州于定阳若潞州上党郡则属齐地周建德六年始平齐陈太建之九年也宣政元年分并州上党郡始置潞州太建之十年也乌得于太建七年以潞州系后周哉盖鲍宏论伐齐直言进兵之路不指州名而指水名自汾水取平阳过雀防谷可以掩晋阳自上党潞川入壶关黄泽亦可以掩晋阳非指二州名也

八年周主谓羣臣曰朕去岁属有疾疹遂不得克平逋寇

史炤释文曰疹章忍切癰疹皮外小起也余按此疾疹之疹与疢字同音丑刃翻经传作疢作疹者俗书也周武帝举大兵以伐国不应以皮外小起癰疹而还师史炤之浅妄率如此至二百三十六卷唐顺宗永贞元年方能以疹为疢疾乃因通鉴正文积疹而生义然音切终不能改也

前出河外直为拊背未扼其防

史炤释文曰拊搯也谓摩其背也余按周主此语本之娄敬娄敬説高祖曰夫与人鬪不扼其吭而拊其背未能全胜周武帝前此伐齐至河阴而还以鬪为喻犹拊背也拊者击也不当以拊摩为説若与人鬪而拊摩其背乃是为之搔痒岂是与之鬪邪一百八十四卷隋恭帝义宁元年拊其背注亦误

齐主猎于祁连池

史炤释文曰祁连山之池也在匈奴中余谓此祁连池汾阳之天池也即后所谓猎于天池者也史互言之耳北人谓天为祁连故天池有祁连池之名犹匈奴呼天山为祁连山也祁连山

汉书音义释之甚明汾阳之天池水经注言之甚详余悉取以注通鉴能读之者可考见也且齐主猎时周兵已攻晋州若猎于匈奴界中祁连山之池安能以丙辰猎而癸亥即还晋阳邪天池在汾阳县北燕京山上方里余燕京山亦谓之管涔山五台山之一也详考通鉴所书九月癸亥齐主自猎所还晋阳甲子即集兵庚午帅诸军趣晋州癸酉昧旦晋州陷此日齐主已分军向千里径及汾水关又帅大军上鸡栖原矣若方与冯淑妃猎于天池驿奏沓至且不暇省安能部分出军邪盖通鉴会粹诸书以为一书其排日书甲子以李百药北齐书令狐德棻后周书帝纪为据自与冯淑妃猎天池至晋州已陷乃奏之一段是引用李延寿北史冯淑妃传所以所记有参差不齐者窃谓丙辰齐主猎于祁连池与后所书与冯淑妃猎于天池实一事也唐书地理志岚州静乐县有天池祠窦苹曰天池祠在今寧化军北六十里横岭下管涔山

通鉴一百七十三【凡一条】

七年齐领军大将军尉相愿

史炤释文曰相息良切姓也愿其名相氏出姓苑又息浪切后秦录有冯翊相云作德猎赋余按史炤之說皆以广韵为据然尉相愿者姓尉名相愿若如炤說以相为姓愿为名将以尉字为衍字乎时高氏所用皆勲戚也尉相愿之进用必以尉景

通鉴一百七十四【凡三条】

十二年于仲文军至蓼隄去梁郡七里

史炤释文曰蓼县之隄音力竹切【费本同】余考五代志梁郡无蓼县也元丰九域志曰蓼堤汉梁孝王筑在梁郡西北通鉴本文言去梁郡七里若以蓼县为梁郡附城之县则当治郭下若以蓼县为外县无缘去城七里便置县史炤之說不待攻而破矣蓼读如字

于仲文取金乡席毗罗军大溃争投洙水死

史炤释文曰洙水出泰山蓋县临乐山北入泗余按史炤能言洙水所出与所入而已水经洙水自蓋县西南流至卞县入泗酈道元注则曰洙水至卞城西南入泗水乱流西南至鲁县东北又分为二南为泗水北为洙渚春秋庄九年浚洙杜预谓洙水在鲁城北浚之以备齐者也孔子教于洙泗之间阙里是也从征记曰洙泗二水交于鲁城东北十七里阙里背洙泗洙水又南迳瑕丘城又西南迳山阳南平阳之显间亭又南至高平南入于泗金乡县在高平西北县北有金乡山前汉未置金乡县后汉晋志方有之戴延之西征记焦氏山北有数山汉司校尉鲁恭葬山南凿而得金故曰金乡山金乡去洙水差远盖席毗罗军既溃走于仲文追奔蹙之洙水故争投水而死也

周杀代纛王达滕闻王遁

史炤释文曰代徒对切姓也曩平秘切名也玉音肃姓也达其名【海陵本同】余谓史炤以代曩王达为二人姓名则下文滕闻王逌亦二人姓名乎释文以古有玉姓欲以稀姓愚后学殊不思读通鉴者详味上下文则代与滕其封国也曩与闻其諡也达与逌其名也其姓则宇文皆后周亲王也杨坚专周政而杀之加以恶諡炤既不能发顾以代曩王达四字离析为二人姓名将以愚人人有知识其可愚乎代音徒耐翻王读如字十一家諡法色取行违曰闻不醉而怒曰曩

通鉴一百七十五【凡三条】

十三年隋主如岐州

史炤释文曰岐州元魏所置至隋废之余按魏书地形志太和十一年置岐州治雍城镇至炀帝大业三年始改州为郡是年隋文帝受周禅改元开皇岐州未废也若已废岐州则史不书如岐州矣

沙鉢略从父玷厥居西面号达头可汗

史炤释文曰玷厥突厥种名余按通鉴本文明言玷厥为沙鉢略之从父号为達头可汗读者皆知玷厥为人名而释以为突厥种名何其舛也

长城公至德元年吐谷浑寇隋临洮洮州刺史皮子彦出战败死洮州摠管梁遂擊走之

史炤释文曰洮音问以洮水为名水出琅邪余按吐谷浑居西垂时寇洮岷洮州即唐之岷州与汉之汶山郡之汶同史炤以琅邪洮水为释音义皆误汶山之汶读曰岷辯已见七十二卷魏明帝青龙元年

通鉴一百七十六【凡二条】

二年隋以贺娄子干为榆关摠管

史炤释文曰榆关在陇右防恬为秦将侵胡开地数千里垒石为城树榆为塞是也余按在陇右者汉金城郡之榆中县也防恬垒石为城树榆为塞者汉上郡之榆林塞也隋置榆关摠管于唐胜州界

三年丰州刺史章大宝昭達之子也在州贪纵朝廷以太仆卿李暉代之

史炤释文作本暉注曰本与防同戎姓暉其名【海陵本同】余按本字乃李字之误也史炤别引防字以为說此与徐道明见郑 论语序云书以八寸防误作八十宗因曲为之說者何异

通鑑一百七十七【凡一条】

隋文帝开皇九年陈武州刺史邬居业

史炤释文曰邬姓也邬郡太守司马弥牟之后因以为氏【费本同】余按史炤据广韵而为释也左传昭二十八年晋灭祁氏羊舌氏分其田以为县以司马弥牟为祁大夫是以祁为县非以邬为郡也以司马弥牟为县大夫非以为郡太守也秦罢侯置守三十六郡皆曰守至汉景帝中二年始以郡守为太守此皆考之不精之过也

通鑑一百七十八【凡一条】

十八年设鹿角为方陈

史炤释文曰鹿角陈名犹春秋鱼丽之陈尔余按炤于一百五十二卷梁武帝大通二年葛荣列陈箕张而进释曰箕张犹春秋鱼丽之陈于此又曰鹿角犹春秋鱼丽之陈如此则凡陈法惟有鱼丽陈一法而已嘻可笑也设鹿角为方陈者斩木存其大本凡枝皆剡其端如鹿角然埋之陈前以御胡马冲突内为方陈非如春秋鱼丽之陈也

通鑑一百七十九【凡二条】

二十年车骑将军榆林阎毗

史炤释文曰榆林县名隋置胜州兼置此县其地有榆溪塞即防恬为秦侵胡累石为城树榆为塞是也余按史炤于一百七十六卷陈长城公至德二年隋以贺娄子干为榆关摠管注云榆关在陇右下亦引防恬树榆为塞事今又以为在胜州以此注为是则前注为非矣盖炤以为胜州者以隋志胜州榆林郡及榆林县为据也然引树榆为塞事酈道元以为在上郡道元曰诸次水出上郡诸次山其水东迳榆林塞即汉书所谓榆溪旧塞者也自溪西去悉榆柳之藪缘歷沙陵屈 兹西出故谓之广长榆也王恢云树榆为塞谓此矣以水经河水所歷考之其地在银夏之北唐之绥银麟胜皆汉上郡地炤前言榆关在陇右非也今因榆林而引树榆为塞事则近之

仁寿二年忤意者严霜夏零

史炤释文曰零 余谓此言杨素威权忤其意者祸罚立至如当夏降霜非零雨之谓也

通鑑一百八十【凡二条】

四年岚州刺史乔钟葵

史炤释文曰岚州名在太原因岢岚山为名有渥洼地出良马亦山气也余按史炤之說全引广韵广韵以为岚州近太原犹可史炤以为在太原则繆矣汉武帝得神马渥洼水中李斐以为在敦煌界今云岚州有渥洼地未知广韵何所据也至云亦山气也则是广韵解岚字为山岚之岚其义不为岚州发也炤亦引之以释岚州可谓无所决择矣

杨素侄 挺

史炤释文作 挺注云挺抽延切【费本同】余按隋书作 挺音徒鼎翻通鉴诸本亦皆作挺

通鉴一百八十一【凡二条】

倭王多利思比孤

史炤释文曰倭女王国名在东海中【费本同】余按范晔后汉书倭国在韩国东南大海中依山岛而居其地大较在会稽东冶之东与朱崖儋耳相近汉桓灵间倭国大乱更相攻伐歷年无主有一女子名卑弥呼事鬼神道能以妖惑众于是共立为王当时因谓之女王国又按新唐书曰日本古倭奴也其王姓阿每氏自言初主号天御中主至彦瀲三十二世自彦瀲至目多利思比孤三十一世其间惟一世立女王耳桓灵之际固尝谓之女王国隋唐之间岂复谓之女王国哉

八年宜社于南桑干水上

史炤释文曰桑干即马邑属雁门余按汉书地理志马邑县属雁门郡桑干县属代郡自是两县而谓桑干即马邑可乎水经湿水出雁门阴馆县东北过代郡桑干县南与桑干水会因总谓之桑干水东北流过蓟县故城南时 帝在蓟将伐高防故宜社于桑干水上

通鉴一百八十二【凡三条】

九年诏徵天下兵集涿郡

史炤释文曰涿范阳邑余按通鉴本文曰涿郡而史炤以范阳之邑误矣自汉高帝置涿郡而治涿县曹魏改涿郡曰范阳郡隋开皇初废范阳郡大业初併燕范阳置涿郡治蓟而涿县属焉此郡名废置徙治离合之辨也

闾乡张须陀

史炤释文曰闾乡在洪农胡县余按史炤以汉地理为释也元魏以胡县为胡城县隋开皇十八年改胡城县为闾乡县史言闾乡张须陀谓须陀乃此县人也

卫文升以步骑二万度瀍水

史炤释文曰瀍水出河南北山入于河余按水经瀍水出河南谷城县北山东与千金渠合东过洛阳县南又东过偃师县东入于洛炤释所指河南抑河南郡邪抑河南县邪其言入河只泥禹贡伊洛瀍涧既入于河一语未尝详考川渚之会归也

通鉴一百八十三【凡四条】

十二年苏威曰他日贼据长白山今近在汜水

史炤释文曰汜水名在河南成臯余按史炤亦是据汉地理为释也开皇十八年改成臯为汜水县有汜水关时属荥阳郡

林士 与刘子翊战于彭蠡湖

史炤释文曰彭蠡泽名按尚书是江汉合处在扬州之西界余按江水与汉水合于夏口夏口今鄂州彭蠡湖在彭泽县西禹贡言汉水过三澨至于大别南入于江东汇泽为彭蠡其言甚明何尝言彭蠡是江汉合处汉书地理志湖汉水出雩都东至彭泽入江言彭蠡是江水与湖汉合处则可矣

恭帝义宁元年突厥立刘武周为定杨可汗遗以狼头纛

史炤释文曰突厥先为邻国所破有一儿弃泽中与狼交合生十子其一最贤者为君长于牙门建狼头纛故刘武周以此遗突厥余观通鉴本文突厥立武周为可汗故遗以狼头纛非武周以遗突厥也

朝邑法曹 孝谟以蒲津中澗二城降

史炤释文曰河阳南有中澗城【费本同】余按字书水中有沙曰澗隋都长安于蒲津起河桥以通河东故有中澗城以守固河桥河阳在洛阳北起桥以度河阴亦有中澗城以守固河桥中澗之名虽同而有河阳桥蒲津桥之异此时唐公引兵自河东欲济河而西 孝谟以蒲津中澗二城降乃蒲津之中澗非河阳之中澗也蒲津城在桥之西岸

通鉴一百八十五【凡四条】

唐高祖武德元年李密以杨汪为宋州总管

史炤释文曰后周武帝以王谦为益州总管总管之名始此【费本同】余按令狐德棻后周书周明帝武成元年初改都督诸州军事为总管其见于史者则安成公宪为益州总管尉迟

纲为荊州总管尉迟回为秦州总管则总管之名非始于用王谦也

隋 帝谓萧后曰依不失为长城公卿不失为沈后史炤释文曰沈直金切言为沈湏之后【海陵本同】余谓炀帝顾天下已乱知必为他人禽已与萧后不失为陈后主夫妇也按陈后主为隋所禽封长城公其后沈氏君理之女也涉猎经史工书翰陈亡与后主俱入长安及后主薨后自为哀辞文甚酸切 帝每所巡幸常令从驾及 帝为宇文化及所弑后自广陵还乡里不知所终乌得谓沈后为沈湏之后乎沈音式荏翻

宇文化及于帐中南面坐人有白事者默然不对下牙方取啓状与唐奉义等参决之

史炤释文曰牙旗名军中所建下牙言其视事晚也余谓下牙犹古之言退朝也岂视事晚之谓乎刘冯事始曰牙旗者将军之精军行建牙后世至于官府早晚军吏两谒亦谓之牙呼谓既熟虽天子正殿受朝谒者亦名正牙

薛举进逼高墟

史炤释文曰高墟城名墟之石切【海陵本同】余按新唐书地理志寧州定平县有高墟城墟音章恕翻唐韵有 字亦章恕切释云番山岂西蕃中以山为 乎下卷折 音亦误惟杜佑通典 音思歷切

通鑑一百八十六【凡三条】

程知节为王世充骑所逐刺槊洞过知节廻身捩折其槊

史炤释文曰捩力计切拗捩也【海陵本同】余按韵书捩音力计切琵琶拨也拗捩之捩音练结翻

右翊卫大将军淮安王神通

史炤释文曰唐有十六卫各有左右其左右卫及左右金吾卫谓之四卫余谓之杂卫【费本同】余按隋受周禅置左右卫等十二府曰左右卫曰左右武卫曰左右武 曰左右领左右曰左右监门曰左右领军唐初置十六卫府曰左右翊卫曰左右骁骑卫曰左右屯卫曰左右御卫曰左右備身曰左右武卫曰左右监门曰左右候卫至武德五年改左右翊卫曰左右卫屯卫曰威卫御卫曰领军卫備身曰左右余不改高宗龙朔二年始改左右候卫为左右金吾卫炤谓唐以左右卫及左右金吾卫为四卫盖唐中世以后事也且炤不言翊卫置官之由而泛引四卫为释未为精切

慕容顺攻北海刘兰成袭击之公顺大败弃营走郡城获全

史炤释文提起走郡二字注曰走音奏趣向也余谓当以弃营走为句以郡字属下句走读如字文理明白不烦注释

通鉴一百八十七【凡四条】

二年窦建德收隋卤簿仪仗

史炤释文曰炙穀子云车驾行幸羽仪导从谓之卤簿字书卤大盾也以甲为之所以捍敌甲楯部伍之次皆着之簿籍仪卫皆具五兵独以甲楯为名者行道之时甲楯居外余兵在内故谓卤簿也【费本同】又张文伯曰五经精义云卤大盾以大盾领一部之人故言卤簿宋绶序卤簿图谓有文事则有武备故整法物之驾严兵师之卫摠曰卤簿汉蔡邕独断曰汉天子出车驾次第谓之卤簿官有注名曰甘泉卤簿余谓此皆言天子法从仪物之卤簿也然公卿仪从亦谓之卤簿颜竣柄用于宋孝建之初其父延年常乘羸牛笨车逢竣卤簿辄屏住道侧语竣曰吾平生不喜见要人今不幸见汝沈庆之梦引卤簿入厕中占者曰后必富贵此公卿仪从亦谓之卤簿之明证也唐制有皇后卤簿外命妇三品已上亦有卤簿车驾卤簿固有甲楯皇后卤簿必不用甲楯公卿及外命妇卤簿乌得用甲楯乎然则以卤簿为取卤楯为义者未学肤受之説耳二百二十三卷代宗永泰元年卤簿释亦误

王世充遣其将高毗寇义州

史炤释文曰义州凡有五一在怀州武德县一在卫州汲县一在易州容城县一在光州商城县一在眉州洪雅县武德之义州乃世充境内非所寇者余按通鉴是年五月书世充陷义州复寇西济州西济州置于济源县新唐书地理志武德二年改怀州安昌县为武德置北义州则武德之义州正唐境内非王世充境内也高毗所寇即北义州卫州汲县之义州武德元年置亦唐境也

六月丁未刘武周进逼介州七月辛卯宋金刚寇浩州史炤释文于介州则注曰武德元年以介休县置浩州又更名介州于浩州注则曰浩州本介休县又有江州彭泽县置浩州非此余按此一年事也自六月丁未至七月辛卯四十四日耳州名更改不应如是之遽是年通鉴又书刘武周屡遣兵攻西河浩州刺史刘瞻拒之及裴寂败自晋州以北城镇俱没惟西河独存又是年十一月通鉴又书刘武周寇浩州炤注曰是浩州有二武周所寇乃介休之浩州炤盖守介休置浩州之説殊不思通鉴于六月丁未已书武周陷介州若浩州本是介休县则已归武周矣新唐书地理志曰汾州治西河本浩州武德三年更名汾州隋义宁元年以介休平遥置介休郡武德元年曰介州则浩州置于西河介州置于介休明矣

杜伏威请降

史炤释文曰杜伏威起淮南又据歴阳与陈棱李子通俱有窥江表之心后为李子通所败来降海陵本曰杜伏威起淮南后为李子通所破来降余按海陵本删取史炤释文以为注亦可

以明其实蹈袭史炤而托之公休以欺世也详观通鉴本文李子通数破沈法兴军既克陈棱又破沈纶军而伏威引去而伏威未尝败也至武德三年伏威遣辅公祐王雄诞等撃破子通四年又遣雄诞撃禽子通送长安曷尝为子通所破哉盖是时唐之威德畅洽故伏威请降五年秦王撃徐圓朗声震淮泗伏威于是惧而入朝详考事之本末可以见矣

通鉴释文辩误卷九

通鉴一百八十八【凡四条】

三年赵郡公孝恭擊萧铣东平王阉提斩之

史炤释文曰阉辰遮切姓也余按古无阉姓阉提蓋萧铣之子侄而封王

王世充自将战兵左辅大将军杨公卿帅左龙骧二十八府骑兵左游擊大将军郭善才帅内军二十八府步兵右游擊大将军防野纲帅外军二十八府步兵总三万人以備唐

史炤释文曰左右龙骧左右游击分骑兵步兵各有府皆隋之制王世充因之余按隋志无龙骧游击分骑步兵之制有府兵而已史炤以意妄为之說

七月世充洧州长史张公谨与刺史崔枢以州城来降史炤释文曰洧州本尉氏县王世充始置尉州武德四年以尉氏扶沟 陵置洧州余按炤释以新志尉氏县注为据而不考州县之建置离合其岁月有先后也通鉴是年九月书世充尉州刺史时德劼帅所部杞夏陈隋许颍蔚七州来降炤又注曰尉州本尉氏县王世充置武德三年时德劼以州来降秦王改为南汴州复改为洧州贞观元年废属汴州若如炤說则王世充于尉氏县置洧尉二州也殊不知五代史明言隋置洧州于颍川之 陵县大业初废盖王世充复置洧州于 陵县置尉州于尉氏县是年崔枢时德劼既降唐明年唐乃以尉氏扶沟 陵置洧州也

以高开道为蔚州总管

史炤释文曰蔚州本鴈门郡又隋上谷郡飞狐县也唐初没突厥武德六年置余按蔚州本雁门郡之灵丘上谷郡之飞狐县地东魏置灵丘郡后周置蔚州隋废郡及州以灵丘县属雁门郡唐为蔚州安边郡后改兴唐郡史炤于雁门郡下逸之灵丘三字失之遠矣

通鉴一百八十九【凡六条】

四年以靺鞨渠帅突地稽为燕州总管

史炤释文曰燕州本灵寿县隋置在唐废焉属镇州【海陵本同】余按旧唐书地理志义寧元年置燕州于灵寿县是年废州复为灵寿县属恒州至穆宗讳恒始改恒州为镇州此燕州隋于营州之境汝罗故城置辽西郡以处粟末靺鞨唐遂于其地置燕州以其渠帅为总管非灵寿之燕州也

王世充平州刺史周仲隐以城来降

史炤释文曰平州本当阳县王世充置武德六年更名玉州八年州废属江陵郡余按当阳之平州本后周置隋废之矣武德四年置平州于当阳因是年既平萧铣而复置当阳乃萧铣之地王世充安得而置平州窃意王世充置平州于洛州河陰县河陰古平陰也蓋于此置平州

秦王世民被黄金甲齐王元吉等二十五将随其后前后部鼓吹

史炤释文曰凡鼓吹总八音言之余观史炤释鼓吹多以为音律壎篪之乐今又曰总八音言之是皆未知鼓吹之所从始也蔡邕曰鼓吹军乐也黄帝岐伯所作以扬德建武劝士讽敌也后世谓之短箫铙歌应劭汉鹵簿圖惟有骑执箛箛即箛不云鼓吹而汉世有黄门鼓吹汉享宴食举乐十三曲与魏世鼓吹长箫同长箫短箫伎录并云丝竹合作执节者歌又建初录云务成黄爵云遠期皆骑吹曲非鼓吹曲此则列于殿庭者为鼓吹从行鼓吹为骑吹二曲异也又孙权观魏武军作鼓吹而还汉世万人将军给鼓吹魏晋世假将帅牙门曲蓋鼓吹唐宋以来天子郊祀竣事还宫鼓吹振作则是鼓吹之乐国容军容皆用之

俘王世充窦建德献于太庙行饮至之礼以飨之海陵本释文曰饮于禁切余按左传三年而治兵出而振旅归而饮至以数军实杜预注曰饮于庙以数车徒器械及所获也陆德明无音饮当读如字

褒州道安抚使郭行方攻萧铣都州防之

史炤释文曰褒州本西县武德三年置八年州废属兴元余按褒州置于汉中萧铣时据江陵唐置安抚使所以招抚铣众必不置于汉中盖道里相去遠也时平王世充方得襄州必置安抚使于襄州既以安抚新民又以招抚铣众下书攻防都州都州本乐乡县地贞观八年废都州以乐乡属襄州郭行方自襄州进攻都州道里便近褒当作襄又德宗朝方改梁州为兴元府此时未应以西县属兴元为言亦一误也

徐圓朗昌州治中刘善行以须昌来降

史炤释文曰昌州本蒲县武德二年置贞观元年州废 隰州【费本同】余谓此时徐圓朗据兗郛自以须昌县置昌州耳蒲县之昌州遠在汾隰徐圓朗安能越关河而有此土邪

通鑑一百九十【凡九条】

五年俚帅杨世畧以循潮二州降

史炤释文曰俚南夷之酋【费本同】余按南夷曰蛮曰俚曰蜚各是一种酋字但可解帅字耳

二月戊寅汴州摠管王要汉攻徐圓朗杞州防之史炤释文曰本北海县始因营丘人拒贼权

置杞州时汴州雍丘县亦置杞州非此【费本同】余按新唐书地理志北海之杞州武德二年已复为营丘县而雍丘之杞州与汴州接壤未经省并王要汉所攻防者正北杞州乃以为非何邪

迁州人邓士政执刺史李敬昂以反

史炤释文曰按志阙此州【费本同】余按隋唐书地理志西魏以房陵置迁州以秦汉以来诸侯王以罪废者多迁房陵故以名州隋大业初改曰房州唐武德初复曰迁州志未尝阙此州也

高开道寇蠡州

史炤释文曰蠡落戈切武德五年以蒲州博野县置蠡州余按新唐书地理志武德五年以瀛州之博野清苑定州之义丰置蠡州盖因汉蠡吾亭以名州金人亦于博野县置蠡州北至燕京四百九十里蠡音礼落戈切非蒲州当作瀛州

观州刺史刘防以城叛附黑闼

史炤释文曰观州本九门县隋置九门郡武德元年曰观州五年废属镇州时观州有二其一在弓高县非此【费本同】余按新唐书地理志武德四年置观州于弓高而九门之观州废于五年刘防叛在是年十月盖弓高之观州为是

南州刺史庞孝恭

史炤释文曰南州属劔南道羁縻州武德二年开南蛮置二年更名夔州四年复故名【费本同】余按新唐书地理志武德四年以合浦郡之合浦南昌二县置南州通鉴下文书南越州甯道明高州首领冯暄俱反南越州今之廉州高州今犹如故则三州相培而反皆在岭南道此所谓南州乃合浦之南州非劔南道之羁縻州明矣

高开道引奚骑寇幽州

费氏本以奚为突注云突东胡别种突骑者突国骑兵也余徧考通鉴诸本皆作奚骑且东胡别种未尝有突国奚正东胡种也其先曰库真奚亦曰库莫奚

八月甲辰突厥寇真州又寇马邑

史炤释文曰按志真州有三武德五年置真州曰南县置积州及前真州贞观元年改积州为后真州后皆废唐劔南道复有真州今突厥所寇乃河东道然河东无此州志又不载疑字误【费本同】余按史炤所谓真州有三前真州置于九真移风县后真州则是年置积州于日

南县九年改南陵州贞观九年始改后真州劔南之真州则天寶五载方分临翼郡置以新唐
书地理志考之此时止有九真移风之真州亦非同时有三真州也史炤但见通鉴于此时书
突厥寇真州又寇马邑以为所寇乃河东道考之于志而河东道无真州遂疑字误余详考旧
唐书地理志武德二年置绥州总管府营云银真等十一州此真州盖置于银州真乡县且通
鉴上文书癸未突厥寇原州乙酉寇朔州原州属关内道朔州属河东道突厥入寇之兵分为
两道八月甲辰寇真州者西路兵也寇马邑者东路兵也史炤于河东道求真州所以失之愈
遠

周法明登战船饮酒张善安遣刺客数人诈乘渔牒而至遂杀法明而去

史炤释文曰渔渔猎也余谓捕鱼者为渔捕兽者为猎渔自是渔猎自是猎三尺童子能分别
其义史炤之识不若童子卤莽甚矣

通鉴一百九十一【凡二条】

八年突厥寇蘭州

史炤释文曰按突厥寇鄯岷等州并寇兰州皆陇右道而陇右无蘭州蘭字疑作兰余按史炤
疑蘭州之当作兰州是也但详考通鉴突厥寇蘭州在九月至十月戊寅乃始寇鄯州无寇岷
州事其所援据不无少差耳

突厥寇彭州

史炤释文曰彭州属羈縻州本洪州贞观三年置属陇右道按寧州彭原及劔南道复有两彭
州皆非此【费本同】余按陇右道之羈縻彭州本洪州贞观三年置七年方改彭州则此时
陇右羈縻州未有彭州也劔南道之彭州武后垂拱二年方分益州置此二彭州皆非突厥所
寇者也若寧州彭原县之彭州乃武德元年置治合川县唐都关中邠寧突厥兵冲也此时突
厥正寇寧州彭原之彭州炤乃以为非可谓择焉不精矣

通鉴一百九十二【凡二条】

九年韩州刺史封同人诈乘驿马入朝

史炤释文曰武德元年析潞州襄垣等县置韩州贞观十七年州废仍属潞州又同州韩城县
置西韩州非此【费本同】余谓襄垣之韩州去长安太遠封同人蓋自韩城入朝

太宗贞观元年吏部侍郎观城刘林甫

史炤释文曰观城属开德府【费本同】余按观县汉属东郡光武改曰卫县晋魏属顿丘郡

曰卫国县隋开皇六年改曰观城县属魏州唐武德四年分属澶州是年废澶州县还故属代宗大历七年复置澶州至宋始以澶州为开德府此时澶州已废亦未有开德府也

通鉴一百九十三【凡二条】

三年房 龄不以己长格物

史炤释文曰捍格于物无所容受也【费本同】余谓格正也以己所能正人欲人人皆然谓之格非捍格之格也格字从木捍格之格从手六十卷汉献帝初平二年邴原清议以格物与此同义史炤以为废格之格亦非辩已在前

上谓侍臣曰李大亮可谓忠直赐以胡铏及荀悦汉纪史炤释文曰胡铏汲水器余谓史炤但以广韵为据易井卦羸其铏左传孙蒯饮马于重丘毁其铏是皆谓汲器也战国秦赵渑池之防蔺相如曰请奏盆铏秦李斯上秦王书曰擊瓮叩铏则铏者罍缶之类不特施之汲水且以为乐矣至唐人如杨惠元铏罍不发如韩愈诗无计离瓶罍则铏者以盛酒盛物不复以汲水器为铏矣唐太宗赐李大亮胡铏盖酒器也非汲水器也今北人酌酒以相劝酹者亦曰胡铏未识其规制与太宗之胡铏合乎否也铏瓶字通

通鉴一百九十四【凡一条】

十一年王珪令公主执笄行盥馈之礼

史炤释文作笄注曰笄坚奚切簪也【费本同】余按此非笄字乃笄字陆德明经典释文曰笄音烦一音皮彦翻器名以苇若竹为之其形如筥衣之以青缯以盛枣栗暇脩之属士昏礼曰舅坐于阼阶西面姑坐于房外南面妇执笄枣栗进东面拜奠于舅席讫妇又执暇脩升进北面拜奠于姑席盥馈者士昏礼曰妇盥馈特豚合升侧载郑氏注曰侧载者右胖载之舅俎左胖载之姑俎异尊卑舅姑共席于奥其饌各以南为上王珪正令公主行妇礼史炤以为执笄义何所据

通鉴一百九十五【凡二条】

十四年陈仓折冲都尉鲁宁自恃高班慢骂陈仓尉史炤释文曰班给也余谓班字固有给义然此班以班列为义晋行人子朱曰班爵同何以黜朱于朝梁武帝分百二十号将军为二十四班皆班列之班也唐制上府折冲都尉正四品上中府从四品下下府正五品下五品以上皆为高班

尚书左丞韦惊旬司农木槿价贵于民间

史炤释文曰槿徒红切木名花可为布出字书【海陵本费本同】余按槿诸容翻木一截也

唐式柴长三尺五寸为一橦

通鉴一百九十六【凡八条】

十五年突厥侯利苾可汗

史炤释文作俟利苾注曰俟渠之切余按诸本通鉴及新旧唐书皆作侯利苾

百济来告其王扶余璋之防

史炤释文曰百济西域国本扶余别种余按百济东夷国名其先以百家济海种类寢盛遂以为国号炤既言百济为扶余之种亦必知扶余之为东夷矣乃以百济为西域国何自为乖越也

大度设自赤柯冻北走

史炤释文曰冻音歷【海陵本同】余按冻音匹各翻今自江淮以北率谓积水为冻音歷者艸名也一名贯众见本草

西突厥乙毗陆可汗西击康居道过米国破之

史炤释文曰米国唐国枝底王者余谓唐当作康此字因传写而误也新唐书曰康国古康居也枝底分王曰安曰曹曰石曰米曰何曰火寻曰戊地曰史

十七年魏征薨命百官九品以上皆起防给羽葆鼓吹陪葬昭陵

史炤释文曰羽葆天子华盖天子之仪卫也又唐制鼓吹五部一鼓吹二羽葆羽葆部有十八曲鼓吹音律管蠡之乐余按孔穎達正义曰羽葆者以鸟羽注于柄头章怀太子贤曰葆以五采羽合聚为之鼓吹非音律管蠡之乐辩已见前乐则有曲羽葆仪饰也安得有所谓十八曲此皆史炤无所根据而妄为之説又通鉴下文载征妻裴氏之言曰征平生俭素今葬以一品羽仪非亡者之志则知给以羽葆非天子之仪卫也

壮士督君誉梁猛彪

史炤释文曰猛彪虎文余按梁猛彪者人姓名奚庸以虎文为释

太子承干尝谓左右曰我试作可汗死因僵卧于地史炤释文作僵仆注曰仆芳遇切余按诸本通鉴皆作僵卧作仆非

良从太子歛起

史炤释文曰歛起有所吹起余谓歛忽也太子初焉僵卧于地良从忽然而起耳岂有所吹而起哉炤之踈僻如此

通鉴一百九十七【凡三条】

十七年往返万里道涉沙磧无水草

史炤释文曰沙磧水渚有石者余按此沙迹所谓沙漠大磧也既无水草又安得有水渚哉

薛延陀本一俟斤

史炤释文曰北虏谓大臣曰俟斤余谓俟斤者突厥铁勒诸部酋帅之称

褚遂良上疏曰龙沙以北部落无算

史炤释文曰广志流沙在玉门关外有三名三龙沙【海陵本同】余谓龙沙即指言沙漠也自汉以来匈奴单于所居谓之龙庭随水草迁徙无常处故因谓沙幕为龙沙此即阴山之外大漠西尽居延东极辽海者也玉门关外之流沙介在西垂非褚遂良所指之龙沙邪律德光之死而北归也赵延寿谓人曰我不复入龙沙矣亦谓沙漠

通鉴一百九十八【凡四条】

十九年上自繫薪于马鞍以助役

史炤释文曰鞞仙妙切马上刀劒室也【海陵本费本同】余谓鞞音所交翻鞭鞞也刀劒室安可以繫薪乎

上从飞骑三千人驰入临渝关

史炤释文曰渝容朱切临渝关本曰临闾关在平州石城县余按汉书地理志北平郡有石城县辽西郡有临渝县注云渝水首受白狼东入塞水经注云白狼水迳黄龙城西又东北出东流为二水右水疑即渝水也西南巡山迳一故城西以为河连城疑是临渝县之故城新唐书地理志营州城西四百八十里渝关守捉五代史云幽州北七百里渝关下有渝水通海循海有道狭处才数尺是所谓临渝关也宋白续通典曰汉石城旧县取碣石立如城以名之唐贞观十五年于故临渝县城置临渝县万岁通天二年改为石城临渝在石城犹有足征所谓临渝者以临渝水而名若曰临闾殊无所据汉书音义渝音喻今读如字

二十年上尝幸未央宫辟仗已过

史炤释文曰辟匹亦切执兵仗以辟行人【海陵本同】余谓炤释义是而音非辟读为辟若匹亦切则读如僻矣

二十一年高士廉遗言不欲以北首夷衾辄屈车驾史炤释文曰礼记自小敛以往用夷衾夷衾质杀之裁犹冒也注云冒所以韬尸重形者也小敛又覆以夷衾制如冒耳大夫 冒黼杀余按防大记君锦冒黼杀缀旁七大夫 冒黼杀缀旁五凡冒质长与手齐杀三尺自小敛以往用夷衾夷衾质杀之裁犹冒也郑 注云冒者既袭所以韬尸重形也杀冒之下帮韬足上行者也小敛又覆以夷衾裁犹制也孔颖达正义曰冒谓袭后小敛前所用以韬尸也冒有质杀者作两囊每辄横缝合一头又缝连一边余一边不缝两囊皆然也上者曰质下者曰杀故郑注士防礼云冒韬尸者制如直囊上曰质下曰杀质正也其用之先以杀韬足而上后以质韬首而下缀旁七者上下安七带缀以结之故云缀旁七也大夫缀旁五及 冒者尊卑之差也凡冒质长与手齐言冒之质从头韬来至下长短与手齐也杀三尺者杀从足韬上长三尺自小敛以往用夷衾者往犹后也小敛前有冒故不用夷衾自小敛后衣多不可用冒故用夷衾覆之也士防礼云幬用夷衾覆尸柩之衾也夷衾质杀之裁犹冒也者裁犹制也言夷衾所用上齐于手下二尺所用缁色及长短制度如冒之质杀但不复为囊及旁缀也然始死幬用敛衾是大敛之衾自小敛以前覆之至小敛时君锦衾大夫缁衾用之小敛敛讫别制夷衾以覆之其小敛以前所用大敛之衾停而不用至将大敛及陈衣又更制一衾主用大敛也所谓大敛二衾者其夷衾至大敛时所用无文当应总入大敛衣内并敛之也合注防而观之则夷衾上质下杀之制如冒而不为囊及旁缀固与冒有不同者

通鉴一百九十九【凡一条】

高宗永徽元年有司以为服既公除欲以今秋成昏史炤释文曰公除从吉也王氏音训谓已成服除之以从公家之事不待终制也余谓公除即汉文帝三十七日释服之遗制曰公除者以天下为公外虽除服以临政而亲亲之思结于内犹终三年之慕公则除服私则未之除也

通鉴二百【凡二条】

六年徙居蓬莱宫

史炤释文曰蓬莱宫在京城东北余按唐都长安外城谓之京城次城谓之皇城内城谓之宫城蓬莱宫在宫城内直东北角不在京城东北蓬莱宫后更名含元宫又曰大明宫大明宫曰东内太极宫曰西内皆在宫城中

龙朔元年新罗王春秋遣其将金钦将兵至古泗史炤释文曰说文泗受济水东入淮余谓古泗地名在百济国中非中国之泗水不可妄引以为释然其言中国之泗受济水亦只说湖陆以南之泗水以其于古泗不相涉故不复辩

通鑑二百一【凡二条】

麟德元年州县每发百姓为兵其壮而富者行钱参逐皆亡匿得免

史炤释文曰参仓含切参互余谓参逐者参逐之人也州县发人为兵守令不能家至而人发之必有参逐之人以为用参者参预其事者也今之吏典逐者随逐其后者也今之亲随壮富之人行钱于参逐之人以求免为兵参逐之人既受其赂掩覆而纵之使得亡匿也唐人常语有言参随者犹参逐也

勲官挽引劳苦与白丁无殊

史炤释文曰民男女年十八以上为丁丁从徭役余按唐制民丁从征役得勲级者为勲官无勲级者为白丁且男年十八以上为丁女曷尝为丁哉

通鑑二百二【凡二条】

咸亨三年王及善曰擲倒自有伶官

费本注曰伶炉斤切説文弄也余按字书伶郎丁翻无从炉斤切者炤释用説文而音切则妄自为之

四年八品九品并鑣石带

史炤释文曰鑣容朱切余按鑣石似金今人多以药物链铜为鑣者音托侯翻宋时八品九品官犹鑣石带史炤仕宋至京官不知有鑣石带而妄为之音何耶

通鑑二百三【凡三条】

永淳元年魏元忠阅视赤县狱

史炤释文曰中国名曰赤县神州【费本同】余按史炤引驍衍之説衍之説先列中国名山大川通谷禽兽水土所殖物类所珍因而推之及海外人之所不能睹以为儒者所谓中国者于天下乃八十一分居其一分耳中国名曰赤县神州神州自有九州禹之序九州是也不得为州数中国外如神州赤县者九乃所谓九州也于是有稗海环之人民禽兽莫能相通者如一区中乃为一州如此者九乃有大瀛海环其外天地之际焉史炤引此以释赤县则唐之十道乃禹迹之九州是魏元忠悉阅唐十道狱也其説阔遠而不切于事情盖唐之西京以长安万年为赤县东都以河南洛阳为赤县魏元忠所阅者长安万年两赤县狱耳

道元年突厥寇蔚州丰州都督崔智辨邀之于朝那山北兵败为虏所擒

史炤释文曰朝直遥切那奴多切余按丁度集韵朝那之朝音与邾同音追输翻二百九卷中宗景龙二年朝那山音亦误

则天垂拱元年乐城文献公刘仁轨薨

史炤释文曰刘仁轨汴州尉氏人仁轨子及兄子授上柱国者三人州党荣之号所居为乐城乡三柱里余谓此因其封邑而名乡耳乐城县属温州武德五年分永嘉置非刘仁轨所封者也汉书地理志河间国有乐城县后魏改为乐寿县唐属瀛州乐城古城在乐寿县东南十六里唐以古县名封仁轨

通鉴二百四【凡一条】

三年黑齿常之大破突厥于黄花堆

史炤释文曰黄花堆突厥地名余按黄花在神武川元和初朱邪执宜所保之地其地在朔州塞内非突厥地也魏收地形志后魏置神武郡于神武川

通鉴二百五【凡一条】

延载元年突厥可汗骨笃禄卒弟默啜自立为可汗史炤释文曰默啜突厥种名余按通鉴明言默啜为骨笃禄之弟则默啜乃人名非种名也

通鉴二百六【凡三条】

神功元年孙万荣与其奴逃至潞水东

史炤释文曰潞水在潞州为并州浸即浊漳水也余按周礼职方氏并州其浸洺易冀州其浸汾潞其川漳则漳自是漳潞自是潞以周官职方言之则潞非并州浸以汉地理志言之则潞州汉上党郡也春秋潞子之国有潞川上党郡汉属并州然皆非孙万荣授首之地按万荣时攻幽州军溃至潞水东为奴所杀是唐幽州之潞水非汉上党之潞川也水经鲍丘水从塞外来南迳渔阳县东又南过潞县西谓之潞水汉光武遣邓隆击彭宠军于潞南即是水也孙万荣正死于是水之东

圣历元年狄仁杰因食疏粦

史炤释文曰疏菜食也粦脱粟也张晏曰一斛粟舂七斗米为粦余按诗召旻云彼疏斯稗笺云疏麤也谓粦米米之率粦十稗九凿八侍御七字林云粦米一斛舂为八斗此皆疏即粦也九章算术粟一石为粦米六斗舂粦一斗为稗九升又舂为侍御则七升又曰凡谷一舂一簸为粦米唯论语饭防食饮水孔氏注以疏食为菜食诸儒生皆不主其说以疏食为麤饭然疏

食犹可以菜食为說若疏粝不若用诸家之說为文从义顺也

二年左卫铠曹参军郭元振

史炤释文曰参军官名十六卫皆同铠曹后改为胄曹余按史炤但以参军为官名参军之官名何从始耶沈约曰参军后汉官孙坚为车骑参军事是也本于府主无敬晋世孙楚为大司马石苞参军轻慢苞始制施敬晋永嘉之乱中州人士避乱南度晋元帝以琅邪王镇建业悉罗致为参军掾属行参军所谓百六掾是也既而为晋王以参军为奉车都尉掾属为驸马都尉行参军舍人为骑都尉而诸公府都督府置谘议参军因汉末军谘祭酒而为之名也至宋有录事记室戸曹仓曹中直兵外兵骑兵长流贼曹刑狱贼曹城局贼曹法曹田曹水曹铠曹车曹士曹集右戸墨曹凡十八曹参军参军不署曹者无定负至唐惟卫府率府有录事及诸曹参军诸州有录事及诸司参军

通鉴二百七【凡三条】

长安四年太后疾少间

史炤释文曰间居茺切少愈也余按论语病间释音如字孔云少差也史炤释文凡疾间之间并从去声未知何据

从视四年贾敬宗奏张昌宗强市人田

史炤释文曰强其两切抑买之也余谓强其良翻非人所愿以威势逼抑而市之谓之强市

成均祭酒同鸾台凤阁三品李峤罢为地官尚书史炤释文曰五帝名学曰成均余按唐百官志垂拱元年改国子监曰成均监以国子祭酒为成均祭酒

通鉴释文辩误卷十

通鉴二百八【凡四条】

中宗神龙元年敬晖瞿然不悦

海陵本释文曰瞿九缚切说文逵视貌余按九缚切乃矐字瞿音九遇翻惊视而失其常度之貌陆德明经典释文甚明史炤于此音纪具切是至二百四十八卷武宗防昌四年炤音又非

左卫将军上邽纪处讷

史炤释文曰上邽即秦州天水县余按汉书地理志上邽县属陇西郡天水别为郡名新唐书地理志秦州天水郡治上邽无天水县宋白续通典秦州有天水县而清水县治上邽镇史炤所云未知何据

二年改赠后父韦 贞为酆王后四弟皆封郡王费本注曰酆郡名余按唐制后弟封郡王韦 贞后父必赠为国王酆者封国之名非郡名也且自古未尝有酆郡去年已封韦 贞为上洛王上洛郡名也自郡封而进赠国封中宗之滥爵固不足言然郡封国封之制则不可以无辩

袁恕己踣地爪甲殆尽

史炤释文曰踣蒲墨切僵也余按僵踣之踣其旁从足不从手袁恕己若只僵踣于地何为爪甲殆尽此由以爪甲爬地也类篇踣从蒲侯翻今从之

通鉴二百九【凡三条】

景龙元年武平一名甄以字行

史炤释文曰甄之人切余谓音之人切者姓也人之有字以表其名甄之为义明也察也别也惟明惟察惟别然后能平一此正以甄明甄察甄别而命字甄当音稽延翻

睿宗景云元年上御梨园毬场

史炤释文作梨园注曰梨怜题切余按此乃梨园非黎园也果木之梨音力脂翻

命韦温总知内外守捉兵马事

史炤释文曰唐制兵之戍边者大曰军小曰守捉曰城曰镇而总之曰道【费本同】余谓此

乃京城皇城宫城内外守捉兵马非边戍之守捉也宣宗之崩踵故事增人守捉此其证也

通鉴二百十【凡二条】

二年前右率府铠曹参军柳泽

史炤释文曰铠甲也铠曹十六卫官属也【费本同】余按唐制太子十率府亦有铠曹等诸参军柳泽乃十率府属非十六卫府属也右率府右卫率府

宗先天元年能撩李日知嗔

史炤释文曰撩莲条切说文撩理也【海陵本同】余谓炤音是而义非撩取也嗔怒也言取怒也又俗说以撻发为撩今人谓相挑发为相撩拨

通鉴二百一十一【凡一条】

开元二年立皇子嗣主为鄆王

史炤释文曰鄆于巾切故卫地在濮阳余按卫地之鄆音吉掾翻无于巾一音

通鉴二百一十二【凡二条】

七年王毛仲严察有干力万骑功臣闲廨官吏皆惮之史炤释文曰睿宗改千骑曰万骑余按太宗选骁勇者从游猎谓之百骑则天时稍增为千骑中宗改曰万骑非睿宗也通鉴于睿宗景云元年书万骑本末甚明

十三年更名长从宿卫之士曰彍骑分 十二卫总十二万人为六番

史炤释文曰隋制十二卫唐因之曰翊卫曰骁骑卫曰 卫曰屯卫曰御卫曰候卫为左右焉彍骑分 十二卫每卫万人余按唐受隋禅置十二卫府已微变其官名至武德五年又改【云云】辩见一百八十六卷高祖武德元年今史炤所云十二卫武德元年之制也以唐六典考之则开元之十二卫曰左右卫曰左右骁卫曰左右武卫曰左右城卫曰左右领军卫曰左右金吾卫

通鉴二百一十三【凡二条】

十五年赐贵近丝一綬

费本注曰绶谓之綬余按晋书绿綬绶谓以防中染绶故绶因谓之綬此言丝一綬犹丝一繅

耳非緌綬之緌唐制麻三斤为緌未知丝一緌其为斤两何如也史炤亦曰緌犹繚也

十八年京城第舍郊畿田园参半皆宦官矣

史炤释文曰参半间厕也余谓参者三也或三分之一或三分之二也半则中分而言之言有其半也

通鉴二百一十四【凡一条】

二十四年史罕于者与安禄山同里闾

史炤释文曰闾説文间也汝南平舆里门曰闾余谓此亦史炤以广韵为据也按汉高祖居沛与卢绾同里闾何特汝南平舆里门曰闾哉

通鉴二百一十五【凡四条】

天寶元年陇右节度使统临洮河源白水安人振威威戎漠门寧塞积石镇西十军

史炤释文曰寧塞廓州军后曰寧边余按陇右所统十军而独释寧塞一军何也十军注详见通鉴正文下

田同秀上言见 元皇帝告以我藏灵符在尹喜故宅上遣使于故函谷关尹喜台旁求得之

史炤释文曰崔浩云尹喜为散关令也盖老子尝过尹喜故田同秀托言藏灵符于尹喜宅耳余按抱朴子云老子西游遇关令尹喜于散关为喜着道德经一卷谓之老子其説与崔浩同又李尤函谷关铭云尹喜邀老子留作二篇则以喜为函谷关令括地志散关在岐州陈仓县东南五十二里函谷关在陝州桃林县西南十二里又岐州盩厔县楼观山有尹喜旧宅今为崇圣观山脚有授经台此亦以尹喜为散关令故有其遗迹也但唐 宗因田同秀之言求符于故函谷关尹喜台旁则以尹喜为函谷关令矣史记言老子去周度关时周都洛函谷关为是

二年崔成甫红栢首

史炤释文曰栢普驾切通俗文帛三幅曰帕【海陵本同】余按栢首之栢莫百翻今人谓之抹额是也韩愈元和圣德诗以红栢首若通俗文所谓帛三幅者谓帕也非栢首之栢

四载褚誚战死

费本注曰誚直毅切余按誚直严翻费本误

通鑑二百一十六【凡二条】

八载吐蕃多贮粮食积橐木及石

史炤释文曰橐卢回切余按此橐木即前卷礲应如 之橐合音卢对翻史炤音释前后不相照应类如此

十载高尚雍奴人

史炤释文曰雍奴雍州县名余按唐书地理志幽州有雍奴县非雍州也

通鑑二百一十七【凡五条】

十四载贾循华原人也

史炤释文曰华原邑名属耀州余按五代史梁开平初华原贼帅温韬聚众据县岐王李茂贞始以华原置耀州使韬镇之此时未有耀州也新唐书地理志华原县属雍州开元元年以雍州为京兆府

安禄山乘鐵輦

史炤释文曰輦羊茹切余谓此輦字即輿字今人多读从平声盖舁车之輦是人輦之则音羊茹切若乘輦则人乘车輿也读当平声二百二十五卷代宗大历十四年乘輦误同

禄山步骑散漫人莫知其数

史炤释文曰漫谟官切又莫半切余谓当从下音

肃宗至德元载鲁炅屯叶北以備安禄山

史炤释文曰叶县之北汝州也余按通鑑下文鲁炅立栅于湓水之南未至汝州

程千里出崞口讨贼

史炤释文曰崞口在代州【海陵本同】余按旧唐崞口在相州西山在代州者崞县非崞口也二百二十六卷德宗建中二年崞口注亦误

通鑑二百一十八【凡五条】

同罗曳落河居五分之一

史炤释文曰安祿山所劫同罗兵号曳落河余按祿山养同罗奚契丹降者八千余人号曳落河曳落河者胡言壮士也是时史思明等合兵五万余人而同罗曳落河居五分之一是同罗曳落河不下万人矣祿山在洛方圖关辅所养曳落河八千余人若以万人付思明反浮于所养之数不应如此盖同罗者阿布思之部落也阿布思败死其部落归祿山祿山简同罗之壮者与奚契丹之壮者养之通谓之曳落河其不预曳落河之养者尚多今遣助思明者同罗之兵及曳落河通有万许人耳

芟涉至此劳苦至矣

史炤释文曰芟草舍一曰草木根本亦作防余按芟草舍也郑康成之說草行曰芟水行曰涉正应此义不当妄引草木根本以自杂其說

太子至乌氏彭原太守李遵出迎

海陵本释文曰是年改乌氏曰保定余按乌氏汉县故墟在彭原东南据旧唐书乌氏驿名新唐志保定县本汉安定县唐为泾州治所在彭原西一百二十里保定县固是年更名然非乌氏之地

太子至平凉阅监牧马

史炤释文曰渭州有马监余按唐之盛也秦兰河渭泾原岐豳寧庆鄜坊延夏及河曲之地凡监四十有一岂特渭州有马监哉时太子所阅者平凉之监牧平凉原州非渭州也

贼势大炽西胁汧陇

史炤释文曰汧水在安定余按前汉书地理志汧水出扶风汧县西北又曰郁夷县有汧水酈道元以为汧水即鱼龙水唐书地理志陇州有汧源县汧阳县皆因汧水而名汧水不在安定

通鑑二百一十九【凡一条】

第五琦请以江淮租庸市轻货泝江汉而上至洋川史炤释文曰洋音祥汉戚夫人生于洋川高祖宠之名其川曰洋川以表诞生之休祥也【费本同】余按洋川汉时汉中成固之地刘蜀分成固立南乡县晋改为西乡县后魏废县于丰寧戍置丰寧县寻于县置洋州及洋川郡隋开皇初废郡大业初废州复为西乡县唐武德元年析梁州之西乡黄金兴势置洋州天寶改洋州为洋川郡汉书言定陶戚姬不言生于洋川地理志止有成固县不载洋川戚夫人生于洋川本之酈道元水经注道元好奇之过也

通鑑二百二十【凡三条】

至德二載史思明開井陘路

史炤釋文曰井陘山在鎮州井陘縣余按唐穆宗詭恒始改恒州為鎮州 宗改州為郡恒州曰常山郡肅宗改郡為州復曰恒州此時未有鎮州也

乾元元年李嗣業在河內安慶緒涉沁水攻之

史炤釋文曰沁水縣名屬澤州【費本同】余按唐書地理志沁水出沁州沁源縣東南出山而東流過河內縣北安慶緒自邺攻河內須涉沁水而進兵此指河內之沁水非澤州之沁水縣也

王仲升斬黨項酋長拓跋戎德

史炤釋文曰拓防本代地元魏復姓余按元魏之拓防氏起于代北黨項之拓防氏起于西陞宋朝之西夏黨項拓防之後也寶元康定之間凭陵中國慢書狎至使其出于元魏亦必張大而言之而未嘗語及者非其所自出也唐書列傳黨項以姓別為部一姓又分為小部落有細封氏費听氏往利氏頗超氏野辭氏米禽氏拓跋氏而拓跋氏最強二百五十八卷昭宗大順元年注又誤

通鑑二百二十一【凡二條】

二年郭子儀等圍邺城壅漳水灌之

史炤釋文曰山海經曰漳水出荆山南注于沮水余按郭子儀壅邺旁之漳水以灌城非出荆山之漳水九十七卷晉康帝建元二年趙王虎投王波父子之尸于漳水釋文之誤正與此同已辯于前矣二百六十卷昭宗光化三年漳水注復誤蓋史炤讀書不多只據廣韻以釋通鑑又不能親師取友以求聞所未聞所以到底錯了孤陋自是者其戒之哉然余亦當自以此為戒也

李光弼自將屯中澗城

史炤釋文曰河南縣有中澗城余按河陽有三城以守河橋自晉杜預建橋于富平津此大河有橋之始也然未有城也後魏孝文帝自代遷都于洛又作河橋河側北岸有二城置北中郎府徙諸從 府戶并羽林虎賁領隊防之魏氏分為東西東魏得洛懼西人之侵軼雖徙洛人于邺而河陽仍為橋以聯絡懷洛觀宇文與高氏交兵于邺洛之間則可見矣高敖曹之敗也叩河陽南城以閉關不內而死此時蓋已有南城宇文泰縱火船欲焚河橋斛律金所以御之者必于中流制之意此時亦必有中澗矣史思明入東京李光弼據河陽與之相持思明來攻三

城皆受敌光弼自将屯中潭应接南北二城视其所急而赴之安史既平河朔藩镇桀骜唐于此置河阳三城节度使遂为重镇中潭城三城之一不在河南也宋白曰中潭城东魏所筑

通鉴二百二十二【凡三条】

上元二年奴刺党项寇寶鸡

史炤释文曰浑奴刺也吐谷浑自称曰浑主故以浑奴刺言之【费本同】余谓吐谷浑自是一种奴刺自是一种吐谷浑王旧自称可汗未尝自称曰浑主史或以浑奴刺连言亦言浑与奴刺两种耳太宗贞观二十一年奴刺啜匐俟友内附此则奴刺别是一种之明证也

代宗广德元年田承嗣为魏博德沧瀛五州都防御使史炤释文曰魏博藩镇自田承嗣始传五世至田 正入朝十年复乱更四姓传十世有州七曰贝魏博相磁洛卫余谓此通鉴书以魏博授田承嗣之始然此时命承嗣为魏博德沧瀛五州都防御使未须以贝魏博相磁洛卫七州为注详辩于二百六十六卷梁太祖开平元年

明经则诵帖括以求侥幸

史炤释文曰谓为机括而诵之余按高宗之时以刘思立之言明经加试帖举人乃总括经文以类聚之而诵习以应帖试谓之帖括括总括也非机括之谓

通鉴二百二十三【凡一条】

二年秋七月税天下青苗钱以给百官俸

史炤释文曰唐租庸调之法坏代宗始以畝定税而税以夏秋时以国用急不及秋苗方青即征之号青苗钱余按乾元以来天下用兵京司百僚俸钱减耗代宗即位推恩庶僚下议或以税畝有苗者公私咸济乃分遣宪官税天下地青苗钱以充百司课料若定夏秋二税则德宗即位方行其法非代宗也史明书秋七月税天下青苗钱安得谓不及秋即征之乎

通鉴二百二十四【凡二条】

大历五年元载请割郿虢寶鄠盩厔 李抱玉

史炤释文曰郿虢并扶风县名余谓史炤仅能引汉书地理志耳汉右扶风有郿虢二县及晋省虢县存郿县后魏于虢县地置武都郡西魏置洛邑县后周置朔州州寻废隋开皇初废武都郡大业初改洛邑县为虢县后魏又于郿县置平阳周城二县西魏改平阳为郿城后周废入周城县隋开皇十八年改周城曰渭滨大业二年改曰郿县扶风隋唐为岐州时为凤翔府

朕今亲御禁旅

史炤释文曰旅众也說文军五百人为旅余谓禁旅直言禁兵耳不必拘五百人为說

通鑑二百二十五【凡一条】

十四年泽州刺史李鷄上庆云圖詔曰卿云灵芝怪草异木何益于人

史炤释文曰卿如字文选卿云黼黻河汉谓司马长卿 子云也后言瑞者以卿云为庆云皆取黼黻河汉之意【海陵本费本同】余谓史炤缪矣古者卿庆同音班固白雉诗永延长兮膺天庆叶韵音卿是也卿云即庆云晋天文志瑞云一曰庆云一曰景云嘉气太平之应也

通鑑二百二十六【凡五条】

沈既济上选举议曰责于侍郎则曰量书判资考而授之不保其往也

史炤释文以量书为句断注曰尚书掌七品以上选侍郎掌八品以上选皆有铨量之书所以叙其资地而进退之也【费本同】余观沈既济之议其上文曰考校之法在书判簿歷言词俯仰而已是书判也非铨量之书也又曰量资积考非劳也是资考也非资地也唐择人之法有四曰身言书判身取其体貌丰伟言取其言辞辯正书取其楷法適美判取其文理优长资考者限年躋级谓之资课校殿最谓之考

京畿观察使崔寧

史炤释文曰天子千里地以遠近言之则言畿此指京师故谓之京畿余按古者王畿地方千里唐以长安为西京洛阳为东都有京畿都畿京畿观察部京畿诸州谓雍岐同华商邠也

德宗建中元年朝臣请赦刘文喜上皆不听曰微孽不除何以令天下

史炤释文曰孽庶子也犹木之有孽生故以为谕余按史炤此亦本之广韵然刘文喜岂唐之庶子哉凶孽妖孽皆孽也不专以庶子为义此言微孽犹凶孽之孽耳一百五十二卷梁武帝中大通二年魏高欢言嬖孽擅朝指郑俨徐紇也炤之误亦如此

刘海宾言于上曰臣乃陛下藩邸部曲

史炤释文曰藩谓为藩屏者凡郡国朝宿之舍率名邸邸至也言所归至也余谓炤說自通但初读者未易遽晓且以此释藩邸部曲四字其义犹欠明切唐人率称诸王邸第为藩邸谓藩国邸第也此說较简明實应初上以雍王为天下兵马元帅故刘海宾自谓藩邸部曲

王国良遣使乞降犹疑未决

史炤释文曰犹余救切攬属其性多疑一説陇西人呼犬子曰犹好先行却住以俟其人遂曰犹豫犹疑亦犹豫之谓余以文絜观之不过言王国良犹持疑而未决降计耳犹之为义尚也如左传尚犹有臭其莠犹在贾谊所谓犹尚如此之犹不必引犹豫以释犹疑也

通鉴二百二十七【凡三条】

二年南至江淮闽越

史炤释文曰闽越东南越余按此言闽谓七闽之地及百越之地耳若以汉书言之则闽越之地今福建路是也东越之地今温州是也南越之地今交广是也岂得谓闽越为东南越乎一百六十七卷陈武帝永定元年注闽中亦误辩已见前

宣武节度使刘洽

史炤释文曰宣武节度使自刘 佐始传四世而灭有汴颍宋亳余按新唐书方镇表建中元年分宋亳颍别为节度使寻号宣武节度使是时李勉以永平节度使镇汴州其后陷于李希烈至兴元元年刘洽破希烈复汴州始有汴宋颍亳四州寻徙宣武军治汴州洽改名 佐佐传子士宁士宁为李万荣所逐是刘氏在宣武仅二世也何尝传四世哉

入敕使院擘裂杀之

史炤释文曰擘博厄切説文防也余按此乃分擘之擘非防也

通鉴二百二十八【凡三条】

四年外侵则汧渭为戎

史炤释文曰汧渭二水出凤翔府寶鸡县余按二百一十八卷肃宗至德元载炤释汧陇之汧已误今又误汉书地理志渭水出陇西首阳县鸟防山而东流汧水出右扶风汧县西北水经注汧水东流合于渭渭水又东迳陈仓县唐改陈仓县为寶鸡县渭水则过寶鸡汧水不惟不出寶鸡且不至寶鸡矣陆防所谓外侵则汧渭为戎者谓吐蕃侵逼也汧水在唐陇州界渭水出唐渭州界代宗初吐蕃陷秦渭入大震关唐遂以陇州为极边故曰汧渭为戎

以李昌巖为京畿渭南节度使

史炤释文曰巖渠龟切【海陵本同】余按巖奴刀翻史炤卤莽以其字旁从防遂自为音切也

胶水蒋沆

史炤释文曰胶水在汉胶东县一曰密水唐时胶西为密州余按水经胶水出黔陬县胶山北过其县西又北过夷安下密胶东当利县北入于海汉书地理志黔陬县属琅邪夷安县属高密下密县属胶东国无胶东县当利县属东莱郡唐书地理志莱州有胶水县莱州古东莱郡地胶水县盖当胶水下流入海之地非密州也

通鉴二百二十九【凡二条】

朱泚推云梯载壮士攻城翼以輶輶

史炤释文曰说文淮 名车隆穹为輶应劭曰輶輶匈奴车博雅以为柳车余按柳车非所以攻城应劭以輶輶为匈奴车者因汉书扬雄传碎輶輶破穹庐而为之注也盖輶輶者攻城之车兵法曰修輶輶距闾者三月而后成谓攻城也輶輶不特匈奴有之中国亦有此车

韩滉修坞壁起建业抵京岷楼堞相属

史炤释文曰京岷山名京大也即琅邪大岷山【费本同】余按韩滉时镇润州修坞壁起建业抵京岷京岷山在润州州治东五里琅邪之大岷山在沂州滉修坞壁自建业抵润州之京岷山耳安能絶江越淮抵沂州之大岷山邪况此时陈少游镇淮南而沂州又李纳巡属也韩滉决不能跨据他镇疆土而修坞壁盖滉以乘舆播迁欲阻江自守其治楼堞起升抵润皆自守规摹也

通鉴二百三十【凡二条】

兴元元年专虚名而不副之以实则诞谩而人情不趋史炤释文曰诞谩不经之称余谓妄为大言曰诞欺语曰谩皆虚而不实之谓非不经之称也

张献甫怒樊泽曰行军乃敢自圖节钺

史炤释文曰节以专杀斧钺以专断余按记王制诸侯赐鈇钺然后杀是斧钺以专杀也至于汉魏以下持节者亦得以专杀唐中世以后置诸镇节度使建节树六纛亦得以专杀故授节度使者谓之授旌节亦谓之授节钺若曰节以专杀斧钺以专断恐字义不可如此区别自是之后炤屡拈出此二语盖自以为得而不知其失也

通鉴二百三十一【凡四条】

进退羈碍

史炤释文曰羈马络头也碍谓羈所挂碍也余按羈者有所绊碍者有所止

钟虞不移

史炤释文曰虞音具余按经典释文及诸字书虞音巨无音具者此又蜀人土音之讹

贞元元年新州司马卢杞遇赦移吉州长史陈京赵需等争之不已上大怒左右辟易京顾曰赵需等勿 史炤释文曰京姓也风俗通云郑公子段封京城其后因为氏顾其名余按陈京赵需等争卢杞移吉州长史事德宗大怒当时左右之臣皆辟开而易其故处陈京乃顾谓赵需等曰勿 此一段稍识文理者皆知京之为陈京顾之为回顾也史炤以京为姓顾为名大似不识文理彼岂真不识文理哉其病在于不详观通鉴上下文而轻为注释至于板行其书以诳后学不知乃所以自彰其缪妄也

以李泌为陝虢都防御水陆运使泌宿曲沃将佐来迎史炤释文曰曲沃县名属绛州余按此非绛州之曲沃也绛州之曲沃晋封桓叔者也春秋之时晋以曲沃为别都盖自桓叔至武公宗庙在焉其地在大河之东李泌自长安赴陝州无缘迁路度河至绛州之曲沃水经注云曹阳亭在 农县东十三里又东有曲沃城春秋时晋侯使詹嘉守桃林之塞处此以备秦时以曲沃之官守之故曲沃之名遂为积古之传肃宗至德二载广平王俶与郭子仪收西京安庆绪将张通儒等走保陝追至曲沃大破贼于新店遂入陝城此即李泌所宿之曲沃也绛州之曲沃人所共知陝州之曲沃人有不能知者矣吁地理之难言盖如此

通鉴二百三十二【凡二条】

陆防上奏曰以逆泚之偷居上国怀光之窃保中畿史炤释文曰天子千里地以远近言之则言畿当天下之中故谓之中畿余按陆贄所谓怀光窃保中畿谓怀光窃保河中也 宗开元八年以河中为中都河东河西为次赤县余县皆为次畿县怀光据河中诸县皆为所有故言中畿盖洛阳为东京则河南府诸县为东畿长安为西京则京兆府诸县为西畿河中府居两京之中以为中都故谓之中畿也

二年百姓至蒸鬱手足以避役

史炤释文曰蒸火气上行也熨持火所以申繒也余按以火申繒固谓之熨然此言以火熨手足耳不必以申繒为释

通鉴释文辩误卷十一

通鉴二百三十三【凡二条】

三年李泌曰太子安有异谋彼譖人者巧诈百端虽有手书如晋愍懷衷甲如太子瑛犹未可信

史炤释文曰愍懷谓晋愍帝怀帝也【海陵本同】余谓李泌正引贾后譖杀愍懷太子遹事通鉴于八十三卷晋惠帝元康九年纪愍懷手书事甚详史炤且不能考岂可释通鉴以传世乎

七年韦臯遣三部落总管苏崧将兵至琵琶山

史炤释文曰琵琶川地名东奚所居余按琵琶川者东蛮所居蜀之徼外未尝有奚也炤误

通鉴二百三十四【凡三条】

九年僭军蹙国

史炤释文曰僭僵仆也僭军谓军不严整若僵仆也余谓僭军者覆军也军为敌人所败颠覆不能复振若人之颠仆不能复起也

万荣纵欲跋扈势何能为

史炤释文曰扈篱也水居者于水未至为扈水去则大鱼防扈而出小鱼独留余按防扈之语自汉有之释者以强梁为言史炤今以大鱼防扈为說夫炤所谓扈者海濒之人于海溼插竹为之其字作汭大鱼防汭东南濒海之人初无此语中土之人与西北之人安知鱼之防汭而为是语邪炤說可谓僻陋而不通从彊梁之說为是

十年云南王异牟寻令崔佐时衣牂柯服而入

史炤释文曰汉牂柯郡唐为牂州属江南道羈縻州牂柯系船柁也楚灭夜郎军至且兰橐船于岸因以名其处牂柯服谓牂柯人所服也余按史炤止祖述汉书注言牂柯郡所以得名之由未及唐时所谓牂柯也新唐书曰牂柯蛮在昆明东九百里东距辰州二千四百里其南千五百里即交州故通鉴下文载佐时之言曰我大唐使者岂得衣小夷之服小夷正指牂柯蛮

通鉴二百三十五【凡三条】

十二年以浑瑊王武俊并兼中书令

史炤释文曰浑戸本切本浑沌氏之后【海陵本同】余按浑城鐵勒九姓浑部之后世为皋兰州都督安得为浑沌氏之后乎自安史反城从其父释之在兵间父子各立战功至德宗时城之劳绩尤为显著通鉴盖屡书不一书而足史炤前固尝释浑城矣至此方以为浑沌氏之后何邪又按刘禹锡集有送浑大夫赴丰州诗曰凤衔新诏降恩华又见旌旗出浑家则浑字读从上声无亦其时浑氏功名鼎盛时人不敢言其出于藩落而为之讳遂以为浑沌氏之后邪观唐世言氏族者本其所自出必各引前世帝王公侯卿大夫士之着见者或以国或以邑或以氏或以諡或以字或以官亦或以名者往往多有傳防今亦无从而辨正之也二百四十五卷文宗太和八年浑鐵炤释同

韦渠牟形神忪懔

史炤释文曰忪余招切忧也悸也余按忪音他雕翻即轻忪之忪

十六年泗州刺史张仵出兵攻埇桥

史炤释文曰埇桥地名在淮泗一曰道上加土为埇余按泗水固合于淮然言埇桥在淮泗抑以为在淮泗之交邪抑以为在淮泗之间邪此等注书胸中实无定见而持两端之說而道上加土曰埇又因甬道而创生此义皆非确论也埇桥在徐州南界唐后置宿州于此江淮运船所必由之路也二百四十二卷穆宗长庆二年埇桥注又误

通鉴二百三十六【凡一条】

顺宗永贞元年制以积疹未复其军国政事权令皇太子纯句当

史炤释文曰疹止忍切从疾也【海陵本同】余按疾疹之疹音丑刃翻从止忍切乃疮疹癰疹之疹此疹既以从疾为释不当从疮疹癰疹之音二百四十三卷穆宗长庆四年嗜欲胜而疾疹作炤释又误

通鉴二百三十七【凡一条】

宪宗元和元年阿跌光进本出河曲步落稽

史炤释文曰阿跌氏其先河曲诸部贞观初内属赐姓李余按步落稽即稽胡也自后魏以来已居塞内其内属从矣阿跌光进兄弟元和初以军功赐姓亦非贞观初也

通鉴二百三十八【凡三条】

四年许孟容曰臣为陛下尹京畿

史炤释文曰天子千里地以遠近言之则言畿也余按史炤徒知以王畿千里释畿字为是說者屡矣终不足以发明通鑑所书之义按唐以洛阳为东都以河南府汝州为都畿以长安为西京以京兆凤翔同华商邠等府州为京畿然此时许孟容为京兆尹自言尹京畿则止言京兆不及他州蓋京兆府以长安万年两赤县为京县余县为畿县故孟容自云尹京畿也古人之言其取义各有攸当博考而求其所以言之意固不可胶柱一說以为释

四年悉甲压境号曰伐赵

史炤释文曰悉其兵甲以镇压疆境余按譚忠說田季安以伐赵言悉甲压境谓悉举魏博之兵以压赵境非以镇压魏博之疆境也举兵以临敌境曰压炤释非

五年伊宥为安州刺史母卒于长安不时发防郿士美先备篮輿即日遣之

史炤释文曰篮竹也以为輿余按篮輿以竹为之非竹名也篮輿谓之担子东南只谓之轿子

通鑑二百三十九【凡五条】

七年成德兖郛使者

史炤释文曰兖郛二州名余谓兖郛固是二州名此书成德兖郛使者言二镇所遣之使者也王承宗时为成德节度使李师道时为兖郛等州节度使兖郛未赐军号故止称兖郛犹田承嗣未赐天雄军号止称魏博也通鑑书唐藩镇或以军号或以州读者自审别之可也

八年夏绥节度使张煦

史炤释文曰夏绥二州名余谓此亦以二州为节镇之名犹兖郛也

十年是时发诸道兵讨吴元济而不及淄青

史炤释文曰淄青二州名余按淄青与兖郛共一镇也李师道承父兄之业有兖郛淄青曹濮登莱齐密沂海十二州初肃宗置淄青兖郛二节度使自侯希逸引平卢兵保青州而淄青兼有淄青平卢节度之号自李正己并有兖郛淄青十五州而兖郛遂兼淄青平卢之号师道正己之孙也据有十二州于河南诸镇最为强大时人或以兖郛称之或以淄青称之或以平卢称之其实一镇也二百五十五卷僖宗中和二年淄青亦犹是也

兵将相失心孤意怯难以有功

史炤释文以心孤为心狐注曰谓心若狐之疑也余以上下文求其义蓋谓兵与将相失则兵士之心孤心孤则意怯以此为說文理甚明顺何必以孤为狐曲为之說邪

十一年柳公绰曰京兆为輦轂师表

史炤释文曰輦輻所凑也唐以京兆为师表谓四方所辐凑也故曰京兆为輦轂师表余按自汉以为京兆者率曰待罪輦轂下盖谓京师在輦轂之下也言京兆为輦轂师表谓京兆之下以京尹为师表耳下卷十三年輦轂误同

通鉴二百四十【凡一条】

十二年裴度观筑城于沱口董重质帅骑出五沟邀之大呼而进李光颜与田布力战拒之贼退布扼其沟中归路

史炤释文曰扼持也谓分布而持扼余按通鉴上下文布谓田布也非分布之布

通鉴二百四十一【凡六条】

十四年刘悟见李公度执手歔歔

史炤释文曰 歔叹息貌余按字书 歔泣余声盖 歔者拭涕而收泗之声非叹息貌二百七十二卷后唐庄宗同光元年释 歔误同

田 正与刘悟相见于客亭即受旌节驰诣滑州史炤释文曰说文游车载旌析羽注所以精进士卒节长一尺二寸凡为使者持之余按周礼旂车载旌注云旂车木路也析羽五色象其文德也说文曰旌析羽注旌首所以精进士卒炤释逸旌首二字遂不成文理记曲礼武车绥旌德车结旌注云武车兵车绥谓垂舒之也尽饰也德车乘车结谓收敛之也不尽饰也正义曰旌谓车上旗旛也兵车尚威武故舒散旗旛垂绥然德车德美在内不尚亦奕故结纆其旒着于竿也兵车谓革路德车谓玉路金路象路木路既皆有旌特以绥结为别固不专以精进士卒为义又周礼掌节凡邦国之使有虎节人节龙节皆金也以英荡辅之英荡函也所以盛节此史炤所谓长尺二寸者也又有符节玺节旌节注云符节如今宫中诸官诏符也玺节者今之印章也旌节者今使者所拥节是也三礼义宗云节长尺二寸秦汉以下改为旌 之形是则后世之节畧如古旌节之制而尺二寸之节后世不复有矣唐制节度使赐双旌双节行则建节树六纛是所谓旌节也岂得以古者旂车载旌节长尺二寸释唐之旌节乎

邠寧节度使李光颜

史炤释文曰邠寧二州名余按新唐书方镇表是年置邠寧庆三州节度使史特提邠寧二字以为节镇之名其例犹淄青魏博镇冀也二百七十九卷后唐潞王清泰元年辩同

沉酣昼夜攬杂子女

史炤释文曰𦔻杂读为𦔻杂余按乐记曰及优侏儒优杂子女故注云优杂当读为𦔻杂今通鉴书𦔻杂炤又释曰读为𦔻杂何居

穆宗长庆元年瀍为颍王

史炤释文曰颍于軫切州名余按颍余顷翻炤音非

刘总奏分幽涿营为一道

史炤释文曰涿郡也余按古固有涿郡隋唐并汉之燕国涿郡为幽州涿郡天寶元年改幽州涿郡为幽州范阳郡而涿郡遂不见于史况幽营皆州名不应独释涿为郡代宗大历四年范阳节度使朱希彩表析幽州之范阳归义固安置涿州则刘总所奏者幽州涿州营州欲分为一道非涿郡也

通鉴二百四十二【凡四条】

昭义节度使刘悟

史炤释文曰泽潞藩镇自刘悟传至刘正传三世而灭有州五曰邢汾晋泽潞号昭义节度余按德宗以昭义军号赐泽潞以宠李抱真非始于刘悟昭义节度领潞泽邢洺磁五州未尝领汾晋也

起复田布为魏博节度使至魏州号哭而入居于垩室史炤释文曰垩乌故切余按垩乌各翻从乌故切非

朱克融焚掠易州涑水遂城满城

史炤释文曰涑水名出涿郡余按涑固是涿郡水名以唐时言之涑水则县名也属易州涑水县乃汉涿郡遒县地隋开皇元年以范阳为遒更置范阳县于此地六年改范阳曰固安八年废十年又置永阳县十八年改为涑水因涑水以名县也唐因之

二年军士日给不过陈米一勺

史炤释文曰陈米腐米也余谓陈米至腐败不可食矣陈米谓藏之积年者耳

通鉴二百四十三【凡四条】

四年贬李绅为端州司马张又新等犹忌绅日上书言贬绅太轻上许为杀之

史炤释文曰杀所介切削也余详观通鉴上文李绅自户部侍郎贬端州司马盖逖谪也张又新等犹曰言其太轻是欲寘之死地故上许为杀之杀当读如字史炤音义殊不可晓

马存亮自负上入军中

史炤释文曰负戴也余谓在首为戴肩背为负

上怪裴度奏状无平章事以问韦处厚处厚具言李逢吉排沮之状

史炤释文曰沮将豫切沮坏也余按字书沮止沮坏之沮音在吕翻炤音之误辩已见一百四十二卷齐东昏侯永元元年今此字义稍异故复出之

敬宗寶厯二年宣索左藏见在银十万两金七千两悉贮内藏

史炤释文曰左藏藏四方所献金玉珠贝玩好之库也余按汉官有中藏府属司农晋少府属官有左右藏令东晋及宋有外左库内左库齐梁陈有右藏无左藏北齐有左右藏令丞属太府隋唐皆然唐左藏有东都西库朝堂库右藏有内库外库新唐书百官志左藏署令掌钱帛杂防天下赋调右藏署令掌金玉珠寶铜鐵骨角齿毛防畫则左藏库者藏天下赋调之物非四方所献也

通鉴二百四十四【凡三条】

文宗太和六年李德裕奏修邛崃关

史炤释文曰邛崃山名在沈黎郡余按汉书地理志蜀郡严道县有邛崃山严道故青衣也汉武帝置沈黎郡汉光武建武十九年置青衣郡安帝延光元年置蜀郡属国都尉新唐书地理志邛崃关在雅州荣经县界祝穆曰邛崃关在黎州北九十里黎雅二州固皆汉沈黎郡地然自汉至唐州县之建置离合苟不详考而言之读者殊未知汉沈黎郡今为何地也

七年府兵内铲

史炤释文曰铲字未详余按字书无铲字今人多读为划音楚限翻

杜牧孙子序汉高祖言指踪者人也

史炤释文作指纵注曰纵子用切萧何传发縱指示兽处者人也顔师古注云发縱谓解继而放之也指示者以手指示之今俗言放狗余按杜牧注孙子序及通鉴诸本皆作指踪顔师古以汉书本皆不为踪字而读者乃以为踪迹之踪故以发踪为非而纵读如字由师古之言而推之则唐人固多有读发纵为发踪者今杜牧言指踪则习唐人之言径以指示兽踪为説也

依杜牧文义释之指踪当读为踪迹之踪若以为指纵音子用切则反害于文义矣使顏师古复生亦必就杜牧文意为之音义必不如史炤之拘泥而入于迂僻也

通鑑二百四十五【凡四条】

九年以刑部侍郎兼御史知杂李孝本权知御史中丞史炤释文曰御史之職有四知其杂事者谓之知杂【海陵本同】余按唐制御史台侍御史六人从次者一人知杂事谓之杂端殿中监察职掌进名迁改及令史考第台内事颺决亦号台端次一人知公廨次一人知弹分京城诸司为东西次一人知西推贓赎受事号副端次一人知东推理匭等有不糾举者罚之次一人分司东都台如此则侍御史六人其一人分司东都台五人在台院各有其职而知杂者台院之长史炤言御史之职有四非也

宦者举软輿迎上扶升輿决殿后罽毼疾趋北出史炤释文曰罽毼阙前饰罽复罽思也臣将入请事于此复思之余按史炤据汉书注而为之释耳然汉书注所云者阙前罽毼也此殿后罽毼则不可以臣将入奏事于其下复思之为释程大昌曰罽毼者镂木为之其中防通可以透明或为方空或为连 其状扶踈故曰罽毼读如浮思浮思者犹曰防鬚也因其形似而想其本状自可见矣罽毼之名既立于是随其所施而附着以为之名其在宫阙则为阙上罽毼臣朝于君至阙下复思所奏是也在陵垣则为陵上罽毼王莽去之使人无复思汉者是也却而求之上古则礼经防屏亦其物也疏者刻为云气禽兽而中空玲珑也又有网戸者刻为连文递相缀属其形如 也宋玉曰 戸朱缀刻方连是也既曰刻是雕木为之其状如 耳后世因此遂有直织丝 而张之檐窓以防鸟雀者文宗甘露之变出殿北门裂断罽毼而去是真 也此又沿放楚辞而施 焉者也元微之为承防时诗曰蕊珠深处少人知 索西临太液池浴殿晓闻天语后步廊骑马笑相随自注云 索在太液池上学士候对歇于此余按索乃是无壁及有窓处以索挂 遮防飞雀故云 索犹挂铃之索为铃索也宋元献喜子京召还为学士诗曰 索轩 邃釜坡羽卫重用微之句也泰之言汉陵阙之罽毼与唐宫殿之罽毼不同其援据详博故具述之学者观之则知为史学者非可守一家之說以释前史也

开成元年庄宅收买犹未已

史炤释文曰唐置庄宅六宅使以诸王所属为名或总云十六宅后置六宅余按庄宅使六宅使各是一官唐 宗初置十王宅附苑城而居使宦者掌之后增置为十六宅中世以后置六宅使六宅使掌诸王第宅之事庄宅使蓋掌田庄及外舍之事此言庄宅收买未已者谓使庄宅使搜买民间女子以充后宫也不可以六宅使混杂而为释盖此皆内诸司使也唐之将亡朱全忠诛宦官以所亲将校领内诸司使自此汔于宋朝遂为武散阶

二年诏彻乐减膳

史炤释文曰膳音善具食曰膳膳之言善也余按膳之言善古有此义然未尝音膳为善膳当读从去声

通鑑二百四十六【凡三条】

五年李珣坐为山陵使龙輶陷罢为太常卿

史炤释文曰輶顺允切车转者画龙其輶也【海陵本同】余按輶音勅伦翻记天子龙輶郑注曰天子殡以輶车画龙于轅孔穎達正义曰輶以载柩輶之为状庌下而寛广无似龙形惟轅与龙形相类故知画龙于轅也史炤音义俱非

正人如松柏特立不倚邪人如藤萝非附他物不能自起

史炤释文曰藤藟也萝莪也余按炤以萝为莪是据毛诗传诗菁菁者莪传曰莪萝蒿也然此非萝蒿之萝乃莪与女萝之萝能引蔓者也

武宗会昌四年张仲武为东面招抚回鹘使奚契丹室韦等并自指挥

史炤释文曰室韦契丹别种东胡之北边盖丁零之苗裔也余按史炤既曰室韦契丹别种又曰丁零苗裔盖引李延寿宋祁两家之說李延寿北史曰室韦盖契丹之类在南者为契丹在北者为室韦宋祁新唐书曰室韦契丹别种东胡北边盖丁零苗裔也就李延寿之說则以为契丹之类宋祁之說则持两端矣契丹丁零本非同种契丹本东胡鲜卑种丁零在匈奴北夷狄荒忽史亦莫究其先之所由来也

通鑑二百四十七【凡一条】

三年郕公李抱真

史炤释文曰郕城名在东海余按郕春秋时小国后为小邾唐以古国名封李抱真为公耳

通鑑二百四十八【凡一条】

宣宗大中二年王皞曰宪宗厌代之夕事出暧昧史炤释文曰厌于琰切厌魅也谓恶梦余谓厌代者谓升遐言厌薄人间之世弃之而上仙也厌当音于艶翻若厌魅之厌与恶梦而魇者其字义亦各不同史炤引之以释厌代之厌误矣

通鑑二百四十九【凡三条】

十年上曰郑光弼我不置

史炤释文曰弼大计切极也余按字书薳音大计切极也弼音呼计翻此言弼我者谓有所负恃以事干请不得所欲不止者也

十二年王式至交趾树芳木为栅可支数十年

史炤释文曰芳都聊切又音调【海陵本同】余按音调及都聊切广韵以为葦花其字从艸从刁又类篇有从艸从力者以为香菜音歷得切芳芳既皆艸名必不可以为栅新书王式传作芍木字书芍陟畧翻芍药香艸也不云木名赵魏之间谓棘为 音六直翻王式之先家于太原其父起多居河中庐于中条山得无因赵魏之言以棘为 乎艸本从艸得无传写之误以棘为艸遂为芳字乎

十三年郢王为皇太子仍更名濯

史炤释文曰濯徂回切余谓濯音七罪翻

通鉴二百五十【凡三条】

懿宗咸通元年王式命望海镇将云思益浙西将王克容将水军巡海澨

史炤释文曰説文澨埤增水边土人所止者余按史炤此説亦由广韵来通鉴所谓巡海澨者巡逻海濒耳顾野王曰澨水边地朱元晦曰澨水涯也説较简而明

六年诸道进私白者闽中为多

史炤释文曰闽中南越中地余按南越之地唐为岭南五管唐之闽中福建观察使所管也一百六十六卷梁敬帝绍泰元年一百六十七卷陈武帝永定元年皆有此误今以唐之疆理辩而申之

七年南诏以范昵些为安南都统

史炤释文作昵些注曰董冲云昵未详余考通鉴诸本及唐书皆作昵些若以字求之则昵音尼质翻

通鉴二百五十一【凡二条】

九年高邮防峻而水深狭

史炤释文曰高邮邑名属兖州余按高邮县自汉以来皆属广陵隋改广陵为江都郡又改为 州唐书地理志高邮县亦属 州史炤以为属兖州何也晋氏南度迄于梁陈于广陵置南兖州炤之所谓属兖州无亦以此为据邪但南兖州不可以为兖州晋宋齐梁陈之疆理不可以释唐之疆理释通鉴者当随事随时考其建置离合沿革也

贼以千縑赠张敬思

史炤释文曰縑并丝繒余谓史炤据说文以为说也唐制以布帛四丈为匹亦谓匹为縑所谓千縑者千匹也非并丝繒

通鉴二百五十二【凡六条】

十一年立战棚具礮橦

史炤释文曰橦卢堆切机石之架也余按礮机石也橦橦木也音卢对翻橦木者自城上下之以压敌非机石之架也

蛮合梯冲四面攻成都城上以钩縲挽之使近投火沃油焚之

史炤释文曰縲胡贯切络也又下究切维也一曰旗纽一曰槌耳【海陵本同】余按縲音于善翻又胡吠翻匝转索头如环所谓彊絙也前施大钩故曰钩縲广韵从胡贯切者缁文也非此义既曰钩縲亦非旗纽与槌耳也

东蛮苴那时勿邓梦冲三部

史炤释文提起苴那二字注曰东蛮部落名余按东蛮三部皆德宗朝韦臯帅蜀时招与共御吐蕃者苴那时一部也勿邓一部也梦冲一部也若曰苴那则以勿邓为时勿邓矣炤释非

僖宗干符元年王凝崔彦昭同举进士凝先及第尝衮衣见彦昭

史炤释文曰衮衣楚懈切博雅防衽衽谓之褕衽余按史炤此释全不可晓质以字书防衽也衽执衽也衽衣襟也裳际也褕亦衣襟裳际也衽无其字今秘密之秘从示不从衣尔雅衣褕谓之防郭璞注曰衣褕也齐人谓之褕或曰桂衣之饰孙奭等释曰此郭氏两解一云衣褕也本亦作褕方言曰褕谓之衽即衣衿也与字书略同又类篇曰方言防谓之褕博雅褕衽谓之褕衽而史炤之所引既误以褕为衽衽为秘又于衽衣之义无所发明炤于四十二卷汉光武建武六年引博雅以释槽枥一百三十六卷齐武帝永明三年引博雅以释眊与此释衽衣不过务求艰僻以防世耳何则衽衣二字今人所常言也凡交际之间賔以世俗之所谓礼服来者主欲从简便必使人传言曰请衽衣客于是以便服进又有服宴防之服而遇服交际之服者必谢曰衽袒无礼可见衽衣之语起于唐人而通行于今世也防褕衽谓之褕衽岂衽衣之谓乎

三年高骈筑成都罗城蜀土防恶以甃甃之

史炤释文曰甃甃甃并甃余谓甃甃今之甃高骈以蜀土防恶陶甃以甃成都之城甃砌也

南人率谓以甃甃地曰甃砌易曰井甃无咎马注云为瓦裹下连上也子夏传云修治也于云以甃垒井曰甃是皆以甃砌为义炤以甃城为井甃则又不通矣

无得为坎埒以害耕种

史炤释文曰坎埒高下也余按字书埒坎旁入也又曰埒小坎也易入于坎窞陆德明引説文曰坎中更有坎曰窞史炤所谓高下非坎埒之义也

通鉴二百五十三【凡四条】

四年南诏遣陁西段璿寶等来请和

史炤释文作璿字注云按董冲云未详【海陵本同】余按通鉴乃璿字新唐书作璿字盖传写唐书者误以王旁差为王旁羌而董冲又误为王旁□也若从璿字音七何翻

王郢东至明州刘巨容以筒箭射杀之

史炤释文曰筒徒红切竹名【海陵本同】余按唐制武举有筒射今军中亦有之筒射之箭长才尺余剖筒之半长与常弓所用箭等留二三寸不剖为箬以傅内箭筒中注箭上筒旁为窍穿小防系于腕彀弓既发豁筒向手背激矢射敌中者洞贯所谓筒箭也

五年李克用进撃寧武及岢嵐军

史炤释文曰岢嵐山名也近太原余按唐书地理志嵐州嵐谷县有岢嵐军窦苹曰岢嵐山在嵐州宜芳县西北元丰九域志岢嵐军太平兴国五年以嵐州嵐谷县建军南至嵐州九十里嵐州东南至太原一百八十五里九域志所载道里以太原府徙治后言之也其距太原不为近矣

六年张错郭晁帅行营兵攻东阳门

史炤释文曰晁敷尾切余按字书晁敷尾切旁从月晁字旁从日音滂佩翻又普罪翻又普没翻

通鉴二百五十四【凡一条】

广明元年郑畋闷絶仆地甃伤其面

史炤释文曰甃井甃余谓甃井甃炤之误犹前之误也蓋以甃甃地畋闷絶而仆故伤其面

通鑑二百五十六【凡二条】

光啓元年朱敬玫留荆南尝曝衣

史炤释文曰曝薄报切説文晞也余按曝字即孟子一暴十寒秋阳以暴礼记欲暴巫庭列子自曝于日之曝音步木翻

二年李克修攻孟方立防故镇武安临洺邯鄲沙河史炤释文曰邯鄲属惠州余按唐志惠州本磁州至天祐三年以磁慈声一更名惠州然史家只书磁州不书惠州蓋后唐以天祐三年政在朱氏但仍唐世磁州之名而不用朱全忠所改惠州也二百八十四卷晋齐王开运二年邯鄲注亦误

通鑑二百五十七【凡二条】

二年广陵城中无食以堇泥为饼食之

史炤释文曰堇居隐切又音芹草名尔雅谓之齧苦今堇葵也【海陵本同】余按堇泥黏土也二百六十七卷梁太祖开平元年刘仁恭用堇泥为钱炤释云黏土至二百六十九卷均王禎明元年又误

吕用之给杨行密曰用之有银五万铤

史炤释文曰铤待鼎切説文铜鐵朴也余按此言银铤也今人冶银大铤五十两中铤半之小铤又半之世谓之铤银非铜鐵朴之谓也

通鉴释文辩误卷十二

通鉴二百五十八【凡三条】

昭宗大顺元年李存孝擒孙揆韩归范紆以素练史炤释文曰 其字未详【海陵本同】余按丁度集韵 音充夜翻以防维持之也二百六十九卷梁均王干化四年 音昌者切亦非

惟华邠凤翔鄜夏之兵会之

史炤释文鄜作鄆注曰吉掾切地名余按通鉴言诸镇之兵会伐李克用者也华者镇国军之兵也邠者静难军之兵也凤翔者岐陇之兵也鄜者保大军也夏者定难军也通鉴前书张潜防宣武镇国静难保大定难诸军于晋州可以见矣史炤以鄜为鄆不考故尔鄜音夫

二年成都军民强弱相陵将吏斩之不能禁乃更为酷法或断腰或斜劈

史炤释文曰劈博厄切分也【海陵本同】余按音博厄切者乃擘字其字下从手不从刀从刀者音普壁翻剖也

通鉴二百五十九【凡一条】

干宁元年刘建锋马殷引兵至澧陵

史炤释文曰澧陵楚地余按唐书地理志醴陵县属潭州澧当作醴史炤以其地在战国时属楚邪自秦罢侯置守之后不当单引战国地理以释唐时州县以马殷后封楚王遂以其地为楚地邪则此时刘建锋主兵马殷特偏将耳且其兵方至醴陵未得湖湘块土其地既未属马殷殷又未受封为楚王可遽以醴陵为楚地乎其义例不明有如此者

通鉴二百六十【凡一条】

二年上曰就使沙陀至此朕自有以枝梧

史炤释文曰梧五故切斜相抵触也余按唐昭宗所谓枝梧者正引汉书诸将慙伏莫敢枝梧之枝梧为説如淳汉书注曰枝梧犹枝 也臣瓚曰小柱为枝斜柱为梧今屋梧斜柱也未尝以斜相抵触为义枝梧皆读如字

通鉴二百六十一【凡二条】

四年朱友恭攻黄州瞿章弃城南保武功寨

海陵本释文作翟章注云翟直格切姓也又音狄余考通鉴上下文乃瞿章非翟章也瞿音其俱翻

葛从周奔还杨行密追之及于淝水

史炤释文曰淝普计普卖二切水在丹阳【海陵本同】余按类篇淝音必至翻水名在弋阳今淝河在来远镇西十里来远镇即东正阳也东至寿州二百里史炤音释俱非也

通鉴二百六十二【凡一条】

天复元年王珂遣间使告急于李克用

史炤释文曰间使间谍之使【费本同】余谓敌兵断道遣使者投间道而行谓之间使非间谍之使也此后多有以间使为间谍者不欲倭数观者详之

通鉴二百六十三【凡一条】

二年削渍松栳以饲御马

史炤释文曰栳鉏里切【海陵本同】余按音鉏里切者果名松栳之栳音孚吠翻斫木札也时凤翔受围积久刳竭故削松栳令薄渍以饲马详考字书果木之栳今人作栳乃木札之栳字也从孚吠切木札之栳今人作栳乃果名之栳字也从鉏里切炤音之误颇亦由此二百八十卷晋高祖天福元年二百九十三卷周世宗显德四年削栳音皆误

通鉴二百六十四【凡六条】

三年李克用笑曰贼欲有事淄青

史炤释文曰淄青并州名属河南道余按炤释淄青与二百三十三卷宪宗元和十年二百五十五卷僖宗中和二年释淄青之误同而更添属河南道四字夫淄青之属河南道是唐天寶以前十道按察采访使所统自分建藩镇而淄青自为一道号平卢节度使李克用言贼欲有事淄青者时平卢节度使王师范举兵袭取朱全忠之兖州克用知全忠将攻师范故云尔

成汭作巨舰齐山截海劈浪之类甚众

史炤释文曰劈匹歷切破也又博厄切分也【费本同】余谓从匹歷切为是辩已见前

李嗣昭等复取振武城杀吐谷浑降者二千余人史炤释文曰吐谷浑西域国居 松山之阳洮水之西余按吐谷浑自高宗时为吐蕃所破举国内徙其国之故地尽入吐蕃此时吐谷浑

多居代北不复在 松山之阳洮水之西矣

天祐元年陈班贬湊州司戸

史炤释文曰湊千侯切又则侯切余按新旧唐书地理志无湊州湊当作溱贞观十六年开山洞置溱州溱州时属黔中节度使然湊字亦无千侯切一音

朱全忠表称邠岐兵逼畿甸请上幸洛阳

史炤释文曰天子千里地曰畿天子五百里曰甸余按禹贡天子五百里甸服孔安国注云规方千里以为甸服去王城面五百里而五百里则自东至西千里自南至北亦千里王畿千里以四方言之甸服五百里以一面言之畿即甸也非有千里五百里之殊若周礼夏官九畿之籍方千里曰国畿则王畿也禹贡之甸服也其外方五百里曰侯畿又其外方五百里曰甸畿侯畿则禹贡之侯服也若甸畿已为禹贡绥服周官之甸畿非畿甸之谓也

皇后出自捧玉卮以饮全忠

史炤释文曰卮古字作觚饮酒器也余按觚有棱之器也卮圆器也古字未必以卮为觚盖炤以为觚即卮字误作觚耳炤又曰古以角作觥受三升审观炤释蓋袭用应劭汉书注而不能尽用之也劭云卮饮酒礼器也古以角作受四升古卮字作觥郑 礼器注凡觥一升曰爵二升曰觚三升曰觶四升曰角五升曰散史炤谓觥受五升既与应劭异抑以郑 所谓觥者为觥与然后世之玉卮非古之觥也

通鉴二百六十五【凡二条】

泌阳刘存

史炤释文曰泌阳县名属泌县余按炤既曰泌阳县名矣不应又曰属泌县是必曰属泌州而误作属泌县也然泌州本昌州治枣阳唐武德五年改为唐州天祐三年朱全忠徙治泌阳表更名泌州此时唐州未改为泌州不当以泌阳属泌州为释欧史职方考只书唐州

昭宣帝天祐二年封皇弟禔为颍王

史炤释文曰禔时尔切余按温公注 子禔以支翻又音题未尝从时尔切

通鉴二百六十六【凡六条】

梁太祖开平元年梁王入館于魏魏博节度使罗绍威恐王袭之

史炤释文曰魏博唐之藩镇也节度贝博魏相磁洺卫七州治魏州【海陵本同】余按唐代宗广德元年平史朝义以田承嗣为魏博德沧瀛五州都防御使是年夏五月丁卯制分河北诸州以魏博德为魏州管此藩镇之始也大历七年魏博节度使田承嗣表分魏州置澶州八年昭义节度使薛嵩薨承嗣袭取相贝洺卫磁诏诸镇讨之卢子期之败磁州复归于昭义而淄青李正己取德州遂为己有承嗣所有者魏博贝相澶卫洺七州田悦之败洺州复归于昭义自此世袭更史氏何氏乐氏罗氏皆保有六州故罗绍威之悔诛牙兵谓人曰合六州四十三县鐵不能为此错安得七州哉

山后八军巡检使李承约

史炤释文曰山后八军谓涿营瀛莫平蓟妫檀皆属卢龙节度使卢龙乃幽州范阳郡也【海陵本同】余按涿营瀛莫平蓟妫檀此卢龙巡属八州非山后八军也涿营瀛莫平蓟皆在山前惟妫檀在山后又有新武二州与妫檀为四州置八军以备契丹河东故有山后八军巡检使卢龙古塞名在平州肥如县燕慕容令所谓守肥如之险者也唐武德初改肥如为卢龙县后置卢龙军于其地寻又以范阳节度使为卢龙节度使而治幽州卢龙之地非幽州范阳郡地也若曰卢龙节度使治幽州范阳郡则可矣

朱全昱睨帝曰朱三汝本碭山一民也

史炤释文曰碭山秦之碭郡在唐为宋州余按汉书地理志梁国故秦碭郡顏师古注曰以有碭山故名碭郡汉初置梁国都碭后都睢阳应劭曰碭山在碭县东括地志曰碭山县本汉碭县在宋州东一百五十里是则碭山县唐属宋州不为宋州也宋州治睢阳唐志云光化二年朱全忠以碭山虞城单父曹州之成武表置辉州则碭山县此时属辉州矣

以养子宣武节度副使友文为开封尹

史炤释文曰宣武节镇本治宋州梁徙于汴州【海陵本同】余按唐肃宗乾元二年置汴滑节度使治滑州上元二年废寶应元年复置河南节度使治汴州代宗以田神功为汴宋节度使亦治汴州大历中李灵曜作乱于汴州命淮西节度使李忠臣等讨平之因命忠臣以淮西节度治汴州德宗建中二年分宋亳颍别为节度使以宋州刺史刘洽为之治宋州寻号宣武节度使此宣宋节度治宋州之始也至兴元二年刘洽破李希烈得汴州遂徙治焉自此迄于唐亡宣武节度皆治汴州未尝徙也及梁受唐禅定都汴州乃复徙宣武节度于宋州而汴州置开封尹史炤殆未尝深考本末也

以权知荆南留后高季昌为节度使

史炤释文曰高季昌字贍孙陝州陝石人余按五代史高季昌字贍孙非字贍孙也陝州峡石人非陝石也

二年晋兵犹屯余吾寨

史炤释文曰余音余又音徐余吾水名在朔方即其地以为寨【海陵本同】余按汉书朔方有余吾水时晋兵救上党而屯余吾寨炤指朔方之余吾水为注计其地之相去无乃太远汉书地理志上党郡有余吾县章怀太子贤注曰余吾故城在今潞州屯留县西北晋兵所屯正此地也

通鉴二百六十七【凡三条】

三年岐王置翟州于鄜城

史炤释文曰翟直格切余谓翟当读为狄春秋战国时岐梁涇漆之北皆戎狄之地岐王置翟州盖取诸此

刘守文以重赂招诱契丹吐谷浑之众

史炤释文曰吐谷浑乞伏干归之苗裔自后魏以来名见中国居于青海之上焉余按吐谷浑徙河鲜卑慕容涉归之庶长子晋时度漠而西居于青海之上其后遂以为部落之名自晋以来通鉴书吐谷浑屡矣史炤前此释文亦言其出于鲜卑慕容氏于此忽以为乞伏干归之苗裔乞伏干归据河陇在东晋太元间当是时吐谷浑立国久矣乌得以为乞伏干归之苗裔乎炤释前后抵牾大率如此又按高宗之世吐谷浑为吐蕃所破徙鄯州寻徙灵州唐为置安乐州以处之后吐蕃复取安乐州而残部徙朔方河东今刘守文所招诱者河东管内云朔等州之吐谷浑也不在青海之上

四年晋王 卧帐中张承业褰帐抚王曰此岂王安寝时邪

史炤释文曰褰帐说文綯也余按说文所谓褰綯盖因春秋传征褰与濡而有此说张承业褰帐言褰开晋王所卧之帐耳安可以褰綯为释

通鉴二百六十八【凡四条】

梁太祖干化元年南平襄王刘隐病亟

史炤释文曰亟纪力切敏疾也又去吏切余按礼记夫子之病革矣革读与亟同病亟言病势危急也不当以敏疾为释若去吏切之亟数数也愈非病亟之义史炤大抵只据广韵为释文更不寻绎通鉴文义其敝至此

二年帝夜遁旦至冀州蓐之耕者皆荷鋤奋梃逐之史炤释文曰梃木片余按此即孟子所谓制梃以挾秦楚之坚甲利兵之梃梃者杖也岂木片之谓乎此亦信用广韵之过也

博王友文来朝请帝还东都

史炤释文曰朝请才性切余谓朝请之请汉书固音才性翻然通鉴书博王友文来朝朝字当句断请帝还东都请当读如字朝字属上句请字属下句文理晓然史炤惟不知句读遂并文理失之是后二百七十一卷均王祯明五年林思谔来朝请幸所治炤亦以朝请释之其误同

均王干化三年徐温曰浙人轻而怯

史炤释文曰江水东至防稽山陰而折故吴会之地因以称浙【海陵本同】余按浙江上游受衢婺歙三港之水水出两山之间盘廻百折至钱塘而入海故谓之浙江越婺衢台明温处七州为浙东杭苏常润秀湖睦为浙西此唐末所分也钱氏时跨有两浙故徐温谓其兵为浙人若云江水东至防稽山陰为浙江此汉桑钦水经之說至唐已分山陰西界置萧山县浙江过萧山入海太史公谓吴为江南一都防故后人谓吴为吴防今苏州是其地也吴防之地固亦属两浙不得颛称为浙也或以吴防指言汉吴郡防稽之地然汉防稽之地兼有七闽七闽之地唐为福建观察使所统唐末为威武军节度使所统非浙也

通鉴二百六十九【凡一条】

祯明元年刘鄩引兵自黄泽西去道险士卒援藤葛而进

史炤释文藤作滕注曰滕诗证切苕滕胡麻也余按胡麻今人皆种之其根浅手可擢而防豈可援以登险乎山路多藤葛故刘鄩之卒援以登险道藤音徒曾翻

通鉴二百七十【凡四条】

四年严可求以厚利募贛石水工故吴兵奄至防州城下

史炤释文曰吉州有贛石山遂兴水与防州相近【海陵本同】余按防州之贛水自州治后北流一百八十里至吉州万安县界为滩十有八怪石如精铁突兀廉厉错峙波面俚俗谓之贛石非山名也水工生长于其地习知滩险熟于操舟然后无触破覆没之患故以厚利募之以行舟若山则安用水工哉

以忠义节度使高万兴兼保大节度使并镇鄜延史炤释文曰鄜延并州名余按唐末以鄜州为保大军延州为保塞军梁改保塞军为忠义军则鄜延二州为二镇矣

李嗣源见晋军烧败

史炤释文曰烧火高切其字从手【海陵本同】余按烧字从木音奴教翻势屈为烧左传所谓师徒烧败音义正如此

五年贺瓌攻德胜南城设睥睨战格如城状

史炤释文曰睥睨衺视也【海陵本同】余按城上短垣谓之睥睨非衺视之睥睨也通鉴下文言如城状可以知矣

通鉴二百七十一【凡一条】

六年赵王镒雍容自逸事皆仰成于僚佐

史炤释文曰仰恃也余按仰成之语本于书毕命周康王垂拱仰成乃是康王以父师优礼毕公自言以冲幼而仰成于耆寿俊之意如左传所谓百谷仰膏雨汉书所谓氐首仰给其义皆同非恃也

通鉴二百七十二【凡三条】

后唐庄宗同光元年王彦章引兵逾汶将攻郢州史炤释文曰汶水出兖州莱芜县余按汶水发源于莱芜县原山西南流过郢州中都县东北中都今为汶上县距郢州九十余里王彦章引兵逾汶水其地在中都东北不在莱芜

帝发中都舁王彦章自随

史炤释文曰舁羊诸切共举余按以车载人前挽后推亦谓之舁其义固不专于共举也

高季兴入朝上从容问曰朕欲用兵于吴蜀二国何先史炤释文曰从容休燕也余按朝廷之仪君临之以庄臣承之以敬若从容顾问则气象安舒上下之情亲密无间上则不峻不迫下则不陵不遽是所谓从容也何必休燕然后为从容哉

通鉴二百七十三【凡一条】

三年张全义以罗贯高伉怨之

史炤释文曰伉高极也余按亢字则有高极之义此伉字之义敌也罗贯之为入必气貌峻厉言语彊直其事上也如敌已然故张全义以其高伉而恶之

通鉴二百七十四【凡三条】

长和骠信郑旻

史炤释文曰骠信南诏也余按唐末南诏改国号曰长和其君曰骠信长和者南诏也骠信者

南诏之君也

潯阳张砺

史炤释文曰潯阳县名属惠州余按唐灭梁复以惠州为磁州

孙铎曰贼既势挫必当离散然后可扑讨也

史炤释文曰扑掌也余按扑讨之扑擊也以为掌何义

通鉴二百七十五【凡一条】

明宗天成元年入洛拾庄宗骨于灰烬之中而殡之史炤释文曰殡殓也余按古礼斂自是斂殡自是殡自天子至诸侯卿大夫士皆有小斂大斂若殡则敢涂也炤释以殡殓同义亦以广韵为据考之于记檀弓子思之言曰防三日而殡凡附于身者必诚必信则殡似有殓义孔穎达防以为此士大夫之礼蓋亦因小斂大斂然后殡致疑也唐自许敬宗等去国防篇天子之防礼随时斟酌损益就简便而为之况五季之时邪

通鉴二百七十六【凡三条】

三年高从嗣请与马希范挑战

史炤释文曰挑徒吊切余按挑战之挑徒了翻

四年吴武昌节度使李简以疾求还江都卒于采石史炤释文曰采石一名牛渚山在丹阳县北大江中唐改县曰当涂余按汉书地理志丹阳县属丹阳郡当涂县属九江郡禹会诸侯于涂山即其地在濠寿之间永嘉防乱淮民南度晋成帝立当涂县于于湖县以处侨民其后遂为实土唐贞观八年省丹阳县入当涂当涂有县其来尚矣非唐改丹阳为当涂也

徐知诰召徐知询饮以金钟酌酒赐之知询疑有毒引它器均之跽献知诰知诰不肯受伶人申渐高径前为俳谐语掠二酒合饮之

史炤释文曰合葛闔切两龠为合【费本同】余按史言申渐高掠取金钟及它器之酒合而饮之安取两龠为合之义哉

通鉴二百七十七【凡一条】

长兴元年董璋姚洪令壮士十人刳其肉

史炤释文曰剗刺也余谓剗割也非刺也

通鉴二百七十八【凡二条】

三年幽州奏契丹屯纳兰泊

史炤释文曰纳兰泊地名近幽州【海陵本同】余按欧阳公四夷杂录时幽州有备契丹主西徙横帐居纳兰泊出寇云朔之间则纳兰泊在云朔塞外不近幽州也

四年闽薛文杰陰求富民之罪被榜捶者胷背分受仍以铜斗火熨之

史炤释文曰熨于胷切余按杨坚执周政李穆使人奉熨斗于坚曰愿持此以尉安天下则熨字有尉音但今人读熨字多音紆物翻

通鉴二百七十九【凡一条】

潞王清泰元年王以西都留守王思同当东出之道尤欲与之相结説以利害饵以美妓不从

史炤释文曰饵飮之也余谓此言饵者取钓饵之义钓者以饵引鱼而钩致之史言潞王饵王思同正此义也

通鉴二百八十【凡二条】

后晋高祖天福元年唐主夜与近臣从容语

史炤释文曰从容犹内燕也余按史炤多以从容为间燕已辩之于二百七十二卷后唐庄宗同光元年至此又以从容为内燕矣

薛文遇曰谚有之当道筑室三年不成

史炤释文曰谚犹传言也余谓谚者今人所谓俗语也

通鉴二百八十一【凡三条】

二年张从宾引兵东扼汜水关

史炤释文曰汜水县有虎牢关成臯关旋门关余按汉之成臯周之虎牢也穆天子传云七萃之士生捕虎以献天子天子畜之东虢命曰虎牢春秋城虎牢以偪郑即其地刘项相拒于成臯扼虎牢之险也唐初秦王世民守虎牢以破窦建德是虽县曰成臯而虎牢之名犹在唐改

成臯县为汜水县新唐书地理志注曰县有虎牢关成臯故关旋门关旋门关在成臯县西旋门坂酈道元所谓陟此阪而东趣成臯者也自此东至板城渚口为成臯关成臯关即虎牢关也所谓故关者先时所立之关也曰故关者史表言其有新关耳成臯县即改为汜水县关亦改呼为汜水关

王晖杀安远节度使王瓌

史炤释文瓌作瓌注曰思将切余按通鉴诸本皆作瓌字音古回翻

行军司马张朏

史炤释文曰朏敷尾切又滂佩切余按字书敷尾之朏其旁从月滂佩之咄其旁从日若依炤释兼两音是以朏咄为同一字也

通鉴二百八十二【凡三条】

四年以唐许王从益为郇国公

史炤释文曰郇地名在河东解县余按此以古国名封从益为公使奉唐明宗之祀而已非使其地也

五年楚王希范自谓伏波之后

史炤释文曰汉马援封伏波将军余谓伏波将军而言封史笔有此义例否其鄙陋无识槩可见矣

安审晖败唐兵于云梦泽中

史炤释文曰云梦二泽名在楚地余按禹贡云土梦作乂孔安国注云云梦之泽在江南左传楚王以郑伯田江南之梦杜预注云楚之云梦跨江南北汉书地理志云梦泽在南郡华容县南祝穆曰据左传防夫人弃子文于梦中言梦而不言云楚子避吴入于云中言云而不言梦则知云梦二泽也汉阳志亦云云在江之北梦在江之南此皆以二泽为說者也又安陆有云梦泽枝江有云梦城盖古之云梦泽甚广而后世悉为邑居聚落故地之以云梦得名者非一处安审晖败唐兵于云梦泽即安陆之云梦泽非古之所谓云梦二泽也

通鉴二百八十三【凡三条】

七年同鄜援兵继至

史炤释文曰同鄜二州名余谓同鄜二州自唐末以来同州为匡国军鄜州为保大军已为二镇矣

齐王天福八年楚王希范好自夸大为长枪大槊饰之以金可执而不可用

史炤释文曰通俗文剡木伤盗曰枪余谓凡注书者发明正文大义使读者因而求之无所凝滞也如炤此注于大义为何如哉

开运元年河决浸汴曹单濮鄆五州之境

史炤释文曰单时战切余按单州因单父县以名州单音善从去声者蜀人土音之讹也

通鉴二百八十五【凡一条】

吴越程昭悦譖阍璠杜昭逵谋奉钱仁俊作乱下狱锻链成之

史炤释文曰锻链炼冶金也余谓炤于此语之下更有以喻成狱也一语文意方足古人谓以狱辞成人之罪者曰锻链其引喻之义甚精盖冶金者既炼之以火又淬之以水链之以锤而后能成器舞文巧诋之吏其讯囚也威之以笞捶木索质之以参伍证佐或弛或张或缓或急以困之使答辩者变意易辞惟其所欲以成狱故比之锻链

通鉴二百八十六【凡一条】

后汉高祖天福十二年奚王伊喇

史炤释文曰拽以制切刺奴八切余谓拽羊列翻刺郎葛翻【伊喇旧作拽刺今按辽史国语解改正史炤胡三省翻切系属旧名姑存之】

通鉴二百八十七【凡一条】

李廷珪将兵出子午谷以援长安

史炤释文曰三秦记子午长安正南山名秦岭谷一名樊川余按樊川以汉高祖封樊哙而得名其地正直唐长安城南此则平川也言自樊川入子午谷则可以子午谷一名樊川则不可

通鉴二百八十八【凡二条】

干祐元年羌族防母杀绥州刺史李仁裕

史炤释文曰防其字未详【海陵本费本同】余按龙龕手鏡防音夜

蜀眉州刺史申贵擊汉箭箬安都寨破之

史炤释文曰箭末曰箬箬会也谓与 相防通作括【费本同】余谓箭箬岭名有箭箬关在凤翔西南界上宋高宗绍兴元年金将没立郎君自凤翔攻箭箬关吴玠遣将擊退之盖亦蜀口关隘处史炤蜀人也不知箭箬之为地名而泛言箭箬训义可见其孤陋寡闻矣

通鑑二百八十九【凡一条】

三年马希萼赐希广死彭师曷葬之浏阳门外

史炤释文曰浏阳县名属潭州余谓潭州固有浏阳县而浏阳门则潭州城门名也不当以县名为释自潭州城出浏阳者谓之浏阳门出醴陵者谓之醴陵门

通鑑二百九十【凡一条】

周太祖广顺元年刘崇即皇帝位于晋阳

史炤释文曰刘崇自太原以北有州十余按通鑑书刘崇有并汾忻代嵐宪隆蔚沁辽麟石十二州之地史炤言有州十是以欧史臧方考为据而忘通鑑下文也汾石二州在太原西南辽沁二州在太原东南刘崇疆土亦不止于自太原以北也

通鑑二百九十一【凡四条】

二年南汉将潘崇彻破王逵于蚝石

史炤释文曰蚝字未详【海陵本同】余按蚝音豪附石而生韩愈所谓蚝相粘为山者也生于海中者亦谓之砺

王峻争之不已

史炤释文曰争则迸切通作诤余谓争读如字文理自通

帝犹愍之

史炤释文曰愍眉殒切怜也余谓愍读与闵同音陨翻不从去声此亦炤土音之讹

显德元年契丹通事杨耨姑举城降

史炤释文曰耨乃豆切余以西北土音求之耨当音奴笃翻

通鉴二百九十二【凡二条】

二年蜀将赵玘举秦州城降

史炤释文玘作毗注曰浅氏切又千礼切余按通鉴诸本皆作毗当音蒲眠翻又毗宾翻

帝至寿春城下营于淝水之阳

史炤释文曰淝水出九江山入淮在庐州合肥县【费本同】余按淝水出九江良余山过合肥县又过寿春城北而入于淮淝水去寿春城才二里耳世宗下营正在此水之阳史炤但以应劭汉书注肥水至合肥与淮合之说为据而不考世宗所营之地不在合肥也

通鉴二百九十三【凡一条】

三年唐孙晟谓王崇质曰吾思之熟矣终不负永陵一培土

史炤释文曰培铺枚切瓦未烧者按汉书张释之传云长陵一抔土颜师古注曰音步侯切手掬也其字从手或读为杯非也又按培字当作抔意同而两音当互读也余按瓦未烧之培当作坯字与手掬之抔音既不同而意义亦不同也况张释之所谓取长陵一抔土意谓发陵恶察察言故曰取一抔土孙晟所谓终不负永陵一培土言将以死报唐不负其先帝山陵耳其立言命意全是不同培当读为培塿之培音薄口翻说文曰培塿小阜亦冢也孙晟言一培土犹言一冢土耳唐陆龟防筑城词曰城上一培土手中千万杵则培土以益土为义一培犹言益一畚土也若据陆诗培音蒲枚翻亦通

通鉴二百九十四【凡二条】

六年舳舻相连数十里

史炤释文曰汉律名船方长为舳舻余按汉书武帝纪舳舻千里李斐注曰舳船后持柁处舻船前持櫂处言其船前后相銜千里不絶也小颜三刘无以异其说

翰林学士单父王着

史炤释文曰单父县名属宋州余按唐书地理志单父县固属宋州然唐末朱全忠置辉州于砀山分单父属焉寻徙辉州治单父后唐改辉州为单州此时单父县属单州不属宋州也